

Li Pratadaôphao

Li Pratadaôphao tatai theingă

Li Pratadaôphao mề mwaï *Li Lũka* asè. *Li Pratadaôphao* tailaôhtan Bweca Yaò Cañsũ lailan dò mata dỏ pratadaôphao mwaï PeTeRu dò YoHa, YaKo, PỏLu dò ta-aòblon pradau prapră SeTePha dò PhỉLiPu, BaNăBa dò akru lahan akaũ thamă rĩkaĩ. Naòdwan nu, tailaôhtan PỏLu philai tathanaòthasaũ rĩkaĩ taũdỏ Wein RỏMe thamă rĩkaĩ.

Tarĩtakaĩ arĩdau dỏ *Li Pratadaôphao* thayũ tailaôhtan mề mwaï “YeSyũ thonlan Bweca Yaò cãnsũ cwaĩdò ka phỉ pratadaôphao takrautayaò dò ka daòhtulan tathanaòthasaũ rĩkaĩ bakyădò YeSyũ mwaï Khri, prakahtũtadau cãhtan dỏ Wein YeRuSyaLe, Kăn YũDa thadeĩba, Kăn SyaMaRĩ dò taũdỏ hankhau kadwan(1:8),” thamă rĩkaĩ.

Li Pratadaôphao atapănpha

Tapranyaỏ dỏ ka kxanthá dỏ YeSyũ ngă – 1:1-26

1. YeSyũ tamălan naòdwan dò ata-ũlan- 1:1-14
2. Pra htanplũ YũDa kalăn -1:15-26

Daòhtulanta bă Wein YeRuSyaLe -2:1–8:3

Daòhtulanta bă Kăn YũDa dò SyaMaRĩ -8:4–12:25

PỏLu talai -13:1–28:31

1. PỏLu talai kahti lablan -13:1–14:28
2. Ta-aòbloncũ bă Wein YeRuSyaLe-15:1-35
3. PỏLu talai nũ blan lablan -15:36–18:22
4. PỏLu talai thyũn blan lablan -18:23–21:16

5. PồLu lantaĩ htòn bã Wein YeRuSyaLe, Wein KèSăRĩYă dò
Wein RồMe-21:17–28:31

1

¹⁻² Kồ pradau Thi-OPhĩLu, dồ li arĩ laba kaũ nu, khĩ tyan hỏ bakyădò YeSyũ rĩkaĩ pũraũ cā lă amata dò thwanlũta, taũdồ mỗnnũ bã amālan pratadaôphao mwaĩ arauhtan dồ Bweca Yaò Cănsũ dò Bweca phiceinhtan năn dồ maokhau rĩkaĩ nè. ³ YeSyũ khandũta htaũdò daũlaỏhtan anăn dồ apratadaôphao ăblan dồ adaỏ lwĩsũ kalăn dò khandá dồ athamyũnhtancein dò taiba anănthũ bakyădò **Bweca sũkăn** rĩkaĩ.

⁴ Bă a-aỏblon mỗ dò apratadaôphao khă nu, amālan apratadaôphao, “Cỏ swaĩhtan mỗ dồ Wein YeRuSyaLe ka. Aỏhaũ rĩ taũ nathũ manaũba khĩ phă ta-ũlanyălan dò nathũ ka. Ta-ũlan ũ khĩ taiba hỏ nathũ lă rĩkhă. ⁵ Prablỗnsũ YoHa mề blồn ngòn dò sũ blănmề cỏ ngĩ pè ta ka blồn nathũ dò Bweca Yaò Cănsũ nè.”

Taphiceinhtan YeSyũ

⁶ Naỏkhă, bã pratadaôphao aỏcòncũ thă dò YeSyũ khă, anănthũ htu, “Kỏ **Tadau**, kanaĩ mề, na ka phĩceinblan lô ISaRẻLaphao sũkăn ya?”

⁷ Dò anăn taicein, “Tasaũkhă mwaĩ khĩ phă bwailan dò akrauyaò mề, ta cỏ daỏtheingă nathũ kỏ. ⁸ Blănmề bã Bweca Yaò Cănsũ lanba dồ nathũ nănkhu khă, nathũ ka naũba takrautayaò dò htũhtan khĩ prakhandá cāhtan dồ Wein YeRuSyaLe, Kăn YũDa thadeĩba, Kăn SyaMaRĩ dò taũdồ hankhau kadwan.” ⁹ Tai tha-ũ htaũdò bã pratadaôphao u năn khă, anăn ba taphiceinhtan dò la-aũ dồ maokhau dò pracũhtanphao cỏ ulaỏ pè anăn kỏ.

¹⁰ Dò bã anănthũ uhtancũ leĩn YeSyũ ceinhtan dỏ maokhau khă, saraô, pra thaòkwăn hwăncein baũ thanũ sahtôn àò bã anănthũ kaphrĩ ¹¹ dò tai, “Kỏ GaLiLăphao, nathũ uhtan dỏ maokhau mară? YeSyũ mè, cwaĩ nathũ usũ Bweca phiceinhtan năn dỏ maokhau bã nathũ klă kanaĩ nu, aka ceinlanblan mỏ cwaĩ tha-ũ nè.”

Tarauhtan pratadaôphao athũ lapra

¹² Htaũdò pratadaôphao àò dỏ ThônZaRĩ kũ khau dò ceinblan dỏ Wein YeRuSyaLe. Kũ ũ dò Wein YeRuSyaLe nu, àòcôn lwĩ phalon.

¹³ Bã anănthũ ceintaũ dỏ wein kaũ bã hyũn dỏ anănthũ àò lama khă, laihtan dỏ dao htanlũ ladao kaũ. Pra ũkaũ mè mwaĩ PeTaRu, YoHa, YaKo, AnDre, PhĩLiPu, ThỏMă, BaThaLỏMẻ, MaThẻ, ALaPhẻ phaokhaũ YaKo, SĩMo mwaĩ pramata dỏ sũkăn ngã dò YaKo phaokhaũ YũDa. ¹⁴ Anănthũ dò pramu lahan, YeSyũ maỏ MaRĩ dò YeSyũ pũ àòcòncũ thayăn dò kwĩthabă dỏ thálamahtein.

¹⁵ Bănu saũkhă ladaỏ kaũ nu, prayũ YeSyũ ka àò pra laya nũsũ àòcòncũ, dò bãnukhă PeTaRu sahtôn dỏ anănthũ klă ¹⁶ dò tai, “Kỏ thapũwaĩ thũ, bakyădò YũDa mwaĩ akălai pracyan YeSyũ lapra rĩkaĩ mè, Bweca Yaò Cănsũ daôtai saũyaỏ Cahwa DaWĩ dỏ Li Cănsũ tatyan yaỏ akaũ nu, kaba băhtan bwaĩhtan nè. ¹⁷ Anăn mwaĩ YeSyũ rauhtan lapra dỏ ka ma tadaôphao tama cwaĩ pa dò àòblon dò pa. ¹⁸ YũDa mè, manaũ rwăn dỏ takarănkata kaũ dò prĩ hankhau lapein dò lanteĩn saĩkhau dò aphũtòn caphákaĩ dò aphũpraĩ lanlũkaĩ laỏlăn.

¹⁹ Pra àò bã Wein YeRuSyaLe ũ pũpra nahyũn tahtũhtan ũ dò kă hankhau ũ dò ‘AKeDaMă’. AKeDaMă ũ mwaĩ anănthũ tamangaỏ dò atathayũtai mè hankhau mwaĩ thwĩ kalăn lan.

²⁰ Li Dahtònhtan kaũ tyan yaỏ tha-ũ,
‘Ahyũn ka àòthu saôka.

Ngòn ka cồ àò pè đố akaũ lapra lapra ka.

Bwai pra karu lapra ka phinaũ akalăn saôka.’

²¹⁻²² Akhaucă pa kaba rauhtan plũ pra lapra đố YũDa kalăn. Anăn kaba khan blon athá dò pa bakyădò Bweca daôthamyũnhtancein Tadau YeSyũ đố tathũ arĩkaĩ. Dò anăn kaba mwaĩ pra-aòblon kaò dò pa pũsaũkhă lă YeSyũ laiceinblon dò pa khă, cā lă prablõnsũ YoHa blõn ngòn dò sũ dò taũlan đố Bweca phiceinhtan YeSyũ đố maokhau.”

²³ Dò anănthũ rauhtan pra thanũ. Lapra mề mwaĩ YoSě đố ngòn kă năn dò BaSăBa bacômwaĩ YũStu. Dò akaru lapra mề mwaĩ MaThĩYa.

²⁴⁻²⁵ Htaũdò anănthũ kwĩthabă, “Kổ **Tadau**, na theingă pra pũpra thauthá. YũDa mề aòhtôn hỏ đố pratadaôphao kalăn dò alai kalăn bă kôn dò anăn hỏ. Kwĩcică na đố na ka daũlaỏba pa, pra ử thanũ aklă lapra cwaĩdò ka htũhtan pratadaôphao ka.” ²⁶ Htaũdò anănthũ ma tapănphá dò tapănphá lanba MaThĩYa akhaucă, ba tadaòblon MaThĩYa dò pratadaôphao lasũ dò lapra.

2

Bweca Yaò Cănsũ talailan

¹ Bă **daỏ ngaisũ apwẻ** ba khă nu, prayũ YeSyũ ửmau nga, aòbloncũ đố kalăn laklaohstein. ² Dò bănukhă, taprein àò đố maokhau lailan khyaò cwaĩ taghũ dau dò hyũn laỏ hyũn lama dau bă anănthũ sanăn àò kaũ. ³ Bănukhă, anănthũ usũta thalyũn mĩplĩ dò mĩplĩ ử caphru lanba anănthũ pũpra. ⁴ Dò Bweca Yaò Cănsũ aòbwaĩ đố anănthũ pũpra akaũ dò cā mangaỏ tamangaỏ karu cwaĩ Yaò Cănsũ daômangaỏ anănthũ.

⁵ Dò bǎnukhǎ, YǔDaphao mwaǐ abwaidau Bweca àò dǒ kǎn pǔkǎn lai àòcòncǔ bǎ Wein YeRuSyaLe. ⁶ Bǎ pra ǎpra nahyǔn taprein ǔ khǎ, lai còncǔ bǎ prayǔ YeSyǔ ũmau kalǎn àò. Dò ta dǒ prayǔ YeSyǔ ũmau mangaǒ nu, anǎnthǔ nahyǔn dǒ lapra dò lapra atamangaǒ taǒ akhaucǎ, anǎnthǔ thakhyaòtha-ǎn. ⁷ Taciklicingǎ dò tathaphrû thakhyaò dau lanba anǎnthǔ dò taicǔ, “Pra mangaǒta ũmau mề GaLiLǎphao cǒ mwaǐ rǎn? ⁸ Pa nahyǔn taǒ pa tamangaǒ marǎ? ⁹ Pa mwaǐ pra àò dǒ PaThi Kǎn, MeDě Kǎn, ÈLa Kǎn, MèSoPoTěMíYǎ Kǎn, YǔDa Kǎn, KaPaDoKí Kǎn, PòTu Kǎn, ASíYǎ Kǎn, ¹⁰ PhruKíYǎ Kǎn, PaPhuLǐ Kǎn, IKyī Kǎn, LiBǔ Kǎn mwaǐ a-aòphyûn dò Wein KuReNe, prathamwaǐ àò dǒ Wein RǒMe ¹¹ dò pra àò dǒ khǒnsǔkhau KreTe dò AReBíYǎ Kǎn lai. Pa lahan mề mwaǐ YǔDaphao dò lahan mề mwaǐ pracǔ YǔDaphao tabǎ. Blǎnmề bǎ anǎnthǔ mangaǒ Bweca mata dau aríkaǐ khǎ, pa nahyǔn taǒ pa tamangǒ nề.”

¹² Pra pǔpra gwǒn dò taicǔ, “Tahtǔhtan ǔ mề mwaǐ thamǎ raǔ?”

¹³ Blǎnmề pra karu lahan ni anǎnthǔ dò tai, “Anǎnthǔ aǒmyûn thi lò.”

PeTaRu taiprwaǐba Yaò Cǎnsǔ lailan ríkaǐ

¹⁴ Bǎnukhǎ, PeTaRu sahtôn àòblon dò pratadaôphao lasǔ lapra dò kākrihtan, “Kǒ YǔDaphao dò pra àò bǎ Wein YeRuSyaLe pǔpra, nadeǐn khǐ tamangaǒ ka. Tahtǔhtan ǔ mề mwaǐ tarǎ tai mề, khǐ ka taiprwaǐba nathǔ. ¹⁵ Kanaǐkhǎ àò mǒ yaǔ mǒnraò khweǐ nari mǒ akhaucǎ, pra ũkaǔ cǒ aǒmyûn thi cwaǐ nathǔ nithû kǒ. ¹⁶ Tahtǔhtan ǔ mwaǐ cwaǐ ta dǒ Pahwǐ YoĔLa tai yaǒ hǒ aríkaǐ lǎniharu tha-ǔ,

¹⁷ ‘Bweca tai, bǎ mǒnnû naòdwan kaǔ mề,

khǐ ka khaǔlan klaǒlan khǐ Yaò Cǎnsǔ dǒ pra pǔpra anǎnkhǔ.

Dò bǎnukhǎ, nathǔ phaomu, phaokhau lahan ka mangaǒ khǐ
tamangaǒ.

Dò baleĩ balaò dǒ nathǔ klǎ ka ulaǒ ta-ulaǒ
dò prawaipra dǒ nathǔ klǎ ka mǐmǎn tamǐmǎn.

¹⁸ Bǎnu asaǔkhǎ, khǐ ka khaǔlan klaǒlan khǐ Yaò Cǎnsǔ
dǒ khǐ khǐpra pramu dò prakhaǔ nǎnkhǐ
dò anǎnthǔ ka taiba ngòn khǐ tahwǎtangaǒ.

¹⁹⁻²⁰ Rǐdò Tadau mǒnnú dau dò atalǐ takhǎ laitaǔ nu,
khǐ ka daǔlaǒ taciklicingǎ dǒ maokhau dò tamanǎn prònprǎn
dǒ hankhau.

Thwǐ, mǐplǐ dò mǐklao ka aòhtan, mǒn ka khǔlan, lǎ ka
aòlaǒhtan cwaĩ thwǐ.

²¹ Dò bǎnukhǎ, **Tadau** ka htaicein prakāhtan amyan pǔpra.’

²² Kǒ ISaReLaphao, nadeĩn khǐ tamangaǒ ka. NaZaRephao YeSyũ
nu, Bweca daǔlaǒ hǒ taciklicingǎ dò tapròntaprǎn bǎ nathǔ klǎ
cwaǐdò nathǔ ka theingǎ byan dǒ anǎn bwaĩ dò Bweca krauyaò. Dò
nathǔ theingǎ hǒ. ²³ Cwaĩ Bweca rwaĩ yaǒ dò theingǎ yaǒ nu, nathǔ
phǐlan YeSyũ ǔ dǒ prakarǎnkata cudeĩn kaǔ dò phlǎhtan thǔkaĩ nǎn
dǒ thònhwancuya lòn. ²⁴ Blǎnmè mwaǐdǒ tathǔ phicein nǎn cǒ da
akhaucǎ, Bweca mapwǔnblu dò mathamyǔnhtancein nǎn dǒ tathǔ.

²⁵ Dò Cahwa DaWǐ tai arǐkaĩ tha-ǔ,

‘Khǐ usũ thayǎn Bweca aò dǒ khǐ langǎ
dò anǎn aò dǒ khǐ cuhtwai lapá akhaucǎ,
khǐ cǒ tharǒn kǒ.

²⁶ Thanudò, khǐ thanaòthasaũ dau
dò khǐ ka htònhtan nǎn dǒ tathámo akaǔ
dò khǐ ka aòmýǔn dǒ tacipǒn kaǔ

²⁷ mwaǐdǒ na cǒ lǎkaĩ khǐ dǒ lǔkǎn

dò na cồ bwai nyûnthônkaĩ
na pracănsũ lapra anănkôn.

²⁸ Dò na daôtheingă khĩ dồ tamyũn akhlai.

Dò khĩ ka thanaòthasaũ dau
mwaĩdồ na ka àò dò khĩ akhaucă.”

²⁹ “Kồ thapũwai, dồ tabadĩ bada kaũ khĩ ka taiba nathũ bakyădò pa
phă Cahwa DaWĩ rĩkaĩ. Anăn mè thũ htaũdò ngòn lûlan năn dò
alũbwĩ mè àò mỗ bã-ũ taũ kanaĩ. ³⁰ Dò anăn mwaĩ pahwĩ lapra
akhaucă, theingă Bweca ta-ũlan dò năn dồ ka daô-aòhtan cahwa
lapra cwaĩ anăn bã aswĩlăn klă lapra. ³¹ Dò atheingă saũyaỏ Bweca ka
daôthamyũnhtancein Khrĩ, prakahtũtadau lapra arĩkaĩ dò tai yaỏ dồ
Bweca cồ lăkaĩ anăn dồ lũkăn dò cồ bwai nyûnthăỏkaĩ anănkôn.

³² YeSyũ ũpra mè Bweca daôthamyũnhtancein dồ tathũ hỏ. Bakyădò
tarĩtakaĩ ũ pa pũpra mwaĩ prakhanthá nè.

³³ YeSyũ nu, ba tabwaihtan năn dồ Bweca cuhtwai lapá dò manaũ
Yaò Cănsũ dồ aphă àò cwaĩ aphă ũlan dò năn. Akhaucă, anăn
khaũlan klaỏlanba pa Bweca Yaò Cănsũ cwaĩ nathũ usũ dò nahyũn ũ
nè.

³⁴ DaWĩ mè, cồ htan dồ maokhau kỏ. Blănmè anăn tai,

‘Bweca tai khĩ **Tadau**,

“Sanăn àò bã khĩ cuhtwai

³⁵ taũ khĩ bwailan na didòròkha cwaĩ na kalăn khăkaũ ka.”

³⁶ Akhaucă, ISaRẻLaphao pũdaũ pũpra theingă byan saỏka. YeSyũ
mwaĩ nathũ phlăthũ năn dồ thônhtwancuya lòn lapra mè, Bweca
daôhtũhtan năn dồ **Tadau** dò **Khrĩ, prakahtũtadau** ka.”

³⁷ Bă anănthũ nahyũn PeTaRu tamangaỏ ũ khă, anănthũ calaĩ dau
akhaucă, htu PeTaRu dò pratadaôphao karu, “Kồ thapũwai ỏn, pa
kaba ma thamă?” ³⁸ Dò PeTaRu taicein anănthũ, “Sanlanceinthá dò

blönsű dö YeSyű Khrī amyan pűpra ka. Thanudò Bweca ka blailűkaű nathű takhòwè dò nathű ka naűba Bweca Yaò Cănsű taphî nè. ³⁹ Ta-űlan ű mwaű nathű dò nathű swűlăn ngă, pra aòyű pűpra dò pra mwaű Bweca kă pűpra angă nè.”

⁴⁰ PeTaRu taiprwaűba anănthű ta karu ăraű dò sankăn anănthű tha-ű, “Mapwűnblu tađ nathű năn đđ taciran mwaű prakarăn kanaű lacaű ka konba ka.” ⁴¹ Akhaucă, pra ăpra yű PeTaRu tamangađ dò blönsű bă ű ladađ kaű nu, ka-aò pra thyűn rein. ⁴² Dò pra űkaű phűlan asaűkhă đđ pratadaôphao tathwanlű, takhaòcű waïcű, ta-anblon ađbloncű dò takwűthabă bloncű.

Pratadaôphao ma tamanăn ciklicingă

⁴³ Mwaűđđ pratadaôphao ma tamanăn ciklicingă dò tapròntaprăn ăraű akhaucă, pra pűpra aòbwaű dò tataobayanba. ⁴⁴ Dò prayű YeSyű pűpra aòbloncű đđ kalăn lakhlahtein dò păncű ta-aò dò anănthű. ⁴⁵ Dò anănthű sălankaű asűlăn hankhau, ataűta dò păncű pűpra cwaű aloba. ⁴⁶ Pűdađ pűdađ nu, anănthű aòcòncű đđ taluhyűn wai kaű, anblon ađbloncű bă anănthű hyűn dò păn-an bloncű đđ tathanaòthasaű dò tasanlanthá kaű. ⁴⁷ Anănthű htònhtan Bweca dò pra pűpra bathau bathá anănthű. Pűdađ pűdađ mè **Tadau** ma ăhtan pra ka naűba tahtaicein.

3

PeTaRu mahaiceinta đđ YeSyű krauyaò

¹ Lablan nu, PeTaRu dò YoHa laihtan đđ taluhyűn bă mỗnklalan thyűn nari tabă khă. ² Dò bă taluhyűn ű, khăđăndau myan Phukră aò laba. Bă khăđăndau ű ahti nu, pra khandeűn cđ raò lă aòlan khă aò

lapra. Ngòn yaǒlai bwai năn bănga pǔdaǒ pǔdaǒ cwaǐdò ka kwǐ pra lainaũ dǒ taluhyûn rwăn.

³ Dò bă a-usû PeTaRu dò YoHa năi lainaũ dǒ taluhyûn khă, kwǐ anănthũ rwăn. ⁴ Blănmè anănthũ ubyan năn, dò PeTaRu tai, “Uhtan pa ka.” ⁵ Dò anăn cipǒn dǒ ka naũba talaraũ raũ akhaucă, uhtan cǒn anănthũ. ⁶ Blănmè PeTaRu tai năn, “Khǐ htũ rwăn cǒ aò kǒ. Blănmè ta-aò dò khǐ nu, khǐ ka phî na. Dǒ NaZaRephao YeSyũ Khrī amyan nu, sahtôn dò tau ka.” ⁷ Htaũdò, PeTaRu cyancein acudein cahtwai dò cwî sahtôn năn. Lablanhtein, akhandein khruhtan. ⁸ Dò thahwă sahtôn htaũdò cāhtan khătau dò naũlai blon dò PetaRu dò YoHa dǒ taluhyûn kaũ. Bănukhă, anăn tau dò pheinhtan pheinhtan dò htònhtan Bweca.

⁹ Pra aò bănu pǔpra ulaǒ pra khandein cǒ raò ũpra tau da dò ahtònhtan Bweca, ¹⁰ dò theingă dǒ anăn mwaĩ pra aòsanăn kwǐ kalaũ ngòn rwăn bă taluhyûn khădăndau Phukră hti akhaucă, pra pǔpra thaphrû thakhyaò dau dǒ tahtũhtan dò anăn.

PeTaRu daòhtulanta bă taluhyûn

¹¹ Bă anăn cyancein PeTaRu dò YoHa dǒ tathanaò khă, pra aò bănu pǔpra thaphrû thakhyaò dò waĩlai còn dǒ anănthũ aò bă taluhyûn kablaò. Kablaò ũ mè, ngòn kă amyan dò SoLoMo kablaò. ¹² Bă PeTaRu usû prakũmaǒ waĩlai còn khă dò tai, “Kǒ ISaRĕLaphao, tahtũhtan dò pra ũpra mè nathũ cǒ kôn thaphrû dò cǒ kôn ubyan pa tha-ũ kǒ. Mè nathũ ǐdò pa nănpica taǒ akrauyaò akhaucă daôtau da pra ũpra ya? Cǒmwaĩmè pa bwaidau Bweca akhaucă daôtau da pra ũpra ya? ¹³ Pa phũphǐ ABraHan, ISĕ dò YaKo aBweca malǐ makhă hǒ akhǐpra YeSyũ mwaĩdǒ adaôthamyũnhtancein YeSyũ. YeSyũ ũpra mè mwaĩ pra dǒ nathũ phîlan năn dǒ prapainta PĭLa aò. Dò PĭLa thayũ

blailůkaĭ năn khă, nathů thayů mathů năn dỏ PĭLa langă. ¹⁴ Nathů nu, thayů mathů pracănsů dỏ pracỏncwan ũpra. Dỏ nathů kwĭ dỏ ka blailůkaĭ pra mathů ngòn lapra. ¹⁵ Dỏ nathů mathůkaĭ tamyůn akhaukĭlao ũpra. Blănmè Bweca mathamyůnhtancein năn. Bakyădò tarĭtakaĭ ũ khĭ dỏ YoHa mwaĭ prakhanthá nè. ¹⁶ Dỏ mwaĭdỏ pa yů YeSyů akhaucă, pra mwaĭ nathů usů dỏ theingă ũpra mè ba tamakhru cein năn. Dỏ pa tayů YeSyů ũ mahaicein raò pra ũpra cwaĭ nathů usůba nè.

¹⁷ Kỏ thapůwai, khĭ theingă dỏ nathů dỏ nathů khauna cỏ theingă akhaucă, phĭlankaĭba YeSyů. ¹⁸ Blănmè ta dỏ Bweca taiba yaỏ pahwĭ pủpra bakyădò Khrĭ, prakahtůtadau lapra kaba konthů athá mè, amabăhtan bwaĭhtan hỏ. ¹⁹ Akhaucă, sanlancein nathů thá dỏ blancein dỏ Bweca aò cwaĭdỏ aka blailůkaĭ nathů takhòwè ka.

Thanudò aka mathůhtan nathů thau nathů thá ²⁰ dỏ aka phĭlanba nathů Khrĭ, prakahtůtadau lapra dỏ amwaĭ YeSyů dỏ arauhtan yaỏ lapra dỏ nathů ngă nè. ²¹ YeSyů mè kaba aò mỏ dỏ maokhau taů Bweca ka mathůhtan ta pủraů cwaĭ adaòtai saůyaỏ apahwĭ lăniharu.

²² Pa phủphĭ MoSyě tai, ‘Bweca ka rauhtan pahwĭ lapra dỏ nathů pramyỏ klă cwaĭ khĭ. Dỏ nathů kaba nadeĭn atamangaỏ pủmwăn.

²³ Pra cỏ nadeĭn pahwĭ ũpra atamangaỏ mè, ta ka macabya cakaĭ năn dỏ lăkaĭ năn dỏ Bweca apralau klă.’

²⁴ Bakyădò tahtůhtan dỏ mỏnnů thủlahan ũ arĭkaĭ mè, că lă pahwĭ SyaMoĔLa taůdỏ pahwĭ aòhtan naò laỏ pủpra tai saůyaỏ hỏ. ²⁵ Dỏ pa mwaĭ pahwĭ swĭlăn dỏ mwaĭ pra bakyădò ta-ủlan dỏ Bweca ủlan dỏ pa phủphĭ lăniharu. Bweca tai pa phủphĭ ABraHan, ‘Khĭ ka raỏrĭ pralau hankhauphao pủpra mwaĭdỏ na swĭlăn akhaucă.’ ²⁶ ũkhaucă, Bweca rauhtan akhủpra dỏ daòlai rĭkaỏ dỏ pa aò cwaĭdỏ ka raỏrĭ pa mwaĭ adaò bwaikaĭ pa pủpra tama takarănkata nè.”

4

PeTaRu dò YoHa đố kònci langă

¹ Bă PeTaRu dò YoHa mangađta dò prakůmađ khă, praluta, prapađ taluhyûn khai dò **SaDuKěphao** laitađ ² dò tháhtan dau PeTaRu dò YoHa mwađđ anănthủ thwanlủ dò taiba prakůmađ đố Bweca ka daôthamyûnhtancein prathủ cwađ adaôthamyûnhtancein YeSyủ akhaucă. ³ Thanudò, anănthủ cyan PeTaRu dò YoHa blănmè mwađđ mỗnha hỏ akhaucă, nidaòcein đố htòn kaủ taủ naò laraò. ⁴ Blănmè pra nahyủn dò yủcein tahwătangađ ử aò ăpra dò sĩ prakhaủ yaủ ka aò ngai rein.

⁵ Htủ naò ladađ nu, YủDa kònciphao aòrủbloncủ bă Wein YeRuSyaLe. Kònciphao ủaủ mè mwađ YủDa khauna lamau, pradau prapră lamau, tamălan sara lamau. ⁶ YủDa khauna klă mè praluta khai dau ANa dò KaYaPha, YoHa dò ALèSănDă, dò praluta khai dau swỉlăn pá. ⁷ Anănthủ aòbloncủ dò daô-aò sahtôn PeTaRu dò YoHa bă anănthủ langă dò htu, “Nathủ mahaicein pra ửpra đố hỏpă akrauyaò dò hỏpă amyan?”

⁸ Bănukhă, PeTaRu aòbwađ dò Bweca Yaò Cănsủ dò tai anănthủ, “Kỏ khauna dò pradau prapră, ⁹ ử ladađ, nathủ ba htu pa bakyăđò prakhandeïn cỏ raò ửpra naủba tamakủ dò aba tamahaicein năn thamă mè, ¹⁰ nathủ dò ISaRěLaphao pửpra kôn theingă pra ửpra aò sahtôn đố nathủ langă bwađ dò khai-ă mwađđ NaZaRephao YeSyủ Khrī akrauyaò dò amyan. YeSyủ mè nathủ phlăthủ năn đố thônhtwancuya lòn blănmè Bweca daôthamyûnhtancein năn đố tathủ hỏ. ¹¹ Anăn mè mwađ preỉ

‘Lõn lama đố prabaòta paỉnkaỉ nu,
htũhtan blan lõn arđdau lama

dõ tabaòhtan kahti ngă.’

¹² Akhaucă, pra karu htaicein cõ da lapra lapra kõ. Marătaimè, dõ hankhau ù bacõmwaĩ YeSyũ mè prahtaicein pa dõ taciran cõ da lapra lapra kõ.”

¹³ Bă anănthũ ulaõ PeTaRu dò YoHa àò dò tathákhaũ dò theingă dõ mwaĩ pramasaũ ansa dò mwaĩ pra cõ malũbata khă, anănthũ thaphrũ thakhyaò dau. Dò theingă byan dõ anănthũ mwaĩ pra aòblon hõ dò YeSyũ. ¹⁴ Blănmè anănthũ usũ prahaicein ùpra àò sahtôn blon dò PeTaRu dò YoHa akhaucă, anănthũ tai htandidòta laraũ cõ da pè.

¹⁵ Akhaucă, adaòhtankaĩ PeTaRu dò YoHa dõ anănthũ klă htaũdò mangaõ bloncũ tha-ũ, ¹⁶ “Pa kaba ma pra ùphau thamă? Anănthũ ma hõ taciklicingă dau laraũ dò pra àò bă Wein YeRuSyaLe pũpra theingă byan hõ akhaucă, pa kalăn camũ cõ àò pè. ¹⁷ Blănmè cwaĩdò tarĩtakaĩ ù ka cõ hyũnhtan preilan ähtan leĩn dõ ngòn klă mè, pa ka mālān khru anănthũ cwaĩdò ka cõ mangaõ pè YeSyũ rĩkaĩ.”

¹⁸ Akhaucă, anănthũ kăceinnaũ blan PeTaRu dò YoHa dò khran anănthũ, “Cõ mangaõ dò thwanlũ pè YeSyũ rĩkaĩ ka.” ¹⁹ Blănmè PeTaRu dò YoHa taicein anănthũ, “Dõ Bweca langă nu, pa nadeĩn nathũ tamangaõ khlõndò Bweca tamangaõ nu, cõn cõ cõn mè ciran taõ nathũ ta ka. ²⁰ Ta mwaĩ pa usũ dò nahyũn nu, pa ba cõ tai mè pa àò cõ da kõ.”

²¹ Mwaĩdõ prakũmaõ pũpra htònhtan Bweca dõ tahtũhtan dò pra ùpra akhaucă, anănthũ ciran PeTaRu dò YoHa cõ byũn kõ. Blănmè anănthũ mālān khru tamangaõ htaũdò daòcein PeTaRu dò YoHa.

²² Dò pra ba tamahaicein năn ùpra amõnnein àò hõ nein lwĩsũ san.

Prayũ YeSyũ kwĩthabă dõ takhaũ tahaĩ angă

²³ Dò bã PeTaRu dò YoHa pwũnblu htaũ khă, laihtan dỏ prayũ YeSyũ akaru àò dò taiceinblanba tarĩtakaĩ pũraũ dỏ praluta dau dò pradau prapră tai anănthũ thamă thamă arĩkaĩ. ²⁴ Dò bã anănthũ nahyũn tarĩtakaĩ ũ khă, kwĩthabă Bweca dỏ thálamahtein tha-ũ, “Kỏ prapain ta laõlăn Bweca õn, na mwaĩ prabaòlan maokhau, hankhau, sũtawadau dò ta-aò dỏ akaũ pũraũ. ²⁵ Dò dỏ na Yaò Cănsũ nu, na daômangaỏ na khĩpra, pa phũphĩ Cahwa DaWĩ tha-ũ,

‘Pra cỏ mwaĩ Yũdaphao tháhtan dau mară?

Pralau kukyăhtanta kahõn kahõn mară?

²⁶ Hankhau cahwa taraỏtaran dỏ ka saĩta.

Dò YũDa khauna aòrũbloncũ dỏ ka htandidò *Tadau* dò *Khrĩ*,
prakahtũtadau.’

²⁷ Cwaĩ Cahwa DaWĩ tai yaỏ nu, htũhtan hỏ. Căhtan lă Cahwa HeRo dò prapainta PĩLa taũlan dỏ ISaRẻLaphao dò pra cỏ mwaĩ YũDaphao aòrũbloncũ bã wein ũ dò htandidò na khĩpra cănsũ YeSyũ mwaĩ na rauhtan. ²⁸ Dò anănthũ mata pũraũ nu, cwaỉdò na kukyăhtan yaỏ dò na krauyaò ka htũhtan angă. ²⁹⁻³⁰ Kỏ Bweca, kanaĩkhă, pa kwĩcică na, nadeĩn u anănthũ tai tharõn pa ka. Yaỏ na cudeĩn dỏ ka mahaiceinta dò bã na daũlaỏhtan tamanăn dò tamanăn ciklicingă dỏ na khĩpra cănsũ YeSyũ amyan khă, daômangaỏ pa na hwăngaỏ khaũhaĩ ka.”

³¹ Bă anănthũ kwĩthabă htaũ khă, kalăn bã anănthũ aòrũcòncũ nu, kakhyaỏ dò anănthũ bwaĩ dò Bweca Yaò Cănsũ dò mangaỏ Bweca hwăngaỏ khaũhaĩ.

Prayũ YeSyũ phĩpăncũta

³² Prayũ YeSyũ pũpra àò dò thálamahtein dò ta-aò dò anănthũ mề, cỏ tai dỏ ata taỏ lapra lapra kỏ. Dò păncũ ta-aò dò anănthũ pũraũ.

³³ Dò pratadaôphao mề, kxanthá dố takrautayaò dau akaũ bakyădò Tadau YeSyũ thamyũntancein arĩkaĩ dồ Bweca akyũnibwan dau à dồ anănthũ pũpra. ³⁴⁻³⁵ Dồ anănthũ săkaĩ ta-à dồ anănthũ lahan, hankhau dồ hyũn. Dồ rwăn dố anaũba mề, laiphĩ dố pratadaôphao cudeĩn kaũ. Dồ pratadaôphao pănba anănthũ lapra dồ lapra cwaĩ aloba akhaucă, dố anănthũ klă pratatăn lapra cồ à pề.

³⁶ Dồ dố prayũ YeSyũ klă mề, pramyán YoCě à lapra. Anăn àdlan dố khõnsũkhau KũPrũ dồ mwaĩ LeWĩ swĩlăn lapra. Dồ pratadaôphao mề kă năn dồ BaNăBa. Myán ‘BaNăBa’ ũ atathayũtai mwaĩ ‘Praphĩkhau phĩ-ă’. ³⁷ Anăn nisălankaĩ ahankhau lapai dồ angau nu, lai phĩ laõ dố pratadaôphao acudeĩn kaũ.

5

ANaNĩ dồ amă SaPhĩRa

¹ Blănmề prathamă thawa à laphau. Awa myán mề ANaNĩ. Amă myán mề SaPhĩRa. Dồ ANaNĩ sălankaĩ krõnkrau lahan. ² dồ rwăn mwaĩ amanaũ mề, abwaikaĩ lahan dồ lai phĩ dố pratadaôphao cudeĩn kaũ lahan. Bakyădò tarĩtakaĩ ũ, amă theingă saô. ³ Dồ PeTaRu tai năn, “ANaNĩ, na blainaũ tasũtaná khaudau dố na thá kaũ cwaĩdò ka laò Bweca Yaò Cănsũ dồ bwaikaĩ rwăn lahan dố na nisănaũ na hankhau ũ mară? ⁴ Rĩdò na nisă mề hankhau ũ mwaĩ na ta dồ taũ na nisă htaũdò rwăn dố na manaũ ũ mề mwaĩ na ta cồ mwaĩ răn? Na kukyăhtan dố na thá kaũ tha-ũ mară? Cồ mwaĩ na laò pralau kồ. Mwaĩ na laò Bweca nè.” ⁵ Bă ANaNĩ nahyũn tamangaõ ũ khă, anăn lanklaõ thũ. Dồ pra nahyũn ta-ũ pũpra tharõn thahwa dau. ⁶ Dồ prakhaũ balaò ũkaũ sahtôn baobyăn năn dồ hwănyă htaũdò lailũ năn. ⁷ ANaNĩ thũ htaũ ka àcôn thyũn nari kalăn dồ, amă lainaũ

bănu blănmè cǔ theingă tahtũhtan dò awa kǔ. ⁸ Dò PeTaRu htũ năn, “Taiba khĩ, hankhau angau đǔ nathũ nisănaũ mè mwaĩ cwaĩ ũ hǔ răn?” Dò SaPhĩRa taicein năn, “Mwaĩ nè” ⁹ Dò PeTaRu tai, “Nathũ bwai thálamahtein dò laòbli Bweca Yaò Cănsũ mară? U ka! Pra lailũ na wa ceintaũ bă khăđăndau deĩn. Dò ka lailũ saô na nè.” ¹⁰ Dò lablanhtein SaPhĩRa lanklaǔ thũ bă PeTaRu khandeĩn hti. Dò bă prakhaũ balaò ũkaũ cein usũ đǔ SaPhĩRa thũ hǔ dò anănthũ lailũ năn đǔ awa nănhti. ¹¹ Dò ta-aòblonphao pũpra dò pranahyũn tarĩtakaĩ ũ pũpra nu, taobayanba dau Bweca.

Pratadaôphao mahaiceinta

¹² Pratadaôphao ma taciklicingă dò tapròntaprăn ăraũ đǔ ngòn klă. Dò anănthũ pũpra aòcòncũ bă SoLoMo kablaò. ¹³ Ngòn taukhaò blon dò anănthũ lapra cǔ bũ blănmè taobayanba dau anănthũ. ¹⁴ Dò prakũmaǔ pramu prakhaũ yũ YeSyũ ăhtan ăhtan. ¹⁵ Dò ngòn yaǔlai prasă lahan dò bwaimĩ bă khlai phrĩ cwaĩdò bă PeTaRu lai khă, ayaò-aũ ka lanba pra đǔ anănthũ klă lahan. ¹⁶ Dò dǔnphao phănpheo đǔ aòphyũn Wein YeRuSyaLe ăpra yaǔlai prasă dò pra đǔ tasũtaná daò năn lahan dò anănthũ haicein pũpra.

Pratadaôphao talantaĩ htòn

¹⁷ Bănukhă, praluta khau dau dò akhĩpra SaDuKě gaĩn thăcǔnăn pratadaôphao ¹⁸ akhaucă, cyan dò saulan PeTaRu dò pratadaôphao đǔ htòn kaũ. ¹⁹ Blănmè bă mǔnna khă nu, Bweca lanăn mǔnhtan htòn khăđăndau dò kăswaĩhtan anănthũ dò tai, ²⁰ “Lai dò sahtôn bă taluhyũn dò taiba ngòn đǔ YeSyũ khauca Bweca phĩ tamyũn athũ arĩkaĩ ka.” ²¹ Anănthũ nadeĩn Bweca lanăn tamangaǔ dò bă mǔnraò khă, lainaũ thwanlũ bă taluhyũn wai kaũ.

Mwaĩ praluta khau dau dò apra nu, k̄a aòblon kònciphao dò ISaRĕLaphao apradau prapră. Dò daôlai yĩphao đố htòn kaũ cwaĩdò ka k̄ahtan pratadaôphao đố anănthũ aò. ²² Blănmè bã yĩphao laitaũ đố htòn kaũ khă, cở usũ pè pratadaôphao kở. Akhaucă, anănthũ cein taiba kònciphao, ²³ “Pa usũ htòn kadăn mè htaốcein raò dò yĩphao aòpaố bã kadăn hti nè. Blănmè bã pa mỗnhtan htòn kadăn khă, pa cở usũ pè pra lapra lapra đố htòn kaũ kở.”

²⁴ Bã prapaố taluhyûn khau dò *praluta dau* nahyũn ta-ũ khă, ta-ũ htũhtan thamă mè anănthũ nithũ cở pau kở. ²⁵ Bănukhă, pra lapra lai taiba anănthũ, “Pra mwaĩ nathũ saulan đố htòn kaũ numau mè aò sahtôn thwanlũ ngòn bã taluhyûn wai kaũ nè.” ²⁶ Thanudò, prapaố taluhyûn khau dò ayĩphao lahan lai k̄acein raò pratadaôphao, blănmè tharỗn prakũmaố ka hwĩ anănthũ dò lỏn akhaucă, makhru pratadaôphao cở byûn kở.

²⁷ Dò anănthũ k̄acein pratadaôphao dò thonhtan đố kònci langă. Dò praluta khau dau tai pratadaôphao, ²⁸ “Pa m̄alan saò hỏ nathũ cwaĩdò ka cở thwanlũ pè YeSyũ myan cở mwaĩ răn? Blănmè u ka, nathũ thwanlũ pra aò bã Wein YeRuSyaLe pũpra đố pra ỷpra rĩkaĩ. Dò nathũ thayũ san đố pa mathũ năn.” ²⁹ Blănmè PeTaRu dò pratadaôphao taicein, “Pa kôn nadeĩn pralau tamangaố khlỗndò Bweca tamangaố ya? ³⁰ YeSyũ mwaĩ nathũ phlăhtanthũkaĩ năn đố thônhtwancaya lỏn ỷpra mè, pa phũphỉ Bweca daôthamyũnhtancein năn đố tathũ hỏ. ³¹ Dò Bweca bwaihtanlũ năn đố acudeĩn cuhtwai cwaĩ khaudau dò prahtaicein ta lapra cwaĩdò ka phĩ tasanlanceinthá dò tablailũ takhòwè đố ISaRĕLaphao angă nè. ³² Bakyădò tarĩtakaĩ ỷ pa mwaĩ prakhanthá dò Bweca Yaò Cănsũ đố Bweca phĩ pra nadeĩn năn nu, mwaĩ saò aprakhanthá nè.”

³³ Bǎ kònciphao nahyǔn ta-ǔ khǎ, anǎnthǔ tháhtan dau taǔdǒ thayǔ mathǔ pratadaôphao. ³⁴ Blǎnmè bǎ kònciphao aklǎ nu, PhaRiSyěphao dǒ amyan GaMaLěLa àò lapra. Anǎn mwaǐ tamālan sara dǒ pra pǔpra taobayanba nǎn. Bǎnukhǎ, asahtôn dǒ kònci langǎ dò mālān yǐphao dǒ ka kǎhtanswaǐ pratadaôphao laplǒn. ³⁵ Dò anǎn tai, “Kǒ ISaRěLaphao, nathǔ ka ma anǎnthǔ ũkaǔ thamǎ mè, nithǔ byan ka. ³⁶ Lǎ apwǔn khǎ, pra myan ThǔDa lapra tailan taǒ anǎn dǒ amwaǐ pra arǐdau dò pra lwǐya cǔhtan nǎn. Blǎnmè taǔ ta mathǔ nǎn nu, pra cǔhtan nǎn swaǐ caphrucaphrǎn dò htumǎkaǐ laǒ nè. ³⁷ Bǎnu htaǔdò bǎ taki pramyān khǎ, GaLiLǎphao mwaǐ amyan YǔDa lapra htandidò saô ta dò nicwǐ naǔ prakǔmaǒ dǒ ka cǔhtan nǎn. Dò ta mathǔ nǎn dò pra cǔhtan nǎn pǔpra swaǐ caphrucaphrǎn dò htumǎkaǐ laǒ. ³⁸ Akhaucǎ, khǐ taiba nathǔ, kanaǐkhǎ, bwaitaǒ anǎnthǔ ka. Takukyǎnhtan dò tama ũ ba mwaǐ rǎn pralau ma mè, ka taǔdǒ tacakaǐ cabya. ³⁹ Blǎnmè ba mwaǐ rǎn Bweca atakukyǎnhtan mè, nathǔ ma cakaǐ cabya cǒ da kǒ. Bwaithá dǒ nathǔ ka cǒ htandidòba Bweca ka.” ⁴⁰ Dò ngòn nadeǐn ataphǐkyǎ dò kǎceinblan pratadaôphao htaǔ phlai anǎnthǔ dò mālancǔ cwaǐdò ka cǒ mangaǒ pè YeSyǔ rǐkaǐ. Htaǔdò daôcein anǎnthǔ. ⁴¹ Dò anǎnthǔ swaǐhtan bǎ kònci bwaǐ dò tathanaòthasaǔ mwaǐdǒ Bweca bwailan anǎnthǔ dǒ kôn konba tatharā thaplǎ dǒ YeSyǔ amyan akhaucǎ. ⁴² Blǎnmè anǎnthǔ thwanlǔ dò daòhtulan leǐn mǒ bakyǎdò YeSyǔ mwaǐ ***Khrǐ, prakahtǔtadau*** lapra arǐkaǐ pǔdaǒ pǔdaǒ dǒ taluhyǔn dò hyǔn lama htaǔ lama kaǔ.

6

YǔDaphao mangaǒ Grǐ ngaǒ khauna rǐkaǐ

Tarauhtan pra thanwaï

¹ Bănu asaŭkhă, pracŭhtanphao ähtan rŭhtan. Dò bănu, YŭDaphao àò nŭ mau, lamau mè mangaŏ Grī tamangaŏ dò lamau mè mangaŏ HeBrī tamangaŏ. Pramangaŏ Grī tamangaŏ ŭmau bwai takamā dŏ pramangaŏ HeBrī tamangaŏ ŭmau anănkhou dò tai, “Nathŭ utalu pa pramusai dò cŏ phîpăn anănthŭ ta-an dŏ ladaŏ dò ladaŏ angă kŏ.”

² Akhaucă, pratadaôphao lasŭnŭ pra kâ aòrŭblon pracŭhtanphao pŭpra dò tai, “Pa mwaï ba aòpran yaŭ ta-an ta-aŏ dò bwaihtônkaï tadaòhtulan Bweca hwăngaŏ nu, cŏ kôn kŏ. ³ Thanudò, kŏ thapŭwaï ōn, rauhtan pra thanwaï bă nathŭ klă dŏ ka ma tama ŭ ka. Anănthŭ kaba mwaï pra bwaï dò Bweca Yaò Cănsŭ, àò dò tatheikhautheingă dò pra mwaï ngòn taobayanba năn. ⁴ Pa nu, pa ka ma lanklan yaŭ dŏ takwŭthabă dò tadaòhtulan Bweca hwăngaŏ angă.”

⁵ Dò prakŭmaŏ bathá tamangaŏ ŭ, akhaucă anănthŭ rauhtan SaTěPha. Anăn mwaï pra aòbwaï dò Bweca Yaò Cănsŭ dò tayŭ lapra. Dò rauhtan saô PhŭLiPu, ProKoRu, NiKaNò, TĭMo, PaMeNa dò NiKŏLa. NiKŏLa mè mwaï Wein ATiÒphao dò cŏ mwaï YŭDaphao blănmè anaŭlan dŏ YŭDaphao tabă kaŭ lapra. ⁶ Htaŭdò kăhtan pra ŭkaŭ dŏ pratadaôphao àò. Dò pratadaôphao bwaihtan cudeïn dŏ anănthŭ khauklao khau dò kwŭthabă Bweca.

⁷ Bănukhă nu, Bweca hwăngaŏ blaïlan dŏ kalăn pŭkaŭ dò pracŭhtanphao ähtanrŭhtan bă Wein YeRuSyaLe. Dò praluta äpra yŭ YeSyŭ mwaï Khri.

SaTěPha rĭkaï

Tacyan SaTěPha

⁸ SaTěphă mè, Bweca kyŭnibwan dò krauyaò àò dò năn akhaucă, ama taciklicingă dò tapròntapran dŏ pra äpra langă. ⁹ Bănukhă, pra

lahan htandidò năn. Pra ũkaũ mè mwaĩ YũDaphao dỏ abakyădò YũDaphao tathabăhyûn dỏ takā amyan dò Pwũnblu. Anănthũ mè mwaĩ Wein KuReNephao, Wein ALèSănDĩYăphao dò lahan mè mwaĩ Kăn KiLiKĩYă dò Kăn ASĩYăphao.¹⁰ Blănmè mwaĩdỏ Bweca Yaò Cănsũ daômangaỏ SaTẻPha bwaĩ dò tatheikhautheingă akhaucă, anănthũ hteĩn SaTẻPha cỏ pĩ kỏ.¹¹ Thanudò, anănthũ nicwĩ nihtôn pra lahan dò daôtailaò tha-ũ, “Pa nahyũn SaTẻPha taikaĩ pa phũphĩ MoSyẻ tamălan dò Bweca nẻ.”¹² Tamangaỏ ũ khwai tháhtan prakũmaỏ, YũDa tathabă pradau prapră dò tamălan sara akhaucă, anănthũ cyan SaTẻPha dò thonhtan dỏ kònci langă.

¹³ Dỏ anănthũ kălai prakhanthá cỏ mwaĩ cỏ cỏn lahan, dò prakhanthá ũ kaũ tai, “Pra ũpra mangaỏ htandidò thayăn taluhyûn dò MoSyẻ tamălan nẻ.¹⁴ Pa nahyũn atai, ‘NaZaRephao YeSyũ ka ma cakaĩ taluhyûn dò ka plũkaĩ tahtôn dỏ MoSyẻ mălan pa nẻ.’”¹⁵ Pra sanăn à bả kònci klă pũpra ubyan SaTePha dò usũ amaĩnă nu, thalyûndò Bweca lanăn.

7

SaTẻPha tamangaỏ

¹ Praluta khau dau htũ SaTẻPha, “Anănthũ tai mè mwaĩ ya?”

² SaTẻPha taicein, “Maỏphă pũwaĩ thũ ỏn, nadeĩn ka. Lă pa phũphĩ ABraHan à mỏ dỏ Kăn GeCe dò rĩdò aka lai à dỏ Wein HaRa khă nu, Bweca mwaĩ à dò talĩ takhă lapra àlaỏhtan dỏ alangă,³ dò tai năn, ‘Swaihtankaĩ bả na sũkăn dò na swĩlăn klă dò lai dỏ kăn bả khĩ ka daũlaỏ na ka.’⁴ Akhaucă ABraHan swaihtan bả akăn, Kăn GeCe^a, dò lai à bả Wein HaRa. Dỏ bả aphă thũ htaũ nu, Bweca thonlai năn

a **7:4** ‘GeCe’ mè naỏkhă ngòn kă năn dò MẻSoPoTẻMĩYă.

bă kăn laba ǔ mwaǐ nathǔ aò kanaǐ khă. ⁵ Bănukhă, Bweca cồ phỉ mỗ năn krônkrau laraǔ raǔ dò hankhau laplă lahtă kồ. Blănmè Bweca ǔlan năn đố kăn laba ǔ ka htũhtan anăn dò aswĩlăn htũ naòkhă ata. Bănukhă nu, aphao cồ aò.

⁶ Dò Bweca taiba leǐn năn tha-ǔ, ‘Na swĩlăn ka tau htũ kamein đố sũkăn karu laba. Dò sũphao kănphao bănu ka daôma anănthũ tama cwaǐ cwăn dò ka phyăn sărai anănthũ nein lwĩya kalăn. ⁷ Blănmè pramyö mwaǐ adaô htũ na swĩlăn cwăn ǔkaǔ nu, khỉ ka ciran anănthũ. Bănu htaǔdò na swĩ nalăn ka swaĩhtan đố kăn nu laba kaǔ dò ka cein thabăhtan blan khỉ đố kăn ǔ ba kaǔ nè.’ ⁸ Htaǔdò Bweca phĩlan ABraHan ta-ǔlan tamanăn mwaǐ, ‘Tadutũ taphei kană.’ Akhaucă bă ABraHan manaǔ aphaokhaǔ ISě dò abá sồ daố khă nu, dutũ ISě taphei kană. Naòkhă ISě dutũ aphaokhau YaKo taphei kană dò YaKo dutũ aphao lasũnũ pra ataphei kană. Aphaokhaǔ ǔkaǔ mè htũhtan pa ISaRĕLaphao swĩlăn kahti.

⁹ YaKo phaokhaǔ lahan ǔ thácổnăn anănthũ pũ YoTha dò săkaǐ năn cwaǐ cwăn lapra đố Kăn IKyĩ blănmè Bweca aò dò năn. ¹⁰ Dò mapwũnblu năn đố takaũtakaǐ pũraǔ dò uđau năn dò phỉ năn tatheikhautheingă đố IKyĩ cahwa langă. Akhaucă cahwa daôhtũhtan năn prapain Kăn IKyĩ dò prapaố atadauyăn maốkaǔ laöłăn.

¹¹ Bănukhă, tathawĩ laphli aòhtan đố Kăn IKyĩ thadeĩba dò Kăn KhaNan, akhaucă taphrantayă dau aòhtan. Dò pa phũphỉ lahan kwan ta-an ta-aố cồ laố pè kồ. ¹² Akhaucă, bă YaKo nahyũn baũhũ aò đố Kăn IKyĩ khă, anăn thonlai aphao mwaǐ pa phũphỉ ǔkaǔ akahti lablan. ¹³ Dò bă anănthũ lailan nũ blan lablan khă, YoTha daôtheingă taố anăn mwaǐ anănthũ thapũwaǐ dò IKyĩ cahwa PhaRo mè theingă hể YoTha ahyũnphao phănphao bănu.

¹⁴ Dò YoTha kălai aò aphă YaKo dò ahyûnphao phănphao laõ nwaĩsũ ngaĩ pra bã Kăn IKyĩ. ¹⁵ Akhaucă YaKo lai aò bã Kăn IKyĩ. Dò anăn dò aphao mwaĩ pa phũphĩ thũlahan thũkaĩ bãnu. ¹⁶ Dò anănthũ kônthau nu, ba taphiceinblan dò lûlan raò năn bã Wein SyaKe. Lũbwĩ ù ABraHan prĩ yaõ dõ HaMo phaokhaũ aò.

¹⁷ Dò bã tasaũkhă phyûnhtan dõ Bweca ka ma bábwaĩ ata-ũlan dò ABraHan khă, pa pramyõ aò bã Kăn IKyĩ ähtanrũhtan. ¹⁸ Naòkhă, cahwa karu mwaĩ acõ theingă YoTha lapra pain Kăn IKyĩ. ¹⁹ Dò alamă pa pramyõ dò phyăn sărai pa phũphĩ dò daôhweĩkaĩ phaokhaũ dõ aòlan lao cwaĩdò ka thũkaĩ. ²⁰ Bănukhă, MoSyẽ aòlan. Anăn mè mwaĩ picăphao phukră dau lapra. Dò ba ta-uraò hu năn dõ aphă hyûn thyũn lă. ²¹ Dò bã aba tabwaitaõ năn dõ khõnkwan khă, IKyĩ cahwa dau phaomu phiraò năn dò baũ dauhtan năn cwaĩ aphaokhaũ. ²² Dò tathwanlũba MoSyẽ dõ IKyĩphao atatheingă pũraũ dò htũhtan prakhaũ prathaĩ dõ tamangaõ dò taphitama.

²³ Bă abwaĩhtan nein lwĩsũ khă, abwailanthá dõ ka laile dõ apramyõ ISaRĕLaphao aò. ²⁴ Bănukhă, anăn usũba IKyĩphao lapra phyăn sărai ISaRĕLaphao lapra akhaucă, anăn masyûn dò mathũ IKyĩphao ũpra. ²⁵ Bănukhă, anithũ dõ apramyõ ISaRĕLaphao taõ ka theingă napau dõ Bweca daôlai năn cwaĩdò ka mapwũnblu anănthũ. Blănmè anănthũ cõ theingă napau kõ. ²⁶ Htũ naò ladaõ khă, anăn usũ ISaRĕLaphao thanũ lanteĩncũ dò anăn khran dò tai, “Nathũ mwaĩ thapũwaĩcũ, nathũ cõ kôn masăcũ taõ kõ.” ²⁷ Blănmè pra masă angòn ũpra sankai năn dò tai, ‘Hõpă daô na dõ ka pain pa dò phròn pa lapra?’ ²⁸ Na thayũ mathũ khi cwaĩ na mathũ IKyĩphao lă mõnhadaõ nupra ya?” ²⁹ Bă MoSyẽ nahyũn tamangaõ ù khă, akhlaiswai dõ Kăn MĩDiYa. Dò bã alai htũ kamein dõ kăn ũkaũ khă nu, amă aòphaocălan aphaokhaũ thanũ.

³⁰ Bă a-aò dǎ Kǎn MǐDaYa anein lwǐsǔ pwǔn khǎ, alai dǎ lǒnmaiklaòkhau bă SǐNǎ sòn kahti dò a-usûba Bweca lanǎn bă mǐ aòkaǐ thõnsu klǎ bănu. ³¹ Dò bă a-usû tahtũhtan ũ khǎ, athaphrũ thakhyaò dò laiphyũn cwaǐdò ka ubyan ta angǎ. Dò bănukhǎ, Bweca mangaõta dò nǎn tha-ũ, ³² “Khǐ mwaǐ na phũphǐ aBweca, ABraHan, ISǎ dò YaKo aBweca nè.” Bănukhǎ, MoSyǎ thahwa dau dò uhtan cõ byũn pè. ³³ Dò Bweca tai nǎn, ‘Blõnkaǐ na khanpha ka. Kalǎn mwaǐ na aò sahtõn ũ nu, mwaǐ kalǎn Cǎnsǔ nè. ³⁴ Khǐ usûba ta manaũmapǐ khǐ pralau aò bă Kǎn IKyĩ. Khǐ nahyũnba anǎnthũ tacõn dò khǐ lailan dǎ ka mapwũnblu anǎnthũ nè. Akhaucǎ, kanaǐkhǎ, lai ka. Khǐ ka daõlai na dǎ Kǎn IKyĩ nè.’

³⁵ Lablankhǎ, MoSyǎ mwaǐ pra dǎ ngòn lǎkaǐ dò tai nǎn, ‘Hõpǎ daõ na dǎ ka pain pa dò phròn pa lapra?’ Blǎnmè Bweca lanǎn dǎ adaũlaõhtan nǎn bă mǐkaǐ thõnsu klǎ ũpra akhaucǎ, kanaǐkhǎ Bweca daõlan nǎn dǎ ka pain dò mapwũnblu apra ISaRǎLaphao. ³⁶ MoSyǎ kǎ swaĩhtan ISaRǎLaphao dǎ Kǎn IKyĩ kaũ dò ma taciklicingǎ dò taprõntapran ǎraũ dǎ kǎn IKyĩ kaũ, dò dǎ Sũlei tawadau dò dǎ lǒnmaiklaòkhau dǎ anein lwǐsǔ kalǎn.

³⁷ MoSyǎ mè mwaǐ pra taiba ISaRǎLaphao, ‘*Bweca ka daõ-aõhtan pahwǐ lapra dǎ nathũ pramyõ taõ aklǎ cwaǐ adaõ aõhtan khǐ nè.*’

³⁸ Anǎn mè aõblon dò prakũmaõ dǎ lǒnmaiklaòkhau, blon dò Bweca lanǎn dǎ mangaõta dò nǎn bă SǐNǎ sòn. Dò aõblon dò pa phũphǐ thũlahan. Dò anǎn manaũ tamǎlan mwaǐ aphĩ tamyũn cwaǐdò ka phĩkrau pa. ³⁹ Blǎnmè pa phũphǐ cõ nadeĩn atamangaõ dò lǎkaǐ nǎn. Dò dǎ anǎnthũ thǎ kaũ mè, thayũ ceinblan dǎ Kǎn IKyĩ. ⁴⁰ Dò anǎnthũ tai HaRo, ‘Baõba pa bweca lahan dǎ ka lai rǐ dǎ pa langǎ ka. MoSyǎ mwaǐ akāswaĩhtan pa dǎ Kǎn IKyĩ ũpra, tahtũhtan dò nǎn thamǎ pa cõ theingǎ kǎ.’ ⁴¹ Bǎnu anǎnthũ baò paũphao ladaũ yòn dò

luhtan tayòntakan ù dò thanaòthasaũ dỏ anánthủ cudeĩn tama.

⁴² Akhaucă, Bweca blantakhaỏkaĩ anăn dò lăkaĩ anánthủ. Dỏ bwai anánthủ ka thabăhtan ta-aò dỏ maolă cwaĩ pahwỉ tатыan,

‘Kỏ ISaRẻLaphao, bả nathủ aò dỏ lỏnmaiklaòkhau anein lwỉsủ
kalăn khả,

nathủ mathủ lô taphaotayủ dò luhtan dỏ khỉ aò ya?

⁴³ Nathủ yaỏhtan nathủ bweca MỏLa căn

dỏ nathủ bweca RaPha yòn.

Dỏ ta ủkaủ nu, mwaĩ tayòntakan dỏ nathủ baỏhtan

dỏ nathủ ka thabăhtan angả.

Akhaucă, khỉ ka thontau yủ nathủ dỏ sủkăn karu laba dỏ ayủ
khlỏndỏ Kăn BaBuLo.’

⁴⁴ Bả pa phủphỉ lảniharu thủlahan aò dỏ lỏnmaiklaòkhau khả,
anánthủ aò dò tathabả căn lama. Căn ù MoSyẻ ma cwaĩ Bweca
daủlaỏ năn yòntan dò daỏma năn. ⁴⁵ Naỏkhả, căn ù ta phỉlan năn dỏ
pa phủphỉ acudeĩn kaủ. Dỏ bả YoSyủ thon anánthủ dỏ sủkăn mwaĩ
Bweca khlủhtankaĩ pra cỏ mwaĩ YủDaphao akaủ khả, anánthủ yaỏlai
căn ù blon dò anánthủ. Dỏ căn ù aò bả kăn ù akaủ taủlan dỏ Cahwa
DaWỉ acaủ nẻ. ⁴⁶ Dỏ Cahwa DaWỉ mẻ, Bweca udau năn dò akwỉ
Bweca cwaỉdỏ ka baỏhtanba taluhyủn lama dỏ pa phủphỉ YaKo
aBweca ka aò angả. ⁴⁷ Dỏ pra baỏhtanba taluhyủn ù mwaĩ SỏLoMo.

⁴⁸ Blảnmẻ Bweca mwaĩ ahtaủ laidwan lapra mẻ, cỏ aò bả hyủn dỏ
pralau baò dò acudeĩn kỏ. Bweca daỏtai pahwỉ,

⁴⁹ ‘Maokhau mwaĩ khỉ kalăn sanăn,
hankhau mwaĩ khỉ kalăn khảkaủ.

Na ka baỏhtan hyủn dỏ khỉ ngả thamả?

Khỉ kalăn aò mwaĩ dỏmả?

⁵⁰ Khỉ baỏlan ta pủraủ cỏ mwaĩ răn?’”

⁵¹ Dò SaTěPha tai leĩ, “Nathũ, prakhaukloa saò, prathácein dò prabwai-õn nikũ, nathũ htandidò thayã Bweca Yaò Cãnsũ cwaĩ nathũ phũphĩ nè. ⁵² Pahwĩ dõ nathũ phũphĩ cõ phyã sãrai nãn mè aò dõmã lapra? Anãnthũ mathũkaĩ pra tai yaõ pracõncwan dõ ka lailan lapra arĩkaĩ. Dò kanaĩkhã, nathũ sãkaĩ dò mathũkaĩ pracõncwan ùpra. ⁵³ Nathũ mwaĩ pra manaũba Bweca tamãlan dõ alanãn philan, blãnmè nathũ cõ aòmyũn macũ tamãlan kõ.”

Tahweĩ thũ SaTěPha dò lõn

⁵⁴ Bã kònciphao nahyũn SaTěPha tamangaõ ù khã, anãnthũ tháhtan thábao dau dò eikri thaukhaũ. ⁵⁵ Blãnmè SaTěPha aòbwaĩ dò Bweca Yaò Cãnsũ dò uhtan dõ maokhau dò usũba Bweca talĩ takhã dò YeSyũ aò sahtõn bã Bweca cuhtwai lapá. ⁵⁶ Dò anãn tai, “U ka. Khĩ usũ maokhau mõnhtan dò pralau phaokhaũ aò sahtõn bã Bweca acuhtwai lapá nè.”

⁵⁷ Dò kònciphao ùkaũ pãnbũ anikũ, kãkrĩ thakã dò waĩlai bloncũ bã SaTěPha aò. ⁵⁸ Dò khlũhtankaĩ nãn dõ wein kwan dò hweĩ nãn dò lõn. Bãnukhã, prakhanthá bwailan anãnthũ hwãncein htaũ bã balaòphao mwaĩ amyan SõLu nãnhiti. ⁵⁹ Dò bã anãnthũ hweĩ SaTěPha dò lõn khã, SaTěPha kwĩthabã tha-ũ, “Kõ **Tadau YeSyũ** , phiceinhtan khĩ thá ka.” ⁶⁰ Htaũdò ahtukanwaĩlan dò kãkrĩhtan, “Kõ **Tadau**, blailũkaĩ anãnthũ takhòwè ka.” Tai htaũdò athálanphlu hẽ bãnu.

8

¹ Dõ tamathũ SaTěPha ù mè, SõLu ùlan bathácũ.

Tamasãrai prayũ YeSyũ

Cāhtan bǎ ũdaǒ nu, taphyǎn sǎrai dau ta-aòblonphao bǎ Wein YeRuSyaLe akhaucǎ, prayǔ YeSyǔ pǔpra swaǐ caphrucaphrǎn laǒ dǒ Kǎn YǔDa dò Kǎn SyaMaRǐ. Pra aòkaǐ mè mwaǐ yaǔ sǐ pratadaôphao hò. ² Pra bwaidau Bweca lahan lailû SaTěPha dò ngaǔ laǒthaulaǒthá. ³ SǒLu nu, macabya cakaǐ leǐn ta-aòblonphao. Dò lainaǔ dǒ hyûn lama htaǔ lama akaǔ dò cyan pramu dò prakhaǔ mwaǐ ayǔ YeSyǔ lahan htaǔdò saulan dǒ htòn kaǔ. ⁴ Pra swaǐ caphrucaphrǎn ũkaǔ nu, daòhtulan Bweca hwǎngaǒ dǒ kalǎn pǔkaǔ.

PhǐLiPu rǐkaǐ

PhǐLiPu daòhtulan tathanaòthasaǔ rǐkaǐ bǎ Kǎn SyaMaRǐ

⁵ Dò PhǐLiPu mè mwaǐ Wein YeRuSyaLe ta-aòblonphao rauhtan thanwaǐ aklǎ lapra. Anǎn lai dǒ Kǎn SyaMaRǐ wein lawein kaǔ dò daòhtulan *Khrī, prakahtǔtadau* rǐkaǐ. ⁶ Dò bǎ prakǔmaǒ nahyǔn atadaòhtulan dò usû ama taciklicingǎ khǎ, bwaithá dò nadeǐn atamangaǒ. ⁷ Dò pra mwaǐ tasûtaná daò nǎn lahan nu, tasûtaná aò dǒ akaǔ kǎkrǐ dò swaǐhtankaǐ. Prathǔ lakhaǒ dò pradaíprakao mè haicein raò. ⁸ Thanudò pra weinphao lahan thanaòthasaǔ dau.

⁹ Dò bǎ wein ũ akaǔ nu, pra aò lapra. Amyan mè SǐMo. Atai lantaǒ anǎn dǒ amwaǐ pra arǐdau lapra. Amacablan ngòn maǐphlon akhaucǎ SyaMaRǐphao thaphrûthaphrǎn. ¹⁰ Dò cāhtan dǒ pra asyan taǔdǒ pra adau bwaithau bwaithá nǎn dò tai, “Anǎn mwaǐ Bweca krauyaò mwaǐ takā nǎn dò takrautayaò dau nè.” ¹¹ Ngòn bwaithau bwaithá nǎn tha-ǔ mè, mwaǐdǒ ama taciklicingǎ dǒ amacablan ngòn maǐphlon aòngǐ hǒ akhaucǎ. ¹² Blǎnmè bǎ SyaMaRǐphao nahyǔn PhǐLiPu daòhtulan tathanaòthasaǔ rǐkaǐ bakyǎdò *Bweca sǔkǎn* dò YeSyǔ Khrī rǐkaǐ khǎ, prakhaǔ lahan dò pramu lahan blǒnsǔ. ¹³ SǐMo yǔ saô YeSyǔ dò blǒnsǔ htaǔdò a-aòblon thayǎn PhǐLiPu. Dò mwaǐdǒ

a-usûba tapròntapřan dò taciklicingă dau lahan akhaucă, athaphrû thakhyaò dau bănu.

¹⁴ Bă pratadaôphao đố Wein YeRuSyaLe nahyũn SyaMaRĩphao lahan yũ Bweca hwăngaỏ khă, daôlai PeTaRu dò YoHa đố anănthũ aò. ¹⁵⁻¹⁶ SyaMaRĩphao ũkaũ nu, blôn mỗ yaũ sũ đố **Tadau YeSyũ** amyan blănmè Bweca Yaò Cănsũ cỗ lailan mỗ đố anănthũ nănkhou kỗ. Akhaucă, bă PeTaRu dò YoHa laitaũ khă, kwĩthabă đố SyaMaRĩphao mwaĩ ayũcein **Tadau YeSyũ** ũkaũ ka naũba Bweca Yaò Cănsũ ngă. ¹⁷ Htaũdò PeTaRu dò YoHa bwaihtan cudeĩn đố anănthũ nănkhou dò anănthũ manaũ Bweca Yaò Cănsũ bănu.

¹⁸ Bă SĩMo usũ pratadaôphao bwaihtan cudeĩn dò Bweca Yaò Cănsũ lailan khă, anăn rwăn phĩ pratadaôphao rwăn dò tai, ¹⁹ “Phĩ saò khĩ takrautayaò ũ ka. Dò pra mwaĩ khĩ bwaihtan khĩ cudeĩn đố akakhau pũpra ka naũba Bweca Yaò Cănsũ.” ²⁰ Blănmè PeTaRu taicein năn, “Na dò na rwăn ka taũđố tacabya cakaĩ ka. Na ỉdò Bweca taphĩ ũ na prĩ dò rwăn da ya? ²¹ Dò mwaĩđố na bwaithá cỗ cỗn cỗ cwan đố Bweca langă akhaucă, na cỗ bakyădò pa tama ũ kỗ. ²²⁻²³ Khĩ usũ na thá bwaĩ dò takeitakaò dò takhòwè cõncein na nè. Kanaĩkhă sanlancein na thá đố takarănkataũ ũ dò kwĩcică Bweca cwaĩdò ka blailũkaĩ na tanithũ karăn tha-ũ ka. ²⁴ Dò SĩMo taicein, “Kwĩthabă Bweca đố khĩ ngă cwaĩdò ta mwaĩ nathũ tai ka cỗ lanba khĩ ka.”

²⁵ Dò bă PeTaRu dò YoHa kxanthá dò daòhtulan **Tadau YeSyũ** hwăngaỏ htaũ khă, ceinblan đố Wein YeRuSyaLe. Dò bă anănthũ cein đố khlai lòn khă, cein dò daòhtulan tathanaòthasaũ rĩkaĩ đố SyaMaRĩphao dõn ădõn.

PhĩLiPu dò ÈThiYỗPĩYă apradau lapra

²⁶ Bănu htaũdò, Bweca lanăn taiba PhĩLiPu, “Sahtôn dò saũlai khlai balan dỏ àò bã Wein YeRuSyaLe lailan dỏ Wein GaZa labỏn ka.”

Kh lai ử mwaĩ lỏnmaiklaỏkhau kh lai. ²⁷ Thanudò, PhĩLiPu sahtôn dò

lai. Bănu khả, a-usũ khyàò pra lapra. Pra ửpra ử lai thabả dỏ wein

YeRuSyaLe cein. Anăn mwaĩ prapaỏ ÒThiYỏPĩYả cahwamaỏ KaNẻ

tadauyăn khau dò mwaĩ pradaidiphao lapra. ²⁸ Anăn daỏcein theilũ

dỏ pha Li Cănsũ dỏ pahwĩ YaSyảYa tyan. ²⁹ Dỏ Bweca Yaỏ Cănsũ tai

PhĩLiPu, “Lwanlailả theilũ ửkhau dò laiphyũn bã akaphrỉ ka.”

³⁰ Akhaucả, PhĩLiPu wảlai dỏ anănhti dò nahyũn apha Li Cănsũ

mwaĩ pahwĩ YaSyảYa tyan. Dỏ PhĩLiPu htu năn, “Li Cănsũ mwaĩ na

pha ử, na napau lô ya?” ³¹ Dỏ ataicein, “Pra lapra pra mwaĩ cỏ

taiprwaĩba khỉ mẻ, khỉ napau ka da thamả?” Dỏ anăn kảhtan daỏ

blon PhĩLiPu theilũ bảngả. ³² Dỏ Li Cănsũ mwaĩ apha ửklan mẻ mwaĩ,

“Cwaĩ ngòn wảhtan thỏ dỏ ta ka mathử năn,

cwaĩ thỏphao àỏphyu bã ngòn rĩ aswan khả nu,

anăn cỏ ản akaỏ kỏ.

³³ Ngòn sanlan năn dò ciran năn cỏ mwaĩ cỏ cỏn.

Dỏ mwaĩdỏ ta phihtankaỉ atháthamyử dỏ hankhau ử akhaucả,

Ngòn rwaĩceinblan aswỉlăn lapra cỏ da pẻ kỏ.”

³⁴ Dỏ anăn htu PhĩLiPu, “Taiba khỉ, pahwĩ ử tai hỏpả arỉkaỉ? Mẻ

atailan taỏ arỉkaỉ ya cỏmwaimẻ atai pra karu lapra arỉkaỉ ya?”

³⁵ Thanudò, PhĩLiPu cả taiprwaĩba năn Li Cănsũ mwaĩ apha ửklan

bakyảdỏ tathanaỏthasaũ mwaĩ YeSyử rỉkaỉ. ³⁶ Dỏ bã anănthử lai leĩn

dỏ langả dò laitaử dỏ sử àò lanaỏ khả nu, atai PhĩLiPu, “U ka, sử àò

bả-ử nẻ. Cwaĩdỏ khỉ ka cỏ blỏnsử nu, ta tarả khran khỉ?” ³⁷ (PhĩLiPu

taiba năn, “Na mwaĩ yử YeSyử laỏkaử laỏthả mẻ, na blỏnsử da.” Dỏ

anăn taicein, “Khỉ yử YeSyử mwaĩ Bweca phaokhaử.”) ³⁸ Dỏ adaỏ

àỏsahtôn theilũ htaũdỏ anănthử lailan dỏ sử klả dò PhĩLiPu blỏnba

năn sŭ. ³⁹ Dò bã anănthŭ àò dŏ sŭ klă ceinhtan khă, lablanhtein Bweca Yaò Cănsŭ phihtankaĭ PhĭLiPu dò pradaidiphao ũ cŏ usŭ pè PhĭLiPu kŏ. Blănmè anăn cein leĭn dŏ tathanaòthasaŭ akaŭ. ⁴⁰ Mwaĭ PhĭLiPu nu, àòlaŏhtan dŏ Wein ACa dò laikā wein ũ dò daòhtulan tathanaòthasaŭ rĭkaĭ dŏ wein pŭwein kaŭ taŭlan dŏ Wein KèSăRĭYă.

9

Taruhtan SŏLu dò atacāhtan mata

SŏLu thálaicein

(Li Pratadaôphao 22:6-16; 26:12-18)

¹ Bănu saŭkhă kaŭ nu, SŏLu cwan caphraŭcakaŏ dò tai tharŏn pracŭhtanphao dŏ ka mathŭ anănthŭ. Dò anăn lai dŏ praluta khau dau àò ² cwaĭdò ka tyanba năn li kxanthá dŏ Wein DaMeCe YŭDaphao tathabăhyŭn khau àò. Dò abwailanthá dŏ ka cyan dò cwĭcein pramu, prakhaŭ mwaĭ acŭ **Tadau YeSyŭ** akhlaikhlŏn bã Wein YeRuSyaLe. ³ Htaŭdò anăn lai dŏ Wein DaMeCe. Bă alaitaŭ phyŭn dò wein ũ khă, takhăsaiphraò dŏ maokhau lankhweĭreĭn khyaò năn. ⁴ Dò bănukhă, alanklaŏ dŏ hankhau dò nahyŭn taprei taiba năn, “SŏLu, SŏLu na phyăn sărai khĭ mară?”

⁵ Dò SŏLu taicein, “Kŏ **Tadau**, na mwaĭ hŏpă?” Dò taprei taicein năn, “Khĭ mwaĭ YeSyŭ mwaĭ na phyăn sărai lapra nè. ⁶ Kanaĭkhă, sahtôn dò lainaŭ dŏ wein kaŭ ka. Na kaba ma tară mè, ta ka taiba na.” ⁷ Prakhaŭ laiblon dò SŏLu ũkaŭ nu, nahyŭn taprei blănmè cŏ ulaŏ pra lapra lapra kŏ. Akhaucă, anănthŭ àòhtôn bwaĭ dò tathakhyaòtha-ăn. ⁸ Bănukhă, SŏLu sahtôn dò sŏnhtan amaĭphlon blănmè cŏ ulaŏ pè ta akhaucă, pra lai blon anăn ũkaŭ cwĭ lai năn dŏ

Wein DaMeCe. ⁹ Dỗ thyũn daỗ akaũ nu, acỗ ulaỗ ta dò cỗ an cỗ aỗ ta laraũ raũ kỗ.

¹⁰ Dò bã Wein DaMeCe kaũ ỹ pracũhtanphao à lapra. Amyan mè ANaNĩ. Dò **Tadau** taiba nãn dỗ ata-ulaỗ kaũ, “ANaNĩ,” dò ataicein, “Kỗ **Tadau**, khĩ àò bã-ũ nè.” ¹¹ Dò **Tadau** tai nãn, “Sahtôn dò saũlai khlai dỗ ta kã amyan dò Khlaicỗn labỗn ka. Dò laikwan Wein TaSyuphao SỗLu bã YũDa hyũn ka. Anãn àò kwĩthabã ta bãnu. ¹² Dò anãn àò dò ta-usũ dỗ pra myan ANaNĩ lapra lai dò bwaihtan cudeĩn dỗ anãnkhou cwaĩdò ka ulaỗ ceinblan angã nè.”

¹³ Blãnme ANaNĩ taicein, “Kỗ **Tadau**, khĩ nahyũn pra pũpra tai pra ỹpra arĩkaĩ dỗ phyãn sãrai na pra àò bã Wein YeRuSyaLe nè.

¹⁴ **Praluta dau** phĩ nãn takrautayaò dò anãn lai bã-ũ cwaĩdò ka cyan pra kãhtan na myan nè.”

¹⁵ Blãnme **Tadau** tai nãn, “Lai ka. Khĩ rauhtan nãn cwaĩdò ka laitai ba pra cỗ mwaĩ YũDaphao dò acahwa thũlahan dò ISaRẽLaphao dỗ khĩ rĩkaĩ nè. ¹⁶ Dỗ khĩ akhaucã mè anãn kaba kon tasãrai cwaĩmã nu, khĩ ka daũlaỗ nãn.”

¹⁷ Thanudò, ANaNĩ lai dỗ SỗLu àò hyũn lama kaũ dò bwihtan acudeĩn dỗ SỗLu nãnkhau dò tai, “Kỗ thapũwaĩ SỗLu, **Tadau YeSyũ** mwaĩ adaũlaỗhtan na bã DaMaCe khlai lòn lapra daôlai khĩ dỗ na àò cwaĩdò na ka ulaỗ ceinblan dò ka aòbwaĩ dò Bweca Yaò Cãnsũ ngã nè.” ¹⁸ Lablanhtein, dỗ amaĩphlon lòn nu, thalyũn cwaĩ tãbei lanteĩnkaĩ dò a-ulaỗcein. Htaũdò asahtôn dò ba tablỗn nãn sũ. ¹⁹ Dò anãn an ta aỗta dò manaũ ceinblan khau-ã bãnu.

SỗLu tadaòhtulan bã Wein DaMeCe

Dò SỗLu àòblon pracũhtanphao bã Wein DaMeCe ladaỗ nũ daỗ.

²⁰ Bãnukhã, alaihtan dỗ YũDaphao tathabãhyũn lablanhtein dò cã

daòhtulan bakyădò YeSyŭ mwaï Bweca phaokhaŭ arîkaï. ²¹ Dò pra nahyŭn atadaòhtulan pŭpra thakhyaò dò tai, “Pra ŭpra cồ mwaï răn pra kwan mathŭ pra thabăhtan YeSyŭ dồ Wein YeRuSyaLe ya? Dò kanaïkhă, anăn lai bă-ŭ cwaïdò ka cyan dò kăcein prayŭ YeSyŭ dồ *praluta dau* à cồ mwaï răn ya?”

²² Blănmè SồLu daòhtulanta mō raò dò tailaồhtan takhanthá ăraŭ dồ YeSyŭ mwaï *Khrī, prakahtŭtadau* akhaucă YŭDaphao à bă Wein DaMeCe taicein năn cồ da laraŭ raŭ kồ. ²³ Ănŭ ăthŭ pwŭn dò YŭDaphao kukyănhtan hu bloncŭ dồ ka mathŭ SồLu. ²⁴ Blănmè SồLu theingă anănthŭ takyăhtan hu. Dò dồ mỗncă mỗnna anănthŭ àopaồ SồLu bă wein khădăndau cwaïdò ka mathŭ năn. ²⁵ Blănmè bă mỗnna khă, pracŭhtan anăn saulan năn dồ thau kaŭ dò yaŭlan năn dồ wein kwan.

SồLu ceinblan dồ Wein YeRuSyaLe

²⁶ Dò bă SồLu ceintaŭ dồ Wein YeRuSyaLe khă, rwăn khaò pracŭhtanphao blănmè ngòn pŭpra tharòn năn dò cồ yŭ dồ amwaï ywăn pracŭhtanphao kồ. ²⁷ Blănmè BaNăBa nu, kălai năn dồ pratadaôphao à dò taiba anănthŭ mwaï SồLu ulaồba *Tadau YeSyŭ* bă khlai lòn thamă, dò *Tadau YeSyŭ* mangaồta dò anăn thamă, dò adaòhtulan *Tadau YeSyŭ* rîkaï khaŭhaï bă Wein DaMeCe thamă rîkaï.

²⁸ Thanudò, SồLu laiblon mablon dò pratadaôphao bă Wein YeRuSyaLe ²⁹ dò daòhtulan *Tadau YeSyŭ* arîkaï khaŭhaï. Dò mangaồ-ăcŭ ta dò YŭDaphao mwaï amangaồ Grī tamangaồ akhaucă, anănthŭ kukyănhtan dồ ka mathŭ năn. ³⁰ Dò bă prayŭ YeSyŭ nahyŭn tarîtakaï ũ khă, anănthŭ kălai SồLu dồ Wein KèSăRĭYă dò thonswaï năn dồ Wein TaSyu.

³¹ Dò ta-aòblon aò bã Kăn YũDa kalăn pũkaũ, GaLiLă dò SyaMaRĩ ũkaũ aòmo-aòkwĩ, dauhtan haũhtan dỏ nănthá dò aòmyũn dỏ tatharỏn Bweca akaũ. Dò mwaĩdỏ Bweca Yaò Cănsũ phĩkhauphĩ-ă anănthũ akhaucă, prayũ YeSyũ ăhtan rũhtan.

PeTaRu mahaicein ỄNē

³² Dò PeTaRu lai dỏ kalăn lakhlao htaũ lakhlao dò laitaũ dỏ prayũ YeSyũ aò bã Wein LũDa. ³³ Dò bãnu, a-usũ prakhaũ mwaĩ amyan ỄNē lapra. Prakhaũ ũpra mề asăthũ lakhaỏ dò aò răn dỏ lamĩ kaũ ngĩ sỏ nein hỏ. ³⁴ Dò PeTaRu tai năn, “ỄNē, *YeSyũ Khrĩ* mahaicein na hỏ. Sahtôn dò htaũraò na lamĩ ka.” Dò lablanhtein asahtôn. ³⁵ Dò pra aò bã Wein LũDa dò kănnagan SyaRo pũpra usũ ỄNē dò anănthũ yũ YeSyũ.

PeTaRu mathamyũnceinblan TaBiThă

³⁶ Dò dỏ Wein YăPho kaũ nu, pracũhtanphao pramu aò lapra. Amyan mề TaBiThă. Dò dỏ Grĩ tamangaỏ mề mwaĩ DỏKă. Anăn aò dò tamaraò dò makũ thayăn praphaosai. ³⁷ Bănukhă, asă dò thũ. Dò ngòn oanba năn sũ htaũdỏ bwaihtan năn dỏ dao htanlũ ladaò kaũ. YũDaphao hyũn |lb00235c.tif|col||YũDaphao hyũn (9:37)|9.37
³⁸ Wein YăPho nu, aòphyũn dò Wein LũDa. Dò bã pracũhtanphao nahyũn PeTaRu aò bã LũDa khă, daôlai prakhaũ thanũ dỏ ka kwĩcĩcă PeTaRu cwaĩdỏ ka lai phraĩ dỏ anănthũ aò. ³⁹ Thanudỏ, PeTaRu sahtôn dò cũlai anănthũ. Dò bã PeTaRu laitaũ khă, ngòn thonhtan năn dỏ dao htanlũ ladao. Dò pramusai pũpra sahtôn khweĩreĩn PeTaRu, ngaũ dò daũ năn hwăncein dò hwăncein kwan dỏ TaBiThă săba anănthũ lă a-aòmyũn mỏ khă lahan. ⁴⁰ Dò PeTaRu daôswaĩhtan anănthũ dỏ daò kwan htaũdỏ htukanwaĩlan dò kwĩthabă. Dò ngeĩ tau dỏ prathũ aò dò tai, “TaBiThă, sahtôn ka.” Dò TaBiThă sỏnhtan

amaiphlon dò ulaǒ PeTaRu dò htôn sanǎn aò. ⁴¹ Dò PeTaRu cwî sahtôn nǎn dò kâcein pramusai dò prayǔ YeSyǔ lahan dò daûlaǒ anǎnthǔ đǒ TaBiThǎ thamyǔnceinblan. ⁴² Tahtũhtan ũ hyǔnhtan đǒ Wein YǎPho laǒ lawein dau. Dò pra ǎpra yǔ YeSyǔ.

⁴³ Dò PeTaRu aò bã Wein YǎPho kaũ ũ lacũ. A-aòblon dò SĭMo mwaĩ pramablĭ taphei lapra.

10

PeTaRu dò KaNěLi

KaNěLi ta-ulaǒ

¹ Dò đǒ Wein KèSǎRĭYǎ nu, pra aò lapra. Amyan mè KaNěLi. Amwaĩ yĭkhau bakyǎdò ITaLiYǎ tǎkhwě^b lapra. ² Anǎn dò ahyǔnphao phǎnphao pǔpra mwaĩ prabwaidau Bweca dò taobayanba Bweca. Anǎn mè phĭmakũ praphaosai dò kwĭthabǎ thayǎn Bweca.

³ Ba ladaǒ bã mǒnkhlanan ka aò thyǔn nari khǎ, anǎn ulaǒ ta-ulaǒ đǒ Bweca lanǎn lai tai nǎn, “KaNěLi,” ⁴ dò KaNěLi uhtan nǎn đǒ tatharǒn thahwa kaũ dò htu nǎn, “Kǒ Tadau, tarǎ?” Dò Bweca lanǎn taicein nǎn, “Bweca nahyǔn na takwĭthabǎ dò atheinǎnhtan na taphĭmakũ praphaosai hǒ. ⁵ Kanaĭkhǎ, daôlai pra lahan đǒ Wein YǎPho cwaǐdò ka lai kâ SĭMo ka. SiMo mè ngòn kâ nǎn dò PeTaRu nè. ⁶ Anǎn aò bã pramablĭ taphei SĭMo hyǔn aò bã sũtawadau kaphrĭ nè.”

⁷ Dò bã Bweca lanǎn mwaĩ mangaǒta dò nǎn lapra swaĩpǎ đǒ a-aò khǎ, anǎn kâ apra thanũ dò yĭphao aòphyǔn thayǎn nǎn dò bwaidau

b **10.1** tǎceĩ laceĩ mè yĭphao aò pra sǒsũ taũ pra laya. Tǎceĩ sũ mau mè takā dò tǎkhwě. Tǎkhwě khwě lasũ mè kǎdò tǎyĭ.

Bweca lapra. ⁸ Dò taiba anănthũ ta pũraũ dò daôlai anănthũ dỏ Wein YăPho.

PeTaRu ta-ulaỏ

⁹ Dò htũ naỏ ladaỏ mỏncă khă, pra mwaỉ KaNẻLi daôlai ủaũ laitaủ phyûn dò Wein YăPho. Bănu saủkhă, PeTaRu laihtan dỏ hyûn khu^c cwaỉdỏ ka kwỉthabăta. ¹⁰ Dò bă akwỉthabă takhă, athawỉ dò thayủ an ta laraủ raủ. Dò bă ngòn pranba năn ta-an ta-aỏ khă, amaỉphlon thau dò ulaỏ ta-ulaỏ ¹¹ dò usũ maokhau mỏnhtan dò ta yaủlan ta laraủ thalyûn cwaỉ hwăn dau labei mwaỉ ngòn cỏncein anaỏ lwỉ naỏ. ¹² Dỏ akaủ nu taphaotayũ aỏ pũraủ, lahan mề lũtau dò aphũ, lahan mề tau dò khandeỉn dò lahan mề yỏn bă maolă. |lb00235c.tif|span|||YũDa Hyun (ACT 10:13)|10.13

¹³ Dò taprei taiba năn, “PeTaRu, sahtôn, mathủ dò an ka.” ¹⁴ Dỏ PeTaRu taicein, “Kỏ Tadau, an da răn ya?” Cwaỉ MoSyẻ tamălan aỏ nu, ta cỏ raủ cỏ căn dò cỏ blỉ cỏ blăn dỏ Bweca langă mề, khỉ cỏ an lakhan lakhan kỏ.” ¹⁵ Dò taprei taiba thă năn nũ blan lablan, “Ta mwaỉ Bweca mablỉ mablăn nu, cỏ nithũ dỏ amwaỉ ta cỏ blỉ cỏ blăn ka.” ¹⁶ Tahtũhtan thỹn blan htaủdỏ lablanhtein taphiceinhtan blan dỏ maokhau.

¹⁷ Bă PeTaRu aỏ nithũ bakyădỏ ta-ulaỏ ủa atathayủtai mwaỉ tară khă, pra mwaỉ KaNẻLi daôlai lahan kwan SỉMon hyûn dò sahtôn aỏ bă khădăndau hti ¹⁸ dò htu, “SỉMo mwaỉ ngòn kă năn dò PeTaRu lapra aỏ bă-ủ ya?” ¹⁹ Bă PeTaRu aỏ nithũ mỏ bakyădỏ ta-ulaỏ ủa atathayủtai mwaỉ tară khă, Bweca Yaỏ Cănsủ tai năn, “U ka, pra thathyủn lai kwan na nề. ²⁰ Sahtôn dò lailan. Dò cũlai anănthũ dò cỏ bayỏn ka. Mwaỉ yaủ khỉ daôlai anănthũ nề.”

c **10.9** YũDaphao hyûn khu mề, ma dwăn ata.

²¹ Dò PeTaRu lan dǒ anǎnthǔ àò dò tai, “Khǐ mwaǐ preǐ pra mwaǐ nathǔ kwan lapra nè. Nathǔ lai kwan khǐ marǎ?” ²² Dò anǎnthǔ taicein, “Yǐkhau KaNěLi daôlai pa nè. Anǎn mwaǐ pracǒncwan dò bwaidau Bweca dò YǔDaphao lamaǒ dau kxanthá dǒ amwaǐ pra araò lapra nè. Dò Bweca lanǎn taiba nǎn dǒ ka lai kǎcein na dǒ ahyûn cwaǐdò ka nahyûn na tamangaǒ angǎ nè.” ²³ Dò PeTaRu kǎ ceinnaǔ anǎnthǔ bǎ hyûn kaǔ.

PeTaRu laitaǔ dǒ yǐkhau KaNeLi hyûn

Dò htǔ naò laraò nu, PeTaRu dò prayǔ YeSyǔ àò bǎ Wein YǎPho lahan laicǔ anǎnthǔ. ²⁴ Dò htǔ naò ladaǒ nu, anǎnthǔ laitaǔ bǎ Wein KèSǎRǐYǎ. Bǎnukhǎ, KaNěLi kǎcòn yaǒ aswǐlǎn dò angònraǔ raò lahan dò aòhaǔ anǎnthǔ. ²⁵ Dò bǎ PeTaRu laitaǔ khǎ, KaNěLi htukanwaǐlan dǒ akhandeǐn hti dò thabǎhtan nǎn. ²⁶ Blǎnmè PeTaRu cwǐ sahtôn nǎn dò tai, “Sahtôn ka. Khǐ mwaǐ yaǔ pralau kayǎn lapra nè.”

²⁷ Bǎ PeTaRu mangaǒta dò KaNěLi dò naǔlan dǒ hyûn kaǔ khǎ usú pra ǎpra aòrǔcòncǔ bǎnu. ²⁸ Dò PeTaRu taiba anǎnthǔ, “Nathǔ theingǎ YǔDaphao lapra pra mwaǐ taukhaò pramyǒ karu dò lainaǔ dǒ a-aò mè, mwaǐ ahtandidò MoSyě tamālan nè. Blǎnmè Bweca daûlaǒ khǐ dǒ khǐ cǒ kôn kǎ ngòn lapra lapra dǒ pra cǒ raǔ cǒ cǎn dò pra cǒ blǐ cǒ blǎn kǒ. ²⁹ Akhaucǎ, bǎ na mǎlai khǐ khǎ, khǐ cǒ pipaǐ cǔlai pra mwaǐ na daôlai ũkaǔ. Dò kanaǐkhǎ, khǐ htu na, ‘Na mǎlai khǐ marǎ?’ ”

³⁰ Dò KaNěLi taicein, “Lǎ apwǔn thyǔn daǒ mwaǐ kanaǐ khein ũ, khǐ àò kwǐthabǎ dǒ khǐ hyûn bǎ mǒnkhǐlalan thyǔn nari khǎ dò saraô, prathaòkwǎn takwǎntakǎ saiphraò lapra sahtôn dǒ khǐ langǎ ³¹ dò tai, “KaNěLi, Bweca nahyûn na takwǐthabǎ dò atheinǎnhtan na

taphîmakŭ praphaosai hŏ. ³² Daôlai pra lahan dŏ Wein YăPho dò kâcein SĭMo dŏ ta kâ năn dò PeTaRu lapra ka. Anăn àò bã pramablĭ taphei SĭMo hyûn àò bã sŭtawadau kaphrĭ nè. ³³ Akhaucă, khĭ daôlai phraĭ khĭ pra dŏ na àò nè. Dò taikyŭ na dŏ na laitaŭ. Kanaĭkhă, pa pŭpra pa àò dŏ Bweca langă cwaïdò ka nadeĭn ta pŭraŭ dŏ Bweca mālān na nè.”

PeTaRu tamangaŏ

³⁴ Bănukhă, PeTaRu taihtan, “Khĭ theingă hŏ Bweca cŏ udausyan pra lapra lapra nu, mwaĭ ywăn nè. ³⁵ Pramyŏ mwaĭ atharŏn Bweca dò ma tamwaĭ tacŏn pŭpra nu, Bweca bathá năn. ³⁶ Dò nathŭ theingă tahwătangaŏ dŏ Bweca phĭlan ISaRĕLaphao nu, mwaĭ tadaòhtulan tathanaòthasaŭ rĭkaĭ bakyădò ta-aòpeĭn aòdwăn dò Bweca dŏ **YeSyŭ Khrĭ** akhaucă. **YeSyŭ Khrĭ** nu, mwaĭ pra pŭpra aTadau. ³⁷ Nathŭ theingă tahtŭhtan dŏ Kăn YŭDa thadeĭba cā lă prablŏnsŭ YoHa daòhtulan prablŏnsŭ rĭkaĭ bã Kăn GaLiLă htaŭ khă. ³⁸ Tahtŭhtan ũ, mwaĭ Bweca daòhtŭ NaZaRephao YeSyŭ dŏ **Tadau** thamă, phĭlan năn Yaò Cănsŭ thamă dò takrautayaò thamă. Dò Bweca àò dò năn akhaucă, anăn lai dŏ kalăn pŭkaŭ, maraòta dò mahaicein pra pŭpra dŏ tasŭtaná khaudau daò năn. ³⁹ Bakyădò YeSyŭ mata pŭraŭ dŏ Wein YeRuSyaLe dò Kăn YŭDa kalăn karu kaŭ nu, pa usŭ dò pa maĭphlon . Dò anănthŭ phlăhtanthŭkaĭ năn dŏ thônhtwancaya lòn. ⁴⁰ Blănmè bã thỹn daŏ bwaĭhtan khă, Bweca daòthamyŭnhtancein năn dŏ tathŭ, dò daôdaŭlaòhtan năn. ⁴¹ Blănmè acŏ daŭlaòhtan anăn dŏ pra pŭpra langă kŏ. Daŭlaòhtan anăn sĭ pra mwaĭ Bweca rauhtan năn cwaĭ aprakhanthá lahan hò. Dò bã YeSyŭ thamyŭnhtancein htaŭ khă nu, pa anblon aŏblon dò anăn.

⁴² YeSyũ mālan pa dõ ka daòhtulan dò kxanthá dõ prakũmaõ langă bakyădò anăn mwaĩ Bweca rauhtan năn lapra dõ ka htũhtan praciran pramyũn dò prathũ. ⁴³ Dò pahwĩ pũpra taiyaõ bakyădò YeSyũ arĩkaĩ tha-ũ, “Prayũ năn pũpra nu, ka naũba tablailũkaĩ atakhòwè dõ amyan. ”

Bweca Yaò Cănsũ lailan dõ pra cõ mwaĩ YũDaphao nănkxau

⁴⁴ Dò bă PeTaRu mangaõ leĩn mõ ta khă, Bweca Yaò Cănsũ lan dõ pranadeĩn tamangaõ ũ pũpra nănkxau. ⁴⁵ Dò mwaĩdõ Bweca daõlan aYaò Cănsũ dõ pra cõ mwaĩ YũDaphao anăn kxau akxaucă, YũDaphao mwaĩ ayũ YeSyũ mwaĩ alai blon dò PeTaRu lahan nu, thaphrũ thakxyaò dau. ⁴⁶ Dò cõkămõ, nahyũn pra ũkaũ mangaõ tamangaõ karu araũ raũ dò htònhtan Bweca. Bănukhă, PeTaRu taihtan, ⁴⁷ “Pra ũkaũ manaũ saõ Bweca Yaò Cănsũ cwaĩ pa nè. Cwaĩdò anănthũ ka cõ blõnsũ nu, hõpă kxrankaĩ da anănthũ lapra?” ⁴⁸ Dò PeTaRu mālan anănthũ cwaĩdò ka blõnsũ dõ **YeSyũ Khrĩ** amyan. Bănu htaũdò, anănthũ kwĩcică PeTaRu dõ ka aõblon leĩn mõ dò anănthũ ladaõ nũ daõ .

11

PeTaRu tatailaõhtan

¹ Pratadaõphao dò prayũ YeSyũ aò bă Kăn YũDa nahyũn pra cõ mwaĩ YũDaphao yũ saõ Bweca hwăngaõ. ² Akxaucă, bă PeTaRu laihtan dõ Wein YeRuSyaLe khă, YũDaphao mwaĩ ayũceinta dò phicein tadutũ taphei kană lahan bwai takamā dò ³ tai năn, “Na lainaũ dõ pra cõ mwaĩ YũDaphao ahyũn dò anblon aõblon dò anănthũ mară?”

⁴ Dò PeTaRu cā taiba anānthũ dõ tahtũhtan pũraũ tha-ũ, ⁵ “Bã khĩ aò dõ Wein YăPho dò kwĩthabã khã, khĩ usũba ta-ulaõ. Khĩ usũ ta yaũlan ta laraũ dõ maokhau bã khĩ langã. Ta-ũ thalyũn hwãn dau labei mwaĩ ngòn cõncein anaõ lwĩ naõ. ⁶ Dò khĩ ulan dõ akaũ dò khĩ usũ taphaotayũ alaõ dò amyũn mwaĩ atau dò khandeĩn lwĩ deĩn, taphaotayũ dõ lũtau dò aphũ, dò yõn bã maolã. ⁷ Dò bãnukhã, khĩ nahyũn taprei taiba khĩ, “PeTaRu, sahtõn, mathũta dò an ka.”

⁸ Blãnmè khĩ taicein, “Kõ **Tadau**, an da rãn ya?” Cwaĩ MoSyẽ tamālan aò nu, ta cõ raũ cõ cãn dò cõ blĩ cõ blãn dõ Bweca langã mè, khĩ cõ an lakhan lakhan kõ.” ⁹ Dò taprei dõ maokhau taiba thã khĩ nũ blan lablan, “Ta mwaĩ Bweca mablĩ mablãn nu, cõ nithũ dõ amwaĩ ta cõ blĩ cõ blãn ka.” ¹⁰ Tahtũhtan tha-ũ thỹũn blan htaũdò ta phiceinhtan blan dõ maokhau.

¹¹ Bãnukhã, pra aò dõ Wein KèSãRĩYã thathyũn mwaĩ ngòn daõlai nãn laitaũ bã hyũn dõ pa aò lama. ¹² Dò Bweca Yaò Cãnsũ taiba khĩ dõ ka cũlai anānthũ dò cõ ba bayõn. Dò thapũwaĩ YăPhophao thasũ ù laicũ khĩ dò pa lainaũ dõ KaNěLi hyũn. ¹³ Dò anãn taiba pa, a-usũba Bweca lanãn lapra sahtõn bã ahyũn kaũ dò tai nãn, ‘Daõ lai ngòn dõ Wein YăPho cwaĩdò ka kã SĩMo mwaĩ ngòn kã nãn dò PeTaRu ka. ¹⁴ Dò aka lai taiba na mwaĩ ta ka htaicein na dò na pra hyũnphao pũpra thamã arĩkaĩ nè.’ ¹⁵ Dò bã khĩ cã mangaõta dò anānthũ khã, Bweca Yaò Cãnsũ lailan dõ anānthũ nãn khau cwaĩ alailan dõ pa nãn khau lã akahti lablan khã nè.

¹⁶ Dò khĩ theinãnhtan **Tadau YeSyũ** tatai, ‘YoHa blõn ngòn dò sũ blãnmè nathũ nu, ta ka blaõ nathũ dò Bweca Yaò Cãnsũ.’ ¹⁷ Bweca phĩ saõ pra cõ mwaĩ YũDaphao taphĩ cwaĩ aphĩ pa, prayũ **Tadau YeSyũ Khrĩ**. Akhaucã hõpã khran Bweca ka da lapra?”

¹⁸ Dò bã anănthũ nahyũn PeTaRu tatai ũ htaũdò anănthũ cồ bwai takamā pè dò htònhtan Bweca dò tai, “Bweca phî saô pra cồ mwaĩ YũDaphao lahan tasaũkhă raò dồ ka sanlanceinthá dò ka myũn ngă nè.”

Wein ATi-Ò ta-aòblon

¹⁹ Mwaĩdồ taphyăn sảrai prayũ YeSyũ lahan bã tamathũ SaTẻPha htaũ khă akhaucă, anănthũ swaĩ caphrucaphrăn yũ taũdồ PhoNĩSyă Khayain, khỗnsũkhau KũPrũ dò Wein ATi-Ò.^d Dò bã anănthũ laitaũ kalăn nu, daòhtulanba Bweca hwăngăo sỉ yaũ YũDaphao hò.

²⁰ Blănmè dồ Wein ATi-Ò nu, prayũ YeSyũ karu àò bã khỗnsũkhau KũPrũ dò Wein KuReNe swaĩ caphrucaphrăn lai ũkaũ daòhtulanba pramyồ karu dồ tathanaòthasaũ rĩkaĩ bakyădò **Tadau YeSyũ**.²¹ Dò mwaĩdồ Bweca krauyaò àò dò anănthũ akhaucă, pra ảpra yũ YeSyũ dò blancein dồ Bweca àò.

²² Tarĩtakaĩ ũ Wein YeRuSyaLe ta-aòblonphao nahyũn dò daôlai BaNăBa dồ Wein ATi-Ò. ²³ Dò bã BaNăBa laitaũ dò usũ Bweca akyũnibwan àò dò anănthũ khă, athanaòthasaũ. Dò sankăn anănthũ pũpra dồ ka àò dò tathácôn dò yũ **Tadau** laỏkaũ laỏthá angă.

²⁴ BaNăBa mề mwaĩ praraò, aòbwaĩ dò Bweca Yaò Cănsũ dò tayũ. Bănukhă, prayũ YeSyũ ảhtanrũhtan. ²⁵ Thanudò BaNăBa lai kwan SỏLu dồ Wein TaSyu. ²⁶ Dò bã a-usũ Sỏlu khă, kăcein năn dồ Wein ATi-Ò. Dò dồ lanein lamỗn kaũ nu, anănthũ aòblon dò ta-aòblon bănu dò thwanlũ prakũmaỏ. Dò pracũhtanphao ũmau nu ngòn kă anănthũ dò ‘Khrĩphao’ arĩkaỏ bã Wein ATi-Ò ũ.

²⁷ Bănu saũkhă kaũ nu, pahwỉ lahan àò dồ Wein YeRuSyaLe dò lai dồ Wein ATi-Ò. ²⁸ Dồ pahwỉ klă nu, pahwỉ myan AGaBu lapra sahtôn,

d **11:19** Wein ATi-Ò ũ àò bã Kăn SỈRỈYă .

dò dõ Bweca Yaò Cănsũ krauyaò dò tai saũyaõ tathawĩ lanphli ka aòhtan dõ sũkăň äkăň akaũ. Dò ta-ũ htũhtan bã RõMe cahwa dau KlòDĩ painta asaũkhă. ²⁹ Akhaucă, pracũhtanphao aò dõ Wein ATi-Ò bwailanthá dõ ka makũ thapũwaĩ aò bã Kăň YũDa cwaĩ anănthũ mada. ³⁰ Dò daôlai thon BaNăBa dò SõLu taphĩ dõ ta-aòblon pradau prapră aò.

12

Tamapwũnblu PeTaRu dõ htòn kaũ

¹ Bănu saũkhă kaũ nu, Cahwa HeRo AGrĩPa masărai ta-aòblonphao lahan. ² Dò anăň mathũ YoHa waĩkhaũ YaKo dò niseĩn. ³ Dò bã a-usũ YũDaphao bathau bathá atama tha-ũ khă, adaôcyan saô PeTaRu. Tasaũkhă ũ mwaĩ bã takao cõ aò dò mũ pwě khă. ⁴ Acyan PeTaRu htaũdò saulan dõ htòn kaũ, dò daôpaõ yĩphao lwĩ mau. Lamau mè lwĩ pra. Cahwa ũ kyănhntan dõ ka thonhtan PeTaRu dò ciran năň dõ prakũmaõ langă bã Bũlaitalu pwě pwũň khă. ⁵ Bă PeTaRu aò dõ htòn kaũ khă, prayũ YeSyũ kwĩthabă ywăň dõ angă.

⁶ Dò ba lana rĩdò Cahwa thonhtan năň dõ prakũmaõ langă khă nu, PeTaRu mũ aò bã yĩphao thanũ kacôn dò ngòn cõncein năň dò pũhta nũ bõň. Dò yĩphao aòpaõ bã htòn khădăndau langă. ⁷ Dò saraô, Bweca lanăň aòlaõhtan khyaò, dò takhăsaiphraò dõ htòn kaũ. Dò Bweca lanăň htaukakhyaô PeTaRu dò thănhntôn năň dò tai, “Sahtôn phraĩ ka.” Bănukhă, pũhta dõ acukaõ lòn caplukaĩ. ⁸ Dò Bweca lanăň tai năň, “Cõncein raò na kacõň dò daò khanpha ka.” Dò anăň ma cwaĩ thanu. Dò Bweca lanăň tai thă năň, “Thaòhtan na hwăncein kwan dò cũhtan khĩ ka.” ⁹ Dò PeTaRu cũhtan Bweca lanăň dõ htòn kwan blănmè acõ theingă tahtũhtan ywăň mwaĩ Bweca lanăň ma kõ.

Anăn ĩ yaũ dò tamĩmăn. ¹⁰ Anănthũ htankā yĩphao mwaĩ apaõ htòn kadăn akahti latõn dò nữ tõn latõn htaũdò htantaũ dõ htòn khădăndau hta hti. Bănukhă, htòn khădăndau ũ mõnhtan taõ dò anănthũ swaĩhtan dõ wein kwan. Dò bă anănthũ laisaũ khlai labõn khă, pĩ Bweca lanăn htumăkaĩ dõ PeTaRu aò.

¹¹ Dò bă PeTaRu maĩplũhtan khă atai, “Kanai khă, khĩ theingă byan dõ Bweca daõlai alanăn dò mapwũnblu khĩ dõ Cahwa HeRo AGrĩPa cudeĩn kaũ dò dõ YũDaphao lahan tacipõn kaũ.” ¹² Dò bă atheingă ceinlan byan anăn khă, alai dõ YoHa maõ MaRĩ hyûn. YoHa ũ ngòn kâ năn dò Makũ. Dò bănu, prayũ YeSyũ ăpra aòrũcòn dò kwĩthabă. ¹³ Dò bă PeTaRu ceintaũ dò didaò khădăndau khă, cwăn pramu myan RõDa lapra htan u. ¹⁴ Dò tònăn PeTaRu kaõcă akhaucă, anăn thanaòthasaũ dau blănmè cõ mõnhtanba lă kadăn. Dò pheicein taiba pra aò bănu dõ PeTaRu aò sahtôn bă khădăndau hti. ¹⁵ Dò anănthũ taicein, “Na plũ răn ya.” Blănmè anăn tai thă, “Mwaĩ ywăn PeTaRu nè.” Akhaucă, anănthũ tai, “Ka mwaĩ yaũ alanăn ya.” ¹⁶ Dò bănukhă, PeTaRu didaò leĩn kadăn dò bă anănthũ mõnhtan kadăn khă, usũ ywăn PeTaRu dò thaphrũ thakhyaò dau. ¹⁷ Dò PeTaRu wănhtan acudeĩn dò daô-aòthu dò taiba anănthũ dõ Bweca mapwũnblu năn dõ htòn kaũ thamă thamă arĩkaĩ. Dò PeTaRu tai, “Taiba YaKo dò prayũ YeSyũ tarĩtakaĩ ũ ka.” Htaũdò anăn swaĩlai dõ kalăn karu lanaõ.

¹⁸ Dò htũ naò laraò khă, yĩphao mwaĩ apaõ PeTaRu thũlahan caplucaplan kaũkaĩ dò taicũ dõ tahtũhtan dò PeTaRu ũ da thamă.

¹⁹ Dò cahwa HeRo AGrĩPa mālān ayĩphao dõ ka kwan-u PeTaRu blănmè cõ usũ. Akhaucă, ahtulwaĩ ayĩphao mwaĩ apaõ PeTaRu ũkaũ htaũdò mālān ngòn dõ ka mathũkaĩ anănthũ. Htaũdò cahwa ũ swaĩhtan dõ Kăn YũDa dò lai aò bă Kăn KèSăRĩYă.

Taciran thǔ Cahwa HeRo AGrīPa

²⁰ Bǎnu saǔkhǎ kaǔ nu, Cahwa HeRo AGrīPa tháhtan dau Wein SǐDophao dò Wein HtaǐYaphao. Blǎnmè mwaǐdǔ Wein SǐDophao dò Wein HtaǐYaphao ũkaǔ manaǔba ta-an ta-aǔ dǔ cahwa ũ sǔkǎn akhaucǎ, anǎnthǔ bwai thálamahtein dò lai bloncǔ cwaǐdò ka usǔba cahwa dò ka manaǔba tapeǐn tadwǎn dò anǎn ngǎ. Dò anǎnthǔ lai rǐkaǔ dǔ BlaStu aò dò kwǐ tamakǔ. BlaStu mè mwaǐ prapaǔ cahwa hyûn lapra. ²¹ Bǎ cahwa khǐ yaǔ mǔnnû taǔ khǎ, cahwa ũ thaòkwǎnhtan akraǔbaǔ, sanǎn aò dǔ akalǎn sanǎn dò mangaǔta dò prakǔmaǔ. ²² Bǎnukhǎ, prakǔmaǔ kākrihtan, “Cahwa tamangaǔ ũ mwaǐ bweca tamangaǔ. Cǔ mwaǐ pralau tamangaǔ kǔ.” ²³ Bǎnukhǎ, mwaǐdǔ cahwa ũ cǔ tai dǔ acǔ mwaǐ Bweca akhaucǎ, lablanhtein Bweca lanǎn teǐn nǎn dò yaǐ phyǎn nǎn dò thǔkaǐ hè.

²⁴ Dò Bweca hwǎngaǔ nu, blaǐlan ǎhtan dò prayǔ YeSyǔ ǎhtanrǔhtan khlǔnmǔ.

²⁵ Dò bǎ BaNǎBa dò SǔLu ma htaǔ atama khǎ, anǎnthǔ kǎ YoHa Makǔ dò swaǐhtan bǎ Wein YeRuSyaLe dò ceinblan dǔ Wein ATi-Ò.

13

Tarauhtan BaNǎBa dò SǔLu

¹ Dò dǔ Wein ATi-Ò ta-aòblon kaǔ nu, pahwǐ dò sara aò lahan. Anǎnthǔ mè mwaǐ BaNǎBa, SuMi-O mwaǐ ngòn kǎ nǎn dò NiGa^e, Wein KuReNephao LuCǐYa, SǔLu dò MaNaE mwaǐ pra dauhtan cakrei blon dò cahwa HeRo lapra. ² Dò bǎ anǎnthǔ thabǎhtan Bweca dò daũ ta-an ta-aǔ khǎ, Bweca Yaò Cǎnsǔ tai anǎnthǔ, “Rauhtan BaNǎBa dò SǔLu dǔ ka ma khǐ tama cwaǐ khǐ kǎhtan hǔ anǎnthǔ ka.” ³ Thanudò,

e **13:1** NiGa atathayǔtai mè mwaǐ pralonkǐphao.

bă anănthũ daũ ta-an ta-aỏ ðò kwĩthabă htaũ khă, anănthũ bwaihtan cudeĩn ðỏ BaNăBa ðò SỏLu nănkhou htaũ ðỏ daôlai anănthũ.

BaNăBa ðò SỏLu bă khỏnsủkhau KũPrũ

⁴ Thanudò, cwaĩ Bweca Yaò Cănsủ thon BaNăBa ðò SỏLu nu, anănthũ lailan ðỏ Wein CeLuKĩ ðỏ daôlai sủkhlaũ dau ðỏ khỏnsủkhau KũPrũ. ⁵ ðỏ bă anănthũ laitaũ ðỏ Wein SaLaMĩ khă, laihtan ðỏ YũDaphao tathabăhyũn ðỏ daòhtulan Bweca hwăngaỏ ðỏ YoHa MaKũ laiblon ðỏ tòncũ anănthũ. ⁶ ðỏ anănthũ laikā khỏnsủkhau KũPrũ ðỏ lai ðỏ Wein PaPho. ðỏ bănu mề anănthũ usũ pra lapra. Amyan mề BaYeSyũ ðỏ Grĩ myan mề mwaĩ ELũMa. Anăn mwaĩ YũDaphao pahwĩ laòbli ðỏ mwaĩ pra macablan ngòn maĩphlon ⁷ ðỏ mwaĩ RỏMe prapainta CeKi PỏLu angònrủ. CeKi PỏLu mề mwaĩ pra acănplan lapra. ðỏ athayũ nahyũn Bweca hwăngaỏ akhaucă, daôlai kā BaNăBa ðò SỏLu.

⁸ Blănmề pra macablan ngòn maiphlaỏ mwaĩ amyan ELũMa ỷpra htandidò BaNăBa ðò SỏLu cwaĩ ðỏ CeKi PỏLu ka cỏ yũ **Tadau YeSyũ.** ⁹ Bănukhă, SỏLu mwaĩ ngòn kā năn ðỏ PỏLu ỷpra bwaĩ ðỏ Bweca Yaò Cănsủ ðỏ ubyan ELũMa ¹⁰ ðỏ tai, “Na, tasũtaná khaudau phaokhaũ, na ma thayăn ta cỏ mwaĩ cỏ cỏn, talaòbli ðỏ takarănkata pũraũ aòbwaĩ ðỏ na thá kaũ. ðỏ na rwăn cwaĩ ðỏ ka macablan Bweca khlai mwaĩ khlai cỏn ðỏ ta cỏ mwaĩ cỏ cỏn kaũ ya? ¹¹ U ka, kanaĩkhă Bweca ka ciran na. Na maĩphlon ka khũ ðỏ na ka cỏ usũ pề mỏn takhă kỏ.” Lablanhtein, ELũMa amaĩphlon khũ ðỏ cỏ usũ pề ta akhaucă, anăn kwan pra cwĩtau năn. ¹² ðỏ bă prapainta CeKi PỏLu usũ tahtũhtan ỷ khă, athaphrũ thakhyaò dau ðỏ BaNăBa ðỏ PỏLu tathwanlũ ỷ ðỏ yũ YeSyũ.

PỏLu ðỏ BaNăBa bă Kăn PiCiDĩYă, Wein ATi-Ò

¹³ Dò bǎnu htaũ khǎ, PǒLu dò angòn daòhtan sũkhlaũ dau bǎ Wein PaPho dò lai dǒ Kǎn PaPhuLǐ, Wein PeGe. Dò YoHa MaKũ swaĩpǎ anǎnthũ dò ceinblan dǒ Wein YeRuSyaLe. ¹⁴ Blǎnmè PǒLu dò BaNǎBa swaĩhtan bǎ Wein PeGe dò lai dǒ Kǎn PiCǐDǐYǎ, Wein ATi-Ò. Dò bǎ YũDaphao mǒnnũ cǎnsũ khǎ, anǎnthũ laihtan sanǎn àò bǎ YũDaphao tathabǎhyũn. ¹⁵ Dò bǎ pra lapra phahtan MoSyě tamālan dò pahwǐ tatyán htaũ khǎ, tathabǎhyũn khau daòtau tai PǒLu dò BaNǎBa, “Nathũ ba thayũ phĩkhauphĩ-ǎ pra bǎ ũ mè phĩkhauphĩ-ǎ da.”

¹⁶ Thanudò PǒLu sahtôn wǎnhtan acudeĩn dò tai, “Thapũwai ISaRĕLaphao dò pra cǒ mwaĩ YũDaphao mwaĩ bwaidau Bweca, nadeĩn khĩ tamangaǒ ka. ¹⁷ Pa ISaRĕLaphao aBweca rauhtan pa phũphĩ lǎniharu dò daô-ǎhtanrũhtan anǎnthũ swĩlǎn bǎ a-aò thamwai dǒ Kǎn IKyĩ khǎ. Htaũdò Bweca krauyaò makũ anǎnthũ dò daòswaĩhtan anǎnthũ dǒ Kǎn I Kyĩ. ¹⁸ Dò Bweca uraò anǎnthũ dǒ nein lwĩsũ akaũ bǎ anǎnthũ àò dǒ lõnmaiklaòkhau khǎ. ¹⁹ Dò Bweca daòmapĩ anǎnthũ pra nwaĩ myò àò bǎ sũkǎn KhaNan dò phĩnaũ krau anǎnthũ sũkǎn ũ ²⁰ dǒ nein lwĩya ngaĩsũ akaũ. Bǎnu htaũdò, Bweca phĩlan anǎnthũ praciranta taũlan dǒ pahwǐ SyaMoĕLa àòlaòhtan khǎ. ²¹ Dò naò khǎ, ISaRĕLaphao kwĩ cahwa lapra akhaucǎ, Bweca phĩ anǎnthũ dǒ BiYaMi swĩlǎn Ki phaokhaũ SǒLu. Dò painta ngĩ nein lwĩsũ. ²² Htaũdò, Bweca bwailan teĩn SǒLu dǒ cahwa kalǎn dò rauhtan plũ cahwa DaWĩ. Dò bakyǎdò cahwa DaWĩ arĩkaĩ nu Bweca tai tha-ũ, “*Khĩ usũ YeSyě phaokhaũ DaWĩ mwaĩ pra dǒ khĩ bathau bathá dò ka mata dǒ khĩ thayũ daòma pũraũ.*”

²³ Dò dǒ Cahwa DaWĩ swĩlǎn klǎ nu, Bweca daò-aòhtan YeSyũ dǒ ka htaicein ISaRĕLaphao cwaĩ ũlan yaǒ hǒ. ²⁴ Rĩdò YeSyũ lailan nu, prablõnsũ YoHa daòhtulanba ISaRĕLaphao pũpra cwaĩdò ka sanlanceinthá dò blõnsũ ngǎ.

²⁵ Dò bã YoHa mata naĩ htaũ khã dò tai, ‘Nathũ ĩ khĩ dò hõpã? Khĩ cõ mwaĩ pra mwaĩ nathũ aõhaũ lapra kõ. Pra mwaĩ nathũ aõhaũ ùpra ka lai dõ khĩ kakhyũn dò sĩ akhanpha pũ mè khĩ cõ kôn kwãkaĩ kõ.’ ²⁶ Thapũwaĩ ABraHan swĩlãn dò pra cõ mwaĩ YũDaphao mwaĩ bwaidau Bweca thũ õn, nadeĩn ka. Ta thonlaiba hõ pa, tahwãtangaõ bakyãdò tahtaicein nè. ²⁷ Pra aò dõ Wein YeRuSyaLe dò akhauna cõ theingã dõ YeSyũ mwaĩ prahtaiceinta kõ. Dò bã YũDaphao mõnnũ cãnsũ pũ sadĩ nu, anãnthũ phahtan Li Cãnsũ dõ pahwĩ tyan blãnmè anãnthũ cõ napau nukõ. Cwaĩdò pahwĩ tatai yaõ ka bãhtan bwaĩhtan angã mè anãnthũ ciranYeSyũ . ²⁸ Anãnthũ cõ usũ YeSyũ takamã laraũ raũ dõ ka mathũ nãn ngã blãnmè anãnthũ kwĩ prapainta PĩLa dõ ka mathũ nãn.

²⁹ Dò bã anãnthũ mabã mabwaĩ ta pũraũ cwaĩ pahwĩ tyan yaõ htaũdò philankaĩ YeSyũ dõ thõnhtwancaya lòn dò lũlan dõ lũkhau.

³⁰ Blãnmè Bweca daõthamyũnhtancein YeSyũ dõ tathũ ³¹ dò daũlaõhtan anãn dõ pralaiblon dò nãn cãhtan bã kãn GaLiLã taũdõ wein YeRuSyaLe lacũ. Dò anãnthũ mwaĩ aprakhanthã dõ prakũmaõ langã. ³² Dò kanaĩkhã pa lai taiba nathũ tathanaõthasaũ rĩkaĩ bakyãdò Bweca ũlan dò pa phũphĩ lãniharu. ³³ Dò mwaĩdõ adaõthamyũnhtancein YeSyũ akhaucã Bweca mabãhtan bwaĩhtan ata-ũlan yãlan dò pa dõ amwaĩ pa phã thũlhan swĩlãn nè. Cwaĩ Li Dahtõnhtan aklan dau nũ kaũ tai,

‘Na mwaĩ khĩ phaokhaũ

dò ũ ladaõ mè, khĩ htũhtan na phã hõ.’

³⁴ Dò Bweca daõthamyũnhtancein nãn dò cõ bwai nyũnthõn blan thã pè nãn kõ. ũ mè mwaĩ cwaĩ Bweca tai, ‘Cwaĩ khĩ macõn khĩ ta-

ǎlanyǎlan dò DaWī nu, khǐ ka cǒn dò nathǔ.’³⁵ Dò dǒ Li Dahtònhtan akaru laklan tai saô,

‘Na ka cǒ bwai nyûnthǒnkaǐ na pracǎnsǔ lapra anǎnkǒn.’

³⁶ DaWī mè, mata cwaǐ Bweca pranyaǒ hǒ dǒ pra lacaũhtein dò anǎn ngǎ. Dò bã athǔ khǎ, ngòn lûlan nǎn dǒ aphũphǐ lǔkhau dò anǎnkǒn thǒnkaǐ. ³⁷ Blǎnmè pra mwaǐ Bweca daôthamyũnhtancein lapra nu, anǎnkǒn cǒ thǒnkaǐ kǒ.

³⁸ Thanudò, thapũwaǐ thǔ ǒn, nathǔ kôn theingǎ ta dǒ pa taiba nathǔ nè. Mwaǐdǒ YeSyũ akhaucǎ, Bweca blailũ pa takhòwè.

³⁹ Mwaǐdǒ pa àomyũn macũ MoSyě tamǎlan akhaucǎ, htũhtan pracǒn cǒ da lapra lapra. Blǎnmè prayũ YeSyũ pũpra nu, Bweca bwaicǒn bwaicwan nǎn nè. ⁴⁰ Thanudò bwaithá cwaǐdò ta mwaǐ pahwǐ tai yaǒ ka cǒ htũhtan dò nathǔ ka. ⁴¹ Pahwǐ tai yaǒ tha-ũ,

‘Pranita ǒn, nadeǐn ka.

Nathǔ ka thaphrũ thakyaò dò ka thǔ.

Khǐ ka mata laraũ bã nathǔ caũ khǎ

dò pra lapra pra mwaǐ taiba

nathǔ bakyǎdò ta mwaǐ khǐ ma ũ

blǎnmè nathǔ ka cǒ yũ kǒ.’

⁴² Bǎ PǒLu dò BaNǎBa swaĩhtan dǒ YũDaphao tathabǎhyûn khǎ, pra àò bãnu kwĩcǎ anǎnthǔ, “Tarĩtakaǐ mwaǐ nathǔ taiba hǒ pa ũkaũ nu, khandhǎdǒn taiba thǎ pa htũ YũDaphao mǒnnũ cǎnsǔ naò sadĩ khǎ ka.” ⁴³ Dò bã pra pũpra swaĩhtan dǒ YũDaphao tathabǎhyûn khǎ, pra ǎpra cũlai PǒLu dò BaNǎBa. Pra ũkaũ mè mwaǐ YũDaphao dò pra cǒ mwaǐ YũDaphao blǎnmè anaũlan dǒ YũDaphao tabǎ. PǒLu dò BaNǎBa tai sankǎn anǎnthǔ dǒ ka àomyũn leĩn mǒ dǒ Bweca akyũ anibwan kaũ.

⁴⁴ Dò htũ YũDaphao mǝnnũ cǎnsũ naò sadĩ khǎ, pra aò dǝ wein kaũ ǎpra lai aòrũcòncũ cwaĩdò ka nahyũn Bweca hwǎngaǝ. ⁴⁵ Dò bã YũDa khauna usũ prakũmaǝ khǎ, anǎnthũ thácõnǎn dau akhaucǎ, anǎnthũ htandidò PǝLu atamangaǝ dò taikaĩ nǎn. ⁴⁶ Bǎnukhǎ PǝLu dò BaNǎBa mangaǝhtan khaũhaĩ dò tai, “Pa ba taiba rĩkaǝ nathũ tahwǎtangaǝ bakyǎdò YeSyũ arĩkaĩ blǎnmè nathũ cǝ phinaũ kǝ. Ũ mè mwaĩ nathũ ciran taǝ nathũ nǎn dǝ nathũ cǝ kôn dò tamyũn thaplaũthakhǎ nè. U ka, kanaĩkhǎ, pa ka lai taiba dǝ pra cǝ mwaĩ YũDaphao hè. ⁴⁷ Bweca mālan pa tha-ũ, ‘Khĩ daòhtũhtan na takhǎ dǝ pra cǝ mwaĩ YũDaphao angǎ, cwaĩdò pralau hankhauphao pũpra ka naũba tahtaicein nè.’ ⁴⁸ Dò bã pra cǝ mwaĩ YũDaphao nahyũn PǝLu atamangaǝ ũ khǎ, anǎnthũ thanaòthasaũ dau dò htònhtan Bweca hwǎngaǝ ũ. Dò pra cǝ mwaĩ YũDaphao dǝ Bweca rauhtan nǎn dǝ ka naũba tamyũnthaplaũ thakhǎ lahan htũhtan prayũ YeSyũ bǎnu. ⁴⁹ Thanudò, tathanaòthasaũ rĩkaĩ bakyǎdò **Tadau YeSyũ** ũ blailan dǝ kǎn ũ akaũ thadeĩba. ⁵⁰ Blǎnmè YũDaphao khauna swankamwai wein apradau dò pra cǝ mwaĩ YũDaphao pramu rĩdau mwaĩ abwaidau Bweca. Dò anǎnthũ phyǎn sǎrai PǝLu dò BaNǎBa htaũdò khlũswaĩ htankaĩ dǝ anǎnthũ kǎn. ⁵¹ Akhaucǎ, PǝLu dò BaNǎBa tai, “Pa sau lí hǝ dò nathũ hǝ,” tai htaũdò swaĩlai dǝ Wein IkoNĩ. ⁵² Blǎnmè pracũhtanphao aò bã Wein ATi-Ò ũkaũ aòbwaĩ dò tathanaòthasaũ dò Bweca Yaò Cǎnsũ.

14

PǝLu dò BaNǎBa bã Wein IkoNĩ

¹ Bǎ Wein IkoNĩ ũ nu, PǝLu dò BaNǎBa laihtan saò dǝ YũDaphao tathabǎhyũn dò daòhtulanta. Dò anǎnthũ tadaòhtulan mè rǎ mwaĩ raò akhaucǎ YũDaphao dò pra cǝ mwaĩ YũDaphao ǎpra yũ YeSyũ

mwaĩ Khri. ² Blănmè YŭDaphao mwaĩ acõ yŭ lahan swankamwai pra cõ mwaĩ YŭDaphao cwaĩdò ka aò dò thá dõ ka caka prayŭ YeSyŭ.

³ Blănmè PõLu dò BaNăBa aongĩ mõ bã Wein ũ akaũ dò taiba ngòn **Tadau YeSyŭ** arĩkaĩ khaũhaĩ. **Tadau YeSyŭ** daôma anănthŭ tamanăn ciklicingă dò tapròntapran ăraũ cwaĩdò ka daũlaõ dõ anănthŭ tatai bakyădò **Tadau YeSyŭ** kyŭnibwan ũ mwaĩ tamwaĩ tacõn angă. ⁴ Dò pra weinphao lanpha cŭ. Lahan mè aò dõ YŭDaphao ladeĩn dò lahan mè aò dõ pratadaôphao ladeĩn.

⁵ Bănukhă, pra cõ mwaĩ YŭDaphao, YŭDaphao dò akhauna bwailanthá dõ ka phyăn sărai dò hweithŭ PõLu dò BaNăBa dò lõn.

⁶ Blănmè PõLu dò BaNăBa theingă tarĩtakaĩ ũ akhaucă, swailai dõ Kăn LuKoNĩ bã Wein LŭTaRa, Wein DeBe dò akaphrĩkacòn. ⁷ Dò daòhtulan leĩn Bweca hwăngaõ bakyădò YeSyŭ arĩkaĩ.

PõLu dò BaNăBa bã Wein LŭTaRa

⁸ Dõ Wein LŭTaRa ũ prakhandeĩn cõ raò aò lapra. Akhandeĩn cõ raò lă a-aòlan khă akhaucă, atau cõ da. ⁹ Anăn sanăn aò nadeĩn PõLu atadaòhtulan. Dò PõLu ubyan năn dò theingă dõ a-aò dò tayŭ dõ aka haicein akhaucă, ¹⁰ “Sahtôn ka,” PõLu tai thakā năn. Dò thahwă anăn sahtôn dò khătau. ¹¹ Dò bã prakŭmaõ usŭ PõLu mata ũ khă, anănthŭ kākrihtan dõ LuKoNĩ atamangaõ, “U ka, bweca lahan laõhtan cwaĩ pralau kayăn dò laitaũ dõ pa wein kaũ hõ.” ¹² BaNăBa mè, anănthŭ kâ dò bweca Zŭ. Dò PõLu mè mangaõ ăkhlõn akhaucă, kâ dò bweca HeMe^f. ¹³ Dò Zŭ ataluhyŭn mè aò bã wein khădăndau hti. Dò mwaĩdõ Zŭ apraluta dau dò prakŭmaõ thayŭ luhtan ta dõ BaNăBa dò PõLu aò akhaucă, Zŭ apraluta dau philai paũphă lahan dò phaõkòn bã wein khădăndau hti.

f **14:12** HeMe Mwaĩ bweca dõ mangaõba bweca Zŭ.

¹⁴ Blănmè bă pratadaôphao BaNăBa dò PồLu theingă ta đố pra kũmaồ ma ta-ủ khă, anănthũ aikaĩ ahwăncein dò wailai đố prakũmaồ aò dò kăkrĩhtan, ¹⁵ “Kồ ngònraủ thũ, nathũ ma tha-ủ mară? Pa mwaĩ pralau kayăn cwaĩ nathũ nè. Pa lai taiba nathũ tathanaòthasaũ rĩkaĩ cwaĩdò nathũ ka bwaikaĩ tama kahôn dò blancein đố Bweca aò. Bweca mề mwaĩ Bweca đố amaủ, abaòlan maokhau, hankhau, sủtawadau dò ta aò đố akaủ pũraủ. ¹⁶ Tasaủkhă lă apwủn khă, Bweca bwai pramyồ pũmyồ đố ka mata cwaĩ anănthũ bathá. ¹⁷ Blănmè Bweca phĩlan swaĩsủ đố maokhau, daôphaồhtan thahtan taphaồ tatha đố akhein dò akhein, phĩlan nathũ ta-an ta-aồ dò ma bwai nathũ thá dò tathanaòthasaũ akhaucă, daũlaồhtan đố a-aò nè”. ¹⁸ Anănthũ kăkrĩhtan tha-ủ dò khran prakũmaồ pănyă pănsă cwaĩdò ka cồ luhtanta.

¹⁹ Blănmè YũDaphao aò bă Wein ATi-Ồ dò Wein IKoNĩ lai lahan nicwĩ prakũmaồ dò anănthũ hweĩ PồLu dò lôn. Dò ỉdò PồLu thũ hỏ akhaucă, cwĩhtankaĩ đố wein kwan. ²⁰ Dò bă pracũhtanphao lahan aòkhweĩreĩn năn khă, PồLu sahtôn dò ceinblan đố wein kaủ. Dò htũ naò ladaồ nu, anăn dò BaNăBa lai đố Wein DeBe.

PồLu dò BaNăBa rauhtan khauna

²¹ Bă PồLu dò BaNăBa aò đố Wein DeBe khă anănthũ daòhtulan tathanaòthasaũ rĩkaĩ dò pra ăpra yủ YeSyủ. Htaủdò anănthũ ceinblan thă đố Wein LũTaRa, Wein IKoNĩ dò Wein ATi-Ồ mwaĩ aò đố Kăn PiCiDĩYă. ²² Dò anănthũ phĩsaòhtan pracũhtanphao athá dò phĩkhauphĩ-ă anănthũ đố ka aòcein aòklôn leĩn đố atayủ kaủ. Dò anănthũ tai, “Pa kaba kon tasărai ăraủ cwaĩdò pa ka lainaủba đố *Bweca sủkăn* ngă nè.” ²³ Dò anănthũ rauhtan khauna đố ta-aòblon

pũmau kaũ aò dò takwĩthabă dò daũ ta-an ta-aỏ dò ālan dỏ anănthũ yũ Bweca lapra acudeĩn kaũ.

Taceinblan dỏ Kăn SĩRĩYă, Wein ATi-Ò

²⁴ Htaũdò PỏLu dò BaNăBa laikā Kăn PiCĩDĩYă dò lai dỏ Kăn PaPhuLĩ. ²⁵ Dỏ anănthũ daòhtulan tathanaòthasaũ rĩkaĩ bă Wein PeGe dò lailan dỏ Wein ATaLĩYă ²⁶ htaũdò daòhtan sũkhlaũ dau dò ceinblan dỏ Kăn SĩRĩYă Wein ATi-Ò. Wein ũwein mề mwaĩ kalăn dỏ ngaò kwĩthabăba anănthũ cwaĩdò Bweca kyũnibwan ka aò dò tama dỏ anănthũ ma htaũ hỏ ũkaũ ngă. ²⁷ Dỏ bă anănthũ ceintaũ dỏ Wein ATi-Ò khă, kă aòrũblon prayũ YeSyũ dò taiba ta dỏ Bweca ma hỏ ta dò anănthũ thamă thamă dò mỏnhtanba hỏ khlai dỏ pra cỏ mwaĩ YũDaphao ka yũ YeSyũ thamă thamă arĩkaĩ. ²⁸ Htaũdò anănthũ aòblon ngĩ dò pracũhtanphao bă Wein ATi-Ò ũ.

15

Ta-aòrũbloncũ bă Wein YeRuSyaLe

¹ Bănu saũkhă, pra aò bă Kăn YũDa lahan lai dỏ Wein ATi-Ò dò thwanlũ pra cỏ mwaĩ Yũdaphao mwaĩ prayũ YeSyũ tha-ũ, “Nathũ mwaĩ cỏ dũtũ nathũ taphai kană cwaĩ MoSyě tamālan nu, nathũ cỏ naũba tahtaicein kỏ.” ² Dỏ PỏLu dò BaNăBa lanhteĩncũ ngĩ dò anănthũ dỏ tarĩtakaĩ ũ. Htaũdò ta rauhtan PỏLu, BaNăBa dò pra karu lahan cwaĩdò ka lai dỏ Wein YeRuSyaLe dò lai u pratadaỏphao dò pradau prapră bakyădò tarĩtakaĩ ũ angă.

³ Thanudò, ta-aòblon daỏlai anănthũ dỏ Wein YeRuSyaLe. Bă anănthũ laikā PhoNĩSyă Khayain dò Kăn SyaMaRĩ khă nu, taiba pra aò bănu dỏ pra cỏ mwaĩ YũDaphao yũ YeSyũ thamă thamă arĩkaĩ. Dỏ prayũ YeSyũ pũpra thanaòthasaũ dau. ⁴ Dỏ bă anănthũ laitaũ Wein

YeRuSyaLe khă, ta-aòblonphao, pratadaôphao dò pradau prapră paõsaũkă mo anănthũ. Dò anănthũ taiba pra ũkaũ bakyădò Bweca mata dò anănthũ pũraũ thamă thamă arĩkaĩ.

⁵ Blănmè prayũ YeSyũ mwaĩ abakyădò PhaRiSyě gaĩn sahtôn dò tai, “Pra cõ mwaĩ Yũdaphao mwaĩ ayũ YeSyũ nu, kaba dũtũ ataphei kană dò kaba aòmỹũn macũ cwaĩ MoSyě tamălan nè.” ⁶ Akhaucă,

pratadaôphao dò ta-aòblon pradau prapră aòrũbloncũ dô tarĩtakaĩ ũ.

⁷ Dò bă anănthũ lanhteĩncũ bakyădò tarĩtakaĩ ũ ngĩ pè htaũ khă, PeTaRu sahtôn dò tai anănthũ, “Kõ thapũwaĩ thũ, nathũ theingă, lă rĩkhă nu Bweca rauhtan khĩ dô nathũ klă cwaĩdò ka daòhtulan tathanaòthasaũ rĩkaĩ dô pra cõ mwaĩ YũDaphao klă cwaĩdò anănthũ ka nahỹũn dò yũ YeSyũ ngă. ⁸ Dò Bweca mwaĩ atheingă pra pũpra thauthá nu, daũlaòhtan abathá pra cõ mwaĩ YũDaphao. Dò phĩ anănthũ Bweca Yaò Cănsũ cwaĩ aphĩ pa nè.

⁹ Akhaucă, pra cõ mwaĩ YũDaphao dò pa mè Bweca bwai cwaĩcũ. Mwaĩdõ anănthũ yũ Bweca akhaucă, Bweca ka maphu mablĩ anănthũ athauthá nè. ¹⁰ Dò tabwĩ tayaò htũ dô pa dò pa phũphĩ lă niharu yaò cõ kaũ nu, kanaikhă, nathũ daôyaò pra cõ mwaĩ YũDaphao mară? Ta-ũ mwaĩ nathũ matháhtan Bweca nè. ¹¹ Mwaĩdõ **Tadau YeSyũ** akyũnibwan akhaucă, pa yũ dò pa naũba tahtaicein cwaĩ anănthũ nè.

¹² Dò pra aò bănu pũpra, aòthuaòpran dò nadeĩn BaNăBa dò PõLu tatai bakyădò Bweca daôma anănthũ tamanăn ciklicingă dò tapròntapran thũlahan dô pra cõ mwaĩ YũDaphao aklă thamă thamă arĩkaĩ. ¹³ Dò bă anănthũ mangaõ htaũ khă, YaKo^s tai, “Kõ thapũwaĩ thũ, nadeĩn ka. ¹⁴ SĩMo PeTaRu tailaòhtan hõ tahtũhtan arĩkhaõ lablan bakyădò Bweca uraò pra cõ mwaĩ YũDaphao thamă dò

g **15:13** YaKo mè mwaĩ YeSyũ pũ dò mwaĩ pratyán Li YaKo lapra.

rauhtan anănthŭ đố ka htŭhtan apralau nè. ¹⁵ Ta ũ mwaĩ cwaĩ pahwĩ tatyān yaố tha-ũ,

¹⁶ Htŭ naòkhă, khĩ ka cein baòhtan raò DaWĩ căn^h lanpron
dò maraò ta acabya cakaĩ.

¹⁷ Pra cở mwaĩ YũDaphao ka kwan **Tadau.**

Pramyố karu pŭmyố mwaĩ khĩ kăhtan đố khĩ myan ka kwăn
Tadau.

¹⁸ Ũ mè mwaĩ Bweca tataitheingă saŭyaố lăniharu.”

¹⁹ Dò YaKo tai lei, “Thanudò, khĩ usũ đố pa cở kôn madidaòdidăn pra cở mwaĩ YũDaphao mwaĩ ablancein đố Bweca à kố. ²⁰ Pa kôn tyan theingăba anănthŭ li dò taiba anănthŭ đố ka cở an ta-an đố ngòn luhtan tayòntakan dò ka reĩ talankamā mukhaũ. Dò cở ba an thwĩ dò taphaotayũ đố ta caũthũ năn kố. ²¹ Marătaimè, ngòn phahtan hố MoSyě tamălan lăniharu bả YũDaphao mốnnũ cănsũ pŭ sadĩ đố YũDaphao tathabăhyũn dò ta daòhtulan năn đố wein pŭ wein kaũ hố.”

Tatyanli đố pra cở mwaĩ YũDaphao à

²² Bănu htaũdò, pratadaôphao, ta-aòblon pradau prapră dò ta-aòblonphao pŭpra htaô YaKo tamangaố dò rauhtan pra đố anănthŭ klă lahan đố ka thonlai blon PốLu dò BaNăBa đố Wein ATi-Ò. Dò rauhtan SĩLa dò YũDa mwaĩ ngòn kă năn dò BaSaBă. SĩLa dò YũDa mè mwaĩ pra htŭ khau đố anănthŭ klă. ²³ Dò thonlai li đố anănthŭ tyan tha-ũ, “Kố thapŭwaĩ à bả Wein ATi-Ò, Kăn SĩRĩYă dò Kăn KiLiKĩYă, nathũ mwaĩ pra cở mwaĩ YũDaphao đố htŭhtan pa thapŭwaĩ đố yŭ YeSyũ akhaucă, pa, pratadaôphao dò ta-aòblon pradau prapră mangaố raốrĩ nathũ. ²⁴ Pa nahyũn pra đố pa klă lahan,

h **15:16** DaWĩ căn thayũtai Dawĩ dò aswĩlăn tapaố sũkăn.

lai mangaõ didaodidăn nathũ dò magwaô nathũ blănmè pra ũkaũ nu cõ mwaĩ pa daôlai kõ. ²⁵ Akhaucă, pa htaôcũ dò rauhtan pra lahan mwaĩ pa thapũwaĩ dõ pa batha BaNăBa dò PõLu dò daôlai dõ nathũ aò. ²⁶ Anănthũ mè mwaĩ pra phîlan tháthamyũn dõ **Tadau YeSyũ** Khrĩ angă. ²⁷ Dò pa daôlai YũDa dò SîLa dõ ka taiba nathũ tarítakaĩ lamyantein dò pa tyan nè. ²⁸ Bweca Yaò Cănsũ bathá dò pa bathá saô dõ pa cõ kôn ma ähtan tabwî tayaõ htũ dõ nathũ nănkhou, blănmè nathũ ba ma tamălan aò dõ kală ũkaũ. ²⁹ Tamălan ũkaũ mè mwaĩ, cõ ba an ta-an mwaĩ ngòn luhtan tayòntakan, thwî dò taphaotayũ dõ ta caũthũ năn. Dò reĩ talankamă mukhaũ ka. Nathũ mwaĩ ma tha ũ mè, mwaĩ nathũ mata akôn aba nè. Taraõrĩ kaba nathũ saôka.”

³⁰ Dò bã pra mwaĩ ngòn daôlai năn ũkaũ laitaũ dõ Wein ATi-Ò khă, anănthũ kă aòrũblon prayũ YeSyũ dò phîlan li dõ anănthũ philai.

³¹ Dò bã anănthũ phahtan li ũ khă, anănthũ thanaòthasaũ dau dõ tataisankăn anănthũ. ³² Cwaĩ YũDa dò SîLa mwaĩ pahwĩ nu, anănthũ taisankăn dò phíkhauphĩ-ă prayũ YeSyũ dõ tamangaõ ämwăn. ³³ Dò anănthũ aò bănu lacũ htaũdò prayũ YeSyũ ũkaũ daôcein anănthũ mo mo cwaĩdò ka ceinblan dõ pra daôlai anănthũ aò. ³⁴ (Blănmè SîLa bwailanthá dõ aka aòkaĩ bã Wein ATi-Ò ũ.) ³⁵ Mwaĩ PõLu dò BaNăBa nu, aòkaĩ leĩn bã Wein ATi-Ò dò anănthũ dò pra karu äpra daòhtulan bloncũ tathanaòthasaũ rĩkaĩ bakyădò **Tadau YeSyũ**.

PõLu talai nũ blan lablan

PõLu dò BaNăBa lanphácũ

³⁶ Cõyũ cõngĩ dò, PõLu tai BaNăBa, “Pa ka lai aòrũblan prayũ YeSyũ aò dõ wein pũwein kaũ bã pa kalăn daòhtulan tathanaòthasaũ rĩkaĩ bakyădò **Tadau YeSyũ** cwaĩdò pa ka theingă anănthũ ta-aòmyũn ma

thamă pè.”³⁷ Dò BaNăBa mề thayŭ kălai blon leĩn YoHa MaKŭ.

³⁸ Blănmề mwaĩdŏ YoHa MaKŭ swaĩpa hŏ anănthŭ bă Kăn PaPhuLĩ dŏ cŏ makŭ leĩn anănthŭ tama akhaucă PŏLu nithŭ dŏ cŏ kôn kă pè anăn kŏ. ³⁹ Thanudò PŏLu dŏ BaNăBa mangaŏ-ăcŭ dŏ tarîtakaĩ ũ dŏ naòdwankhă, anănthŭ lanphácŭ hè. Dò BaNăBa kă YoHa MaKŭ dŏ daò lai sŭkhlaŭ dau dŏ khŏnsŭkhau KŭPrŭ.

PŏLu dŏ SĭLa tataiba Wein YeRuSyaLe ta-aòblon taciran rĭkaĩ

⁴⁰ Mwaĩ PŏLu nu, rauhtan SĭLa. Dò prayŭ YeSyŭ bănu kwĭthabă dŏ Bweca akyŭnibwan ka aò dŏ anănthŭ htaŭdò anănthŭ swaĩhtan bănu ⁴¹ dŏ kălai Kăn SĭRĭYă dŏ Kăn KiLiKiYă. Dò anănthŭ phĭkhau phĭ-ă, macein maklôn ta-aòblon ũkaŭ bănu.

16

¹ Htaŭdò, PŏLu dŏ SĭLa laitaŭ dŏ Wein DeBe dŏ LŭTaRa. Bă Wein LŭTaRa ũ pracŭhtanphao myan TiMoThe aò la pra. Amaŏ mwaĩ YŭDaphao mwaĩ ayŭ YeSyŭ blănmề aphă cŏ mwaĩ YŭDaphao kŏ.

² Pracŭhtanphao aò bă Wein LŭTaRa dŏ IKoNĭ tai dŏ TiMoThe mwaĩ pra raò lapra.^{i 3} Dò PŏLu thayŭ kătau blon năn. Blaŭmề, YŭDaphao aò bănu pŭpra theingă TiMoThe aphă mwaĩ Grĭphao akhaucă, PŏLu dŭtŭ TiMoThe ataphei kană. ⁴ Dò bă PŏLu, SĭLa dŏ TiMoThe laitaŭ wein lawein htaŭ lawein khă, taiba prayŭ YeSyŭ dŏ tamălan athŭ mwaĩ pratadaôphao dŏ ta-aòblon pradau prapră bwailan bă Wein YeRuSyaLe. ⁵ Bănukhă, ta-aòblon ũkaŭ atayŭ YeSyŭ saòhtan dŏ prayŭ YeSyŭ ăhtanrŭhtan pŭdaŏ.

PŏLu aò dŏ ta-usŭ bă Wein Tro-A

i **16:2** Wein LŭTaRa mề aò dŏ Wein IKoNĭ abalan lapá dŏ aòcôncŭ main nŭsŭ hŏ.

⁶ PǒLu dò angòn laikā Kǎn PhruKĭYǎ dò KaLaTĭ . Blǎnmè Bweca Yaò Cǎnsǔ khran anǎnthǔ dǒ ka cǒ daòhtulan bǎ Kǎn ASĭYǎ kaũ. ⁷ Dò bǎ anǎnthǔ laitaũ phyûn Kǎn MuThĭYǎ khǎ, maywǎn cwaǐdò ka laiba dǒ Kǎn BiThuNĭYǎ. Blǎnmè YeSyũ Yaò Cǎnsǔ khran anǎnthǔ. ⁸ Thanudò, anǎnthǔ kǎlai Kǎn MuThĭYǎ dò lailan dǒ Wein Tro-A. ⁹ Dò bǎ mǒnna khǎ, PǒLu usũ ta-usũ dǒ Wein MaKeDǒNĭYǎphao lapra sahtôn dò kwĭcicǎ nǎn, “Khanthadǒn laikā dǒ Kǎn MaKeDǒNĭYǎ dò makũ saò pa ka” . ¹⁰ PǒLu usũ ta-usũ ũ htaũdò pa theingǎ ywǎn ywǎn dǒ Bweca kǎhtan pa dǒ kaba daòhtulan tathanaòthasaũ rĭkaĭ bǎ Kǎn MaKeDǒNĭYǎ, akhaucǎ pa pran dǒ ka lai bǎnu lablanhtein.

LuDĭ yũ YeSyũ

¹¹ Dò pa daòhtan sũkhlaũ dau bǎ Wein Tro-A dò lai dǒ khǒnsũkhau SuMoThaRĭKĭ. Dò htũ naò ladaǒ khǎ, pa laitaũ dǒ Wein NaPǒLi.

¹² Htaũdò, pa tau dǒ khǒn khau dò lai bǎ Wein PhĭLĭPi ^j. Wein ũ àò dǒ RǒMe tapain kalǎ dò mwaĭ wein arĭdau lawein dǒ Kǎn MaKeDǒNĭYǎ. Dò pa àò bǎ wein ladaǒ nũ daǒ. ¹³ Dò bǎ YũDaphao mǒnnũ cǎnsũ khǎ, pa nithũ dǒ ka usũba kalǎn thabǎ^k bǎ sũlaǒ phrĭ akhaucǎ, pa swaĭhtan dǒ wein kwan dò lai bǎnu. Dò bǎnu, pa usũ pramu lahan aòrũbloncũ dò pa sanǎn àò mangaǒta dò anǎnthǔ. ¹⁴ Dò dǒ pra nadeĭn ta aklǎ, pramu myan LuDĭ àò la pra. Anǎn àò dǒ Wein Thu-ATĭRa dò amakũmakǎ tayǎ ngaudau. Anǎn mwaĭ pra thabǎhtan Bweca dò Bweca daòtheingǎ napau nǎn dǒ ka yũ PǒLu tamangaǒ.

¹⁵ Thanudò anǎn dò ahyûnphao phǎnphao blǒnsũ. Htaũdò, kǎmo pa

j 16:12 Wein NaPǒLi dò Wein PhĭLĭPi àò àòcòncũ main lasũ.

k 16:13 kalǎn thabǎ YũDaphao rĭdò anǎnthǔ thabǎ mè, cǎnblĭ cudeĭn akhaucǎ, bǎ anǎnthǔ tathabǎhyûn cǒ àò kalǎn nu, laicòncũ dǒ sũlaǒ phrĭ dǒ ka thabǎ ngǎ.

dõ ka laili dõ ahyûn. Dò kwĩcicã pa, “Nathũ mwaĩ bwai khĩ cwaĩ prayũ YeSyũ ywãn ywãn nu, lai aò saô dõ khĩ hyûn ka.” Anãn kã pa taũ pa cũ nãn.

PõLu dò Sĩa ba aò dõ htòn kaũ

¹⁶ Bã Wein PhĩLĩPi ũ, cwãn pramuphao aò lapra. Pramuphao ũ tasûtanã daò nãn dò tai yaõ ta ka htũhtan cũlangã dò manaũ dau rwãn dõ abweca thũlahan ngã. Ba la daõ, bã pa lai dõ kalãn thabã khã, pa nikãsaũ nãn. ¹⁷ Dò anãn cũhtan PõLu dò pa dò kãkrĩhtan, “Kõ, pra ũkaũ mè mwaĩ Bweca krauyaò dau khlõn lapra akhĩpra dò ka taiba nathũ dõ Bweca ka htaicein nathũ thamã thamã arĩkaĩ nè.”

¹⁸ Pramuphao ũ cũ dò kãkrĩ, kãkrĩ cwaĩ tha-ũ lacũ akhaucã, PõLu thãdidaodidãn dau. Dò PõLu blancein, “Dõ *YeSyũ Khrĩ* amyan, khĩ mãlan na, swaĩhtankaĩ dõ pramuphao ũ akaũ ka,” anãn tai tasûtanã dò lablanhtein, tasûtanã swaĩhtankaĩ.

¹⁹ Dò bã pramuphao ũ abweca ũkaũ theingã akalãn manaũ rwãn cõ aò pè khã, cyan PõLu, Sĩa dò cwĩtau dõ taciran kalãn bã prapainta ũkaũ aò dò tai, ²⁰⁻²¹ “Pra ũkaũ mè madidaodidãn bã pa wein kaũ dò thwanlũ htandidò RõMe tamãlan. Dò pa aòmỹũn macũ atathwanlũ cõ da kõ.” Pramuphao abweca ũkaũ taiba prapain wein ũkaũ.

²² Pra ãpra htandidò PõLu dò Sĩa blon dò anãnthũ. Dò prapain wein ũkaũ mãlan dõ ka aikaĩ PõLu, Sĩa hwãncein dò teĩn anãnthũ.

²³ Teĩnsã anãnthũ htaũdò saulan dõ htòn kaũ. Dò mãlan htòn khau dõ ka paõcein raò PõLu dò Sĩa. ²⁴ Dò htòn khau ũ ma cwaĩ anãnthũ mãlan dò saulan PõLu dò Sĩa dõ htòn akaũ khlõn ladaò dò klõncein anãnthũ khandeĩn.

²⁵ Dò bã mõn cakũ na khã, PõLu dò Sĩa kwĩthabã dò thapaõ htònhtan Bweca. Dò pra aò bã htòn kaũ nadeĩn anãnthũ tathapaõ.

²⁶ Bănukhă, hankhau kakhyaô dau khyaò dò htòn kakhyaô laô lama taũdô akăndă. Dò htòn kadăn pŭba mŏnhtan lablanthein dò pŭhta aò dŏ htònphao pŭpra lòn cablukaĩ laô. ²⁷ Dò bă htòn khau ũ khyaòhtan dò usŭ htòn kadăn camŏnkaĩ pŭba khă, anĭthŭ htònphao swaĩkaĩ laô hŏ. Akhaucă, baihtan aniseĩn dŏ ka mathŭ taô anăn. ²⁸ Blănmè PŏLu kăkrĭhtan, “Cŏ mathŭ taô na năn ka. Pa aò bă-ũ laô pŭpra nè.” ²⁹ Dò htòn khau ũ kwĭ mĭhtŏn dò naũlan phraĩ dŏ htòn kaũ aò dò tathahwathadei dau dò htukanwaĩlan dŏ PŏLu dò SĭLa langă. ³⁰ Htaũdò, kăhtan PŏLu dò SĭLa dŏ htòn kwan dò tai anănthŭ, “**Tadau** thŭ ŏn, cwaĩdò khĭ ka pwŭnblu dò taciran mè, khĭ kŏn ma tară?” ³¹ Dò anănthŭ taicein, “Cwaĩdò na dò na hyŭnphao phănp hao ka pwŭnblu dò taciran nu, yŭ YeSyŭ ka.” ³² Htaũdò PŏLu dò SĭLa daòhtulanba anăn dò pra aò dŏ ahyŭn kaũ pŭpra dŏ tathanaòthasaũ rĭkaĩ bakyădò **Tadau YeSyŭ**. ³³ Dò bă-ũ mŏnna khă, htòn khau ũ kătau PŏLu dò SĭLa, dò cănbliĭba anănthŭ takeĩ, htaũ anăn dò ahyŭnphao phănp hao pŭpra blŏnsŭ lablanhtein. ³⁴ Htaũdò, kăcein PŏLu dò SĭLa dŏ ahyŭn dò phĭ-an phĭ-aô anănthŭ. Dò mwaĩdŏ anăn dò ahyŭnphao phănp hao yŭ hŏ Bweca akhaucă anănthŭ thanaòthasaũ dau.

³⁵ Htŭ naò laraò khă, prapain wein ũkaũ daôlai yŏ lahan dŏ htònkhu aò cwaĩdò ka blailŭkaĩ PŏLu dò SĭLa. ³⁶ Akhaucă, htònkhu tai PŏLu, “Prapain ta ũkaũ mălan dŏ kaba blailŭkaĩ na dò SĭLa akhaucă, swaĩhtan dò tauba raò raò ka.” ³⁷ Blănmè PŏLu taicein yŏ ũkaũ, “Pa mwaĩ RŏMe sŭkănp hao. Pa cŏ ma takamă laraũ raũ blănmè anănthŭ teĩn pa dŏ prakŭmaô langă, htaũdò saulan pa dŏ htòn kaũ. Dò kanaĩkhă, anănthŭ thayŭ daôswaĩhtan hu pa. Pa cŏ swaĩ kŏ. Daôlitaũ prapain wein ũkaũ dŏ ka blailŭkaĩ pa ka.” ³⁸ Dò yŏ ũkaũ cein taiblan PŏLu tamangaô dŏ prapain wein aò dò bă anănthŭ

nahyũn dõ PõLu dò Sĩa mwaĩ RõMe sũkãnpħao khã, tharõn thahwa dau. ³⁹ Akħaucã, anãnthũ lai kwĩcicã PõLu dò Sĩa htaũdò thonhtan dõ htòn kwan dò kwĩcicã dõ ka swaĩhtankaĩ bã Wein PhĩLĩPi. ⁴⁰ Dò PõLu dò Sĩa swaĩhtan dõ htòn kwan htaũdò lai dõ LuDĩ hyũn. Dò bãnu, anãnthũ dò prayũ YeSyũ usũcũ dò phĩkħauphĩ-ã prayũYeSyũ. Htaũdò swaĩtau dõ wein karu.

17

Tadaòhtulan bã Wein TheSaLaNĩ

¹ PõLu dò angòn kãlai Wein APhiPõLi dò APoLoNĩYã dò anãnthũ laitaũ dõ Wein TheSaLaNĩ. Dò bã-ũ nu YũDaphao tathabãhyũn àò lama. ² Dò PõLu htan dõ YũDaphao tathabãhyũn kaũ cwaĩ ahtõn àò. Dò YũDaphao mõnnũ cãnsũ nu, taiprwaĩba prakũmaõ bakyãdò Li Cãnsũ tatyã thyũn sadĩ kalãn. ³ Dò tailaõhtan ***Khrĩ, prakahtũtadau*** kaba konba khanba ta dò ka thamyũnhtancein dõ tathũ. Dò bã PõLu taiba anãnthũ, “YeSyũ mwaĩ khĩ daòhtulanba nathũ arĩkaĩ ũpra nu, mwaĩ ***Khrĩ, prakahtũtadau*** nè. ⁴ Dõ aklã YũDaphao lahan yũ PõLu tamangaõ dò cũhtan YeSyũ cwaĩ PõLu dò Sĩa. Grĩphao mwaĩ abwaidau Bweca ãpra dò pramu dõ arĩdau cũhtan saõ YeSyũ cwaĩ PõLu dò Sĩa. ⁵ Blãnme YũDaphao ãpra thãcõnãn anãnthũ akħaucã, kãrũblon prakarãnkata àò bã khlai khau khlai lòn lahan cwaĩdò wein lawein dau ka caka PõLu dò Sĩa. Dò anãnthũ naũ kwan PõLu dò Sĩa bã YãSò hyũn cwaĩdò ka cwĩhtan dõ prakũmaõ langã. ⁶ Blãnme mwaĩdõ anãnthũ kwan cõ laõ akħaucã, anãnthũ cwĩhtan YãSò dò prayũ YeSyũ lahan bã prapain wein àò dò kãkrĩhtan, “Pra ũkaũ nu madidaòdidãn ta dõ kalãn pũkaũ nè. Kanaĩkhã, alaitaũ dõ pa wein kaũ hõ. ⁷ Pra kã àò anãnthũ dõ ahyũn mwaĩ YãSò . Dò anãnthũ pũpra

mè htandidò RõMe cahwa dau atamālan dò tai dõ acahwa dau karu aò lapra. Amyan mwaĩ YeSyũ nè.”⁸ Dò bã prapain wein ũkaũ dò pra lai aòrũcòn bãnu nahyũn tamangaõ ũ khã, anãnthũ thádidaodidãn dau.⁹ Prapainta kwĩblai YaSò dò prayũ YeSyũ htaũdò bwaicein anãnthũ.

Wein BeRĩYãphao yũ YeSyũ

¹⁰ Lablanhtein bã mõnna khã, prayũ YeSyũ thonlai PõLu dò SĩLa taũdõ Wein BeRĩYã . Dò bã anãnthũ laitaũ khã laihtan dõ YũDaphao tathabãhyũn.¹¹ Dò pra aò bã Wein BeRĩYã ũkaũ mè, atabwait hau bwait há raò khlõndò pra aò bã Wein TheSaLaNĩ. Anãnthũ mè nadeĩn Bweca hwãngaõ dõ tathau-aò thá-aò akaũ. Dò anãnthũ malũ Li Cãnsũ tatyau ladaõ htaũ ladaõ cwaĩdò ka theingã PõLu tamangaõ tũ cõ tũ.¹² Akhaucã, YũDaphao ãpra yũ YeSyũ dò Grĩphao pramu mwaĩ arĩdau ãpra dò Grĩphao prakhaũ ãpra yũ saõ YeSyũ.¹³ Blãnmè bã YũDaphao aò dõ Wein TheSaLaNĩ nahyũn PõLu daòhtulan Bweca hwãngaõ bã Wein BeRĩYã khã, anãnthũ laihtan bã Wein BeRĩYã dò swankamwai prakũmaõ dõ ka matahtaõ tahtwãn ta.¹⁴⁻¹⁵ Dò bãnu, prayũ YeSyũ lahan thonswaihtan cõn PõLu dõ sũtawad au lablanhtein dò lai leĩn dõ Wein AThe. SĩLa dò TiMoThe mè aòkaĩ bã Wein BeRĩYã akhaucã, rĩdò pra thonswai PõLu ũkaũ ceinblan dõ Wein BeRĩYã khã nu, PõLu mácein anãnthũ dõ ka cein taiba SĩLa dò TiMoThe cwaĩdò ka lai phraĩ bã a-aò.

PõLu bã Wein AThe

¹⁶ Dò bã PõLu aòhaũ SĩLa dò TiMoThe bã Wein AThe khã, mwaĩdõ a-usũ tayòntakan aò-ã akhaucã, athápla dau.¹⁷ Thanudò, anãn lai dõ YũDaphao tathabãhyũn dò mangaõ blon ta dò YũDaphao dò pra cõ mwaĩ YũDaphao dõ bwaidau Bweca. Dò PõLu lai dõ klã kaũ pũdaõ

pũdaǎ ðò mangaǎ blon ðò pra mwaǐ a-usũ. ¹⁸ ðò ðǎ aklǎ lahan mè pra nithũ nihwĩta àò nũ mau. Lamau mè ĚPiKũRũphao ðò lamau mè SaTǎEphao. ðò bã anǎnthũ mangaǎ-ǎ ðò PǎLu htaũkhǎ, lahan tai “Anǎn mwaǐ pra kahǎn ðò taibe yaũ ta.” ðò mwaǐðǎ PǎLu daòhtulan YeSyũ rĩkaǐ ðò tathamyũnhtancein rĩkaǐ akhaucǎ, pra karu lahan tai, “Anǎn tai bakyǎðò sũkǎn karu abweca rĩkaǐ nè.”

¹⁹ Thanudò, anǎnthũ kǎhtan PǎLu ðǎ wein kònci kalǎn aòrũbloncũ ðǎ kũ AREPaGu. ðò tai PǎLu, “Pa thayũ theingǎ na tathwanlũ athũ ðǎ pa cǎ nahyũnba mǎ lakhan lakhan. ²⁰ Na tathwanlũ mwaǐ taciklicingǎ ðò pa thayũ theingǎ atathayũtai mwaǐ tarǎ.” ²¹ Anǎnthũ tai tha-ũ, marǎtaimè Wein AThephao ðò pra cǎ mwaǐ Wein AThephao lahan malaǎ tasaũkhǎ ðǎ tamangaǎ bloncũ ðò nadeĩn tarĩtakaǐ athũ mwaǐ a-aòhtan akhaucǎ lò.

²² Thanudò, PǎLu sahtôn ðǎ wein kònci langǎ ðò tai, “Wein AThephao ǎn, khĩ usũ nathũ bwaidau raò tabǎ ðǎ ta pũraũ akaũ. ²³ Bǎ khĩ tauli ðǎ nathũ tathabǎ kalan bã wein kaũ khǎ, khĩ usũ talu kalǎn lakaũ kakhau nu takrailan, ‘Bweca mwaǐ pa cǎ theingǎ lapra angǎ’. Akhaucǎ, kanaĩkhǎ, khĩ ka taiba nathũ, Bweca ðǎ nathũ thabǎhtan ðò cǎ theingǎ lapra arĩkaǐ nè. ²⁴ Bweca ũ baòlan hankhau ðò ta-aò ðǎ akaũ pũraũ. ðò mwaǐ hankhau ðò maokhau aBweca ðò cǎ àò bã taluhyũn ðǎ pralau baò ðò cudeĩn akaũ kǎ. ²⁵ Mwaǐðǎ anǎn phĩlan pra pũpra ðǎ tháthamyũn, tathacein thalai taghũ ðò ta pũraũ akhaucǎ, anǎn cǎ lo ðǎ pralau ka maba nǎn ta laraũ raũ kǎ. ²⁶ ðǎ pralau lapra nu, Bweca daòhtũhtan pramyǎ ǎmyǎ ðò daô-aò anǎnthũ ðǎ hankhau kalǎn pũ kaũ. ðò Bweca bwaiyaǎ pramyǎ ǎmyǎ ũkaũ kalǎnkaba ðò tasaũkhǎ ðǎ aka àò ngǎ. ²⁷ Bweca mata tha-ũ mwaǐ cwaǐðò pralau ka kwan nǎn. ðò bacǎba pa mwaǐ kwan nu, pa ka usũ nǎn. Mwaǐ tai tha ũ blǎnmè Bweca cǎ aòyũ ðò pa kǎ. ²⁸ Mwaǐðǎ

Bweca akhaucă, pa aòmÿũnba, pa khyaôrai da dò pa maba ta. Cwaĩ pratyani kakõn tai, “Pa mwaĩ aphao lò”.²⁹ Dò pa mwaĩ Bwecaphao akhaucă, pa cõ ră nithũ dõ Bweca thalyũndò tayòntakan dõ pralau ma dò htũ, rwăn, lõn cwaĩ atatheikhau theingă kõ.³⁰⁻³¹ Bweca aò dò tasaũkhă dõ ka ciran pralau hankhauphao cõn cõn. Dò arauhtan pra lapra dõ ka ciranta. Dò Bweca daôthamyũnhtancein hõ năn cwaĩdò pra pũpra ka theingă anăn mwaĩ praciranta. Lă apwũn bã pralau cõ theingă mõ Bweca khă, Bweca utalu ta blănmè kanaĩkhă, Bweca mālān pra aò dõ kalān pũkaũ ka sanlanceinthá.”

³² Bă kònciphao nahyũn PõLu tatai bakyădò tathamyũnhtancein dõ tathũ khă, pra lahan thangă năn blănmè akaru lahan tai, “Bă naò khă, pa thayũ nahyũn mõ tarĩtakaĩ mwaĩ na tai ũ.”³³ Akhaucă, PõLu swaĩhtan dõ kònciphao aklă.³⁴ Blănmè pra lahan cũhtan PõLu dò yũ YeSyũ. Dõ aklă nu, kònciphao Da-ONũCi, pramu mwaĩ amyan DaMaRĩ dò pra karu pá saô.

18

PõLu aò bã Wein KoRinThu

¹ Bănu htaũdò, PõLu swaĩhtan dõ Wein AThe dò laitaũ bã Wein KoRinThu .² Bănu, anăn usũ pra thamă thawa laphau. Awa myan mè AKũLa dò amă myan mè PriSaKĩLa. AKũLa mwaĩ YũDaphao dõ aòlan bã Kăn PòTu. Dò mwaĩdõ RõMe cahwa dau KlòDĩ mālān dõ YũDaphao pũpra ba swaĩhtankaĩ dõ Wein RõMe kaũ akhaucă, anănthũ swaĩhtan dõ Kăn ITaLiYă dò lai aò bã Wein KoRinThu ũ cõ ngĩ mõ kõ.³ Anănthũ mwaĩ prasacăn cwaĩ PõLu akhaucă, PõLu lai aòblon, mablon dò anănthũ.⁴ Dò bã YũDaphao mõnnũ cãsũ pũ sadĩ

nu, PǒLu laihtan dǒ YǔDaphao tathabǎhyûn. Dò anǎn mangaǒ blon, dò nicwî YǔDaphao dò pra cǒ mwaǐ YǔDaphao dǒ ka yǔ YeSyǔ.

⁵ Bǎ SǐLa dò TiMoThe à dǒ Kǎn MaKeDǒNǐYǎ laitaǔ khǎ, PǒLu phîlan asaǔkhǎ laǒlǎn dǒ tadaòhtulan dò takhanthá bǎ YǔDaphao langǎ dǒ YeSyǔ mwaǐ *Khrî, prakahtǔtadau*. ⁶ Blǎnmè YǔDaphao htandidò dò taikaǐ nǎn. Thanudò, PǒLu blantakhaǒ anǎn htaǔ karǔlan ahwǎncein dò tai, “Khǐ saulǐ dò nathǔ hǒ¹. Kanaǐkhǎ, khǐ ka tau daòhtulanba dǒ pra cǒ mwaǐ YǔDaphao.”

⁷ Htaǔdò, PǒLu swaǐhtan bǎ YǔDaphao tathabǎhyûn dò lai dǒ TǐTu YǔStu hyûn. TǐTu YǔStu mwaǐ pra cǒ mwaǐ YǔDaphao dǒ thabǎhtan Bweca dò ahyûn à bǎ YǔDaphao tathabǎhyûn hti. ⁸ YǔDaphao tathabǎhyûn khau KhrǐSaPho dò ahyûnphao phǎnphao pǔpra yǔ YeSyǔ. Dò Wein KoRinThuphao ǎpra mwaǐ anahyǔn PǒLu tamangaǒ nu, yǔ YeSyǔ dò blǒnsǔ.

⁹⁻¹⁰ Ba lana, Bweca mangaǒ dò PǒLu dǒ ta-usûyaǒ tha-ǔ, “Cǒ tharǒn ka. Khǐ à dò na dò pra makarǎn na cǒ da lapra lapra kǒ. Dò bǎ wein kaǔ ǔ, khǐ pra à ǎpra akhaucǎ, daòhtulan leǐn ta dò cǒ àòthu ka.”

¹¹ Thanudò, PǒLu à bǎ Wein KoRiThu lanein dò sǔ lǎ dò thwanlǔ ngòn Bweca hwǎngaǒ.

¹² Bǎ RǒMe pradau GaLiYo pain Kǎn AKhǎYa khǎ, YǔDaphao àòrǔbloncǔ dò lai cyan PǒLu. Dò anǎnthǔ cwîhtan PǒLu dǒ kalǎn ciran ¹³ dò tai, “Pra ǔpra nicwî prakǔmaǒ cwaǐdò ka thabǎhtan aBweca dò makaǐ RǒMe tamālan nè.” ¹⁴ Dò bǎ PǒLu naǐ taiceinblan anǎnthǔ khǎ, RǒMe apradau GaLiYo tai YǔDaphao, “Tarîtakaǐ ǔ, ba mwaǐ rǎn takamā dau dò takeī talaò mè, khǐ ka nadeǐn nathǔ tabwai
1 **18:6** Dǒ Li Cǎnsǔ tatyān kahti mè mwaǐ, ‘thwî à dǒ nathǔ khauklao khau,’ atathayǔtai mwaǐ, ‘Bweca ba ciran nathǔ mè cǒ bakyǎ pè dò khǐ laraǔ raǔ pè.’”

takamā dǒ anǎn khau. ¹⁵ Blǎnmè nathǔ lanhteĩncǔ yaǔ bakyǎdò nathǔ YuDaphao tamālan dǒ tarĩtakaĩ karu akhaucǎ, ciran taǒ nathǔ ta ka. Khĩ cǒ thayǔ ciran kǒ.” ¹⁶ Dǒ khlǔswaĩkaĩ YǔDaphao ũkaǔ dǒ taciran kalǎn. ¹⁷ Dǒ ngòn cyan YǔDaphao tathabǎhyûn khau SǒSaTeNe dǒ teĩn nǎn bǎ taciran kalǎn. Blǎnmè RǒMe apradau GaLiYo cǒ bwaithau bwaithá dǒ tarĩtakaĩ ũ kǒ.

PǒLu taceinblan dǒ Wein ATi-Ò

¹⁸ PǒLu aǒblon htein dǒ prayǔ YeSyǔ bǎ Wein KoRinThu lacǔ dǒ mangaǒ raǒrĩ anǎnthǔ htaǔ kǎ PriSaKĩLa dǒ AKǔLa dǒ lai dǒ Kǎn SĩRĩYǎ. Dǒ bǎ anǎnthǔ laitaǔ Wein KeHaRĩYǎ ^m khǎ, PǒLu rĩthalǎn akhaukloaⁿ mwaĩdǒ a-aò dǒ ata-ŭlanyǎlan akhaucǎ. ¹⁹ Blǎnmè bǎ anǎnthǔ taǔ Wein ĚPhěSu khǎ, PǒLu daô-aòkaĩ PriSaKĩLa dǒ AKǔLa bǎ wein ũ akaǔ. Mwaĩ anǎn mè, alaihtan dǒ YǔDaphao tathabǎhyûn dǒ mangaǒ blon ta dǒ YǔDaphao. ²⁰ Dǒ anǎnthǔ kwĩcicǎ PǒLǔ dǒ ka aòngĩ blon dǒ anǎnthǔ blǎnmè PǒLǔ cǒ ũlan kǒ. ²¹⁻²² Blǎnmè rĩdǒ PǒLu swaĩhtan mè, tai anǎnthǔ, “Bweca tathayǔ ba aò mè, khĩ ka ceinblan mǒ dǒ nathǔ aò.” Htaǔdǒ daòhtan sũkhlaǔ dau bǎ Wein ĚPhěSu dǒ pyǎlan bǎ Kǎn YǔDa, Wein KèSǎRĩYǎ dǒ ceinhtan dǒ Wein YeRuSyaLe dǒ mangaǒ raǒrĩ ta-aǒblonphao. Htaǔdǒ, anǎn cein leĩn dǒ Wein ATi-Ò.

PǒLu talai thyǔn blan lablan.

m 18:18 KeHaRĩYǎ mè mwaĩ Wein KoRĩThu sũkhlaǔ dau kalǎn aòhtôn.

n 18:18 YǔDaphao ahtôn aò dǒ pra lapra pra ba ma ta-ŭlanyǎlan dǒ Bweca dǒ ka bwaicǎnsũ anǎn khǎ nu, cǒ ba rĩkaĩ kalu dǒ kamaoswan. Ba htaǔ mè, kaba rĩthalǎn laǒ.

²³ Dò PồLu àò bã Wein ATi-Ò ngỉ pè, htaũdò anăn swaĩhtan dò kălai Kăn KaLaTĩ dò PhruKĩYă dò phĩkhauphĩ-ă pracũhtanphao pũpra.

APoLo bã Wein ĚPhěSu dò KoRiThu

²⁴ Bănukhă, APoLo laitaũ bã Wein ĚPhěSu. Anăn mwaĩ YũDaphao àòlan bã Wein ALèSănDĩYă. Dò anăn mwaĩ pra mangaõta cãn dò theingă napau raò Li Cănsũ tatyán. ²⁵ Amalũba **Tadau YeSyũ** khlaikhlõn dò daòhtulan **Tadau YeSyũ** rĩkaĩ amwaĩ acõn laõkaũ laõthá. Blănmè atheingă sĩ prablõnsũ YoHa tablõn hò. ²⁶ Dò anăn laihtan đõ YũDaphao tathabăhyũn dò cā mangaõta khaũhaĩ. Bănukhă, PriSaKĩLa dò AKũLa nahyũn atathwanlũ dò kătau kanei năn dò taiprwaĩba byan năn bakyădò Bweca akhlaikhlõn. ²⁷ Dò bã APoLo thayũ lai đõ Kăn AKhăYa khă, prayũ YeSyũ àò bã Wein ĚPhěSu phĩkhauphĩ-ă năn dò tyanba anăn ngă li đõ pracũhtanphao àò bã Kăn AKhăYa cwaĩdò ka kăsaũ APoLo. Dò bã alaitaũ khă, macũ makũ ywăn prayũ YeSyũ đõ Bweca kyũnibwan akaũ. ²⁸ Dò anăn mè theingă byan raò Li Cănsũ tatyán dò taicein saũ YũDaphao bã prakũmaõ langă khaũhaĩ đõ YeSyũ mwaĩ **Khrĩ, prakahtũtadau** rĩkaĩ.

19

PồLu àò bã Wein ĚPhěSu

¹ Dò bã APoLo àò đõ Kăn AKhăYa Wein KoRiThu khă, PồLu kălai Kăn GaLaTĩ dò PhruGĩ dò laitaũ đõ Wein ĚPhěSu. Dò bănu a-usũ pracũhtanphao lahan ² dò htu anănthũ, “Nathũ yũ YeSyũ htaũdò nathũ manaũ hõ lõ Bweca Yaò Cănsũ ya?” Dò anănthũ taicein, “Cõ, Bweca Yaò Cănsũ tai mè, pa cõ nahyũnba lakhan lakhan mỗ kỗ.” ³ Thanudò, PồLu htu thă, “Nathũ blõnsũ đõ hõpă tablõn? Dò anănthũ taicein, “Mwaĩ prablõnsũ YoHa tablõn.”

⁴ Dò PǒLu tai, “Prablǒnsǔ YoHa tablǒn mè mwaǐ tasanlanceinthá atablǒn nè. Blǎnmè YoHa tai ngòn dǒ ka yǔ pra lai dǒ akakhyǔ lapra. Dò pra dǒ YoHa tai aríkaǐ ũpra mè mwaǐ YeSyǔ nè.” ⁵ Dò bã anǎnthǔ nahyǔn PǒLu tamangaǒ ũ khǎ, anǎnthǔ blǒnsǔ dǒ **Tadau YeSyǔ** amyan. ⁶ Dò PǒLu bwaihtan acudeǐn dǒ anǎnthǔ nǎnkhou dò bǎnukhǎ Bweca Yaò Cǎnsǔ lailan dǒ anǎnthǔ nǎnkhou dò anǎnthǔ mangaǒ tamangaǒ karu dò tailaǒhtan Bweca tamangaǒ. ⁷ Dò pra àò bǎnu laǒlǎn ka àò lasǔnǔ pra.

PǒLu bã Kǎn ASĪYǎ

⁸ Dǒ thyǔn lǎ akaǔ nu, PǒLu laihtan dǒ YǔDaphao tathabǎhyǔn dò mangaǒ-ǎ dò ngòn khaǔhaǐ bakyǎdò **Bweca sǔkǎn** aríkaǐ dò nicwĭ ngòn cwaǐdò ka lainaǔba dǒ **Bweca sǔkǎn** kaǔ. ⁹ Blǎnmè pra lahan nu, khauklao saò, cǒ yǔ dò ni **Tadau YeSyǔ** khlaikhlǒn dǒ prakǔmaǒ langǎ. Thanudò, PǒLu kǎ swaihtan pracǔhtanphao dǒ anǎnthǔ klǎ. Dò pracǔhtanphao ũ mau lai àòblon PǒLu bã TuRaNu tamalǔ kalǎn pǔdaǒ pǔdaǒ dò PǒLu thwanlǔ dò mangaǒ bloncǔ dò pra àò bǎnu. ¹⁰ PǒLu ma tha-ǔ nǔ nein bã Wein ĚPhěSu akhaucǎ, YǔDaphao dò pra cǒ mwaǐ YǔDaphao ǎpra àò bã Kǎn ASĪYǎ nahyǔnba Bweca hwǎngaǒ.

¹¹ Dò Bweca phĭ PǒLu takrautayaò dǒ ka ma tamanǎn ciklicingǎ.

¹² Akhaucǎ, ngòn phiswaǐ akakǔphao dò akacǒn dò philai dǒ prasǎ àò. Dò prasǎ nu, atasǎ haicein dò pra mwaǐ tasŭtaná daò nǎn nu, tasŭtaná swaihtankaǐ dǒ anǎnthǔ kaǔ.

¹³ Mwaǐ YǔDaphao apahwĭ lahan nu, tau dò khlǔswaihtankaǐ tasŭtaná lahan dò maywǎn dǒ ka khlǔswaihtankaǐ tasŭtaná dǒ YeSyǔ amyan. Dò anǎnthǔ tai tasŭtaná, “Khĭ mālan nathǔ dǒ YeSyǔ mwaǐ PǒLu daòhtulan aríkaǐ lapra amyan nè.” ¹⁴ Dǒ aklǎ praluta khau dau

SaKěWā aphaokhaũ thanwaĩ ma cwaĩ thangă. ¹⁵ Blănmè bã anănthũ khlũswaĩhtankaĩ tasũtaná khă, tasũtaná tai anănthũ, “Khĩ theingă YeSyũ dò khĩ theingă PŏLu. Blănmè nathũ mwaĩ hŏpă?” ¹⁶ Dò pra mwaĩ tasũtaná daò năn ũ sĩhtan đŏ anănthũ nănkhou dò yăn ca-ai anănthũ nũhwăcein, makeĩ dò mapĩ anănthũ akhaucă, anănthũ ba swaĩhtan cakwăn đŏ khŏnkwan. ¹⁷ Dò bã YũDaphao dò pra cŏ mwaĩ YũDaphao đŏ aò bã Wein ĚPhěSu nahyũn tarĩtakaĩ ũ khă, anănthũ tharŏn thahwa dò htònhtan **Tadau YeSyũ** amyan.

¹⁸ Dò prayũ YeSyũ ăpra lai kran atakamā đŏ amaba. ¹⁹ Dò pra macablan ngòn maĩphlon lahan philai alihtaũ đŏ abakyădò tamacablan maĩphlon dò cũkaĩ bã prakũmaŏ langă. Dò li ũkaũ angau mè ka aò cwaĩ rwănya^o ba ngaĩthŏn angau. ²⁰ Thanudò, mwaĩđŏ Bweca krauyaò akhaucă, Bweca hwăngaŏ dauhtan haũhtan.

Tatahtaô tahtwăn bã Wein ĚPhěSu

²¹ Tahtũhtan tha-ũ htaũdò, PŏLu bwailanthá đŏ ka laikā Kăn MaKeDŏNĩYă dò Kăn AKhăYa dò laihtan đŏ Wein YeRuSyaLe. Dò anăn tai, “Khĩ lai aò bănu htaũdò khĩ ba lai leĩn đŏ Wein RŏMe.”

²² Dò anăn thonlai pramakũ năn thanũ đŏ Kăn MaKeDŏNĩYă. Pra ũ thanũ mè mwaĩ TiMoThe dò ĚRāStu. Mwaĩ anăn mè aòkaĩ bã Kăn ASĩYă laphlŏn lacũ.

²³ Bănu saũkhă kaũ nu, tatahtaô tahtwăn dau aòhtan bã Wein ĚPhěSu bakyădò **Tadau YeSyũ** akhlaikhlŏn arĩkaĩ. ²⁴ Dò bănu praweirwăn aò lapra. Amyan mè DeMeRĩ. Anăn dò apra mataphao weirwăn đŏ athalyũndò bwecamaŏ ATeMĩ taluhyũn dau yòn. Dò mwaĩđŏ aweirwăn ũ akhaucă, anănthũ manaũ dau rwăn. ²⁵ Anăn kăcòn apramataphao dò praweirwăn cwaĩ anăn dò tai, “Ngònraũ thũ

o **19:19** Rwănya laba angau mè aò cwaĩ pra lapra acadũpaka laka.

õn, nathũ theingă dõ pa manaũ dau rwăn dõ tama ũ. ²⁶ Blănmè nathũ ka nahyũn dò usũba ta dõ PõLu tai cā dõ Wein ĚPhěSu taũlan dõ Kăn ASĪYă thadeĩnba nè. Anăn tai, ‘Bweca dõ pralau baò dò cudeĩn nu, cõ mwaĩ ywăn Bweca kõ.’ Dò anicwĩ naũ hõ pra äpra. ²⁷ Akhaucă, ngòn ka ni pa tada tacăn. Khlõndò ũ, pa bayõn dõ bwecamaõ ATeMĩ dõ pra aò bã Kăn ASĪYă dò hankhau thadeĩnba thabăhtan năn lapra ataluhyũn dò atalĩ takhă ka htumăkaĩ nè.

²⁸ Bă anănthũ nahyũn tamangaõ ũ khă, anănthũ tháhtan dau dò kākrihtan, “ĚPhěSu abwecamaõ ATeMĩ mwaĩ ta adau khlõn.” ²⁹ Dò ta tahtaô tahtwăn aòhtan dõ wein lawein dau kaũ akhaucă, anănthũ cwĩruhtan GaYũ dò ARĪSaTaHu dõ taklan tapya yon dau kaũ. GaYũ dò ARĪStaHu mè mwaĩ Kăn MaKeDõNĪYăphao dõ alaiblon dò PõLu.

³⁰ Dò PõLu thayũ naũlai dõ prakũmaõ klă blănmè pracũhtanphao lahan khran năn. ³¹ Dò Kăn ASĪYă khauna dõ amwaĩ PõLu ngònraũ lahan daõlai kwĩcică PõLu cwaĩdò aka cõ lai daũlaõ anăn dõ taklan tapya yon dau kaũ. ³² Dò bănukhă, pra aòrũbloncũ matahtaô tahtwănta dò kākrihtan lapra laraũ lapra laraũ. Dò anănthũ aòrũbloncũ tară arĩkaĩ nu, pra äpra cõ theingă kõ.

³³ Dò YũDaphao lahan htauhtan ALèSănDă dõ prakũmaõ langă akhaucă prakũmaõ lahan nithũ dõ ALèSănDă ka mwaĩ pra bakyădò tarĩtakaĩ ũ. Bănukhă, ALèSănDă wănhntan acudeĩn cwaĩdò prakũmaõ ka aòthu dò taiprwaĩba anănthũ tarĩtakaĩ ũ. ³⁴ Blănmè bã prakũmaõ theingă dõ ALèSănDă mwaĩ YũDaphao khă, dõ nũ nari kalăn nu, anănthũ kākrihtan thakhăncũ tha-ũ, “ĚPhěSu abwecamaõ ATeMĩ mwaĩ ta adau khlõn.”

³⁵ Bănukhă, wein apratyanli dau daô-aòthu prakũmaõ dò tai anănthũ, “Wein ĚPhěSuphao thũ õn, Wein ĚPhěSu aò dò tama dõ kaba uraò ta adau bwecamaõ ATeMĩ taluhyũn dò ayòn lõn aò dõ

maokhau lantein nu, pra pŭpra theingă nè. ³⁶ Bakyădò tarîtakaĩ ũ ngòn kalăn tai ă cŏ àò kŏ. Akhaucă, nathŭ kôn àòthu àòpran dò cŏ mabi ta ka. ³⁷ Nathŭ cwîhtan hŏ pra thanŭ dŏ acŏ naŭphi ta laraŭ raŭ bă taluhyûn kaŭ dò cŏ mangaŏ htandidò pa bwecamaŏ ATeMĩ bă-ŭ. ³⁸ Thanudò, DeMeRĩ dò apraweirwăn ba thayŭ mamaŭ pra lapra pra nu, taciran kalăn àò dò praciran mè àò, akhaucă bwaitaŏ anănthŭ dŏ ka lai macŭmaŭ bănga ka. ³⁹ Blănmè nathŭ mwaĩ thayŭ daŭlaŏhtan tamaŭ akaru laraŭ raŭ nu, nathŭ kôn àòrŭblon bă ta-aòrŭblon kalăn nè. ⁴⁰ Bakyădò tatahtaô tahtwăn dŏ ũ ladaŏ ũ, arîkaĩ lanklan cŏ àò, akhaucă pa bayôn dŏ prapainta ka san dŏ pa daô-aòhtan tatahtaô tahtwăn ũ da nè.” ⁴¹ Dò bă wein pratyanli dau mangaŏ htaŭ khă, daôswaĩhtan prakŭmaŏ bănu.

20

PŏLu talaiblan dŏ Kăn MaKeDŏNĩYă dò AKhăYa

¹ Dò bă tatahtaô tahtwăn htaŭ khă, PŏLu kă pracŭhtanphao dò sankăn anănthŭ. Dò mangaŏ raŏrĩ anănthŭ htaŭdò aswaĩlai dŏ Kăn MaKeDŏNĩYă . ² Bă anăn laikă kalăn pŭkaŭ nu, phîkhauphî-ă prayŭ YeSyŭ dŏ Bweca hwăngaŏ ăraŭ htaŭdò lailan dŏ Kăn AKhăYa. ³ Dò PŏLu àò bănu thyŭn lă htaŭdò bwailanthá dŏ ka ceinblan dŏ Kăn SĩRĩYă dò sŭkhlaŭ dau. Blănmè mwaĩdŏ YŭDaphao kyănhtan karăn năn akhaucă, abwailanthá dŏ ka ceinkă blanthă Kăn MaKeDŏNĩYă. ⁴ Dò pra laiblon dò năn mè mwaĩ Wein BeRĩYăphao PŭRŭ aphaokhaŭ SoPaTe, Wein TheSaLaNĩphao ARĩStaHu dò SeKuDŭ, Wein DeBephao GaYŭ, Kăn ASĩYăphao TuKĩKu dò TroPhiMu dò TiMoThe. ⁵ Dò anănthŭ lai rĩ dŏ Wein Tro-A dò àòhaŭ pa bănu. ⁶ Dò bă takao cŏ àò dò mŭ apwě htaŭ khă, pa daòhtan sŭkhlaŭ dau bă Wein PhĩLĩPi dò

dỗ ngai daỗ akaũ nu, pa laitaũ dỗ Wein Tro-A bã anãnthũ àò. Dò pa àò bãnu nwaĩ daỗ kalãn.

PỗLu tamathamyũncein bã Wein Tro-A

⁷ Bã mỗnkatò ha khã, pa àòrũcòncũ dỗ ka anbloncũ bu angã. Dò mwaĩdỗ PỗLu ka swaĩhtan bã naò laraò akhaucã, adaòhtulan taũ mỗncakũna. ⁸ Bã pa kalãn àòrũcòncũ dao htanlũ kaũ nu, ngòn cũkhã mìhtõn ảma. ⁹ Dò bãnu, prakhaũ balaò myan YũTuHu àò lapra. A sanãn àò bã khãdãnp hao lòn. Dò mwaĩdỗ PỗLu daòhtulan ngĩ raò akhaucã, amĩnaũ sã dò àò dỗ hyũn thyũn tỗn kakhau lanteĩn. Dò bã ngòn phao raò nãn khã nu athũ hỗ. ¹⁰ Bãnukhã, PỗLu lailan dỗ hyũn lã dò mĩ lanklaỗ dỗ anãn khau, phaocein nãn dò tai, “Cỗ bayõn ka. Amyũn mỗ nè.” ¹¹ Dò PỗLu ceinhtanblan thã dỗ daò htanlũ kaũ, bìphã takaò dò anbloncũ bu. Htaũdò PỗLu mangaỗ leĩn ta taũ mỗnlĩ dò swaĩhtankaĩ bãnu. ¹² Dò mwaĩdỗ prakhaũ balaò ử cỗ thũ akhaucã, ngòn kã ceinraò nãn àò dò tathaumo thãmo dau.

PỗLu ceintaũ dỗ Wein MeLeTu

¹³ Dò PỗLu bwailanthã dỗ ka lai dỗ Wein ASo dò khandeĩn. Mwaĩ pa nu, pa daòhtan sũkhlaũ dau dò lai rĩ dỗ Wein ASo. Dò pa cipõn dỗ ka usũba nãn bãnu. ¹⁴ Dò bã pa lannikãcũ bã Wein ASo khã, pa kãhtan daò nãn sũkhlaũ dau dò pa lai dỗ Wein MeTeLẽ. ¹⁵ Dò naò ladaỗ nu, pa laitaũ phyũn dò khỗnsũkhau Kĩ-O. Dò naò ladaỗ nu, pa laitaũ dỗ khỗnsũkhau SaMo dò htũ naò ladaỗ nu, pa laitaũ dỗ Wein MeLeTu. ¹⁶ Mwaĩdỗ PỗLu thayũ laihtan lá dau Bulaitalũ pwẽ bã Wein YeRuSyaLe dò acỗ thayũ malaỗ tasaũkhã bã Kãn ASĩYã kaũ akhaucã, bwailanthã dỗ ka daòhtan sũkhlaũ dau dò kãlai Wein ỄPhẽSu kaphrĩ.

PỗLu mangaỗ raõrĩ Wein ỄPhẽSu ta-aòblon khauna

¹⁷ Bă PồLu àò dồ Wein MeLeTu khă, amālai Wein ĘPhếSu ta-aòblon pradau prapră dồ a-aò. ¹⁸ Dò bă anănthủ litaủ khă, PồLu tai, “Cā lă khỉ litaủ bă Kăn ASỈYă dò taủlan kanaỉkhă, khỉ aòmỹủn dồ nathủ klă thamă thamă nu, nathủ theingă. ¹⁹ YủDaphao kyănhtan karăn khỉ, akhaucă khỉ konba tasărai dò tamaỉsủ mainỗn. Blănmề khỉ ma Bweca tama àò dò tasanlanthá. ²⁰ Dò bă khỉ daòhtulanta dò thwanlũta dồ prakũmaồ langă dò dồ nathủ hyủn kaủ khă, ta dồ ka htũkyủ dồ nathủ ngă nu, khỉ cồ bwaihukaỉ laraủ raủ kồ. ²¹ Dò khỉ taitheingă YủDaphao dò pra cồ mwaỉ YủDaphao saò saò dồ ka sanlanceinthá dồ Bweca langă dò yủ pa **YeSyủ Khrỉ**.

²² Dò kanaỉkhă mề, u ka, khỉ macủ Bweca Yaò Cănsủ tatai dò khỉ ka lai dồ Wein YeRuSyaLe. Dò ta ka htũhtan dò khỉ bắngă thamă thamă mề khỉ cồ theingă kồ. ²³ Blănmề dồ wein pũwein kaủ nu Bweca Yaò Cănsủ taitheingă yaỏ khỉ dồ khỉ kaba lantaỉ htòn dò ta ka phyăn sărai khỉ nề. ²⁴ Blănmề khỉ cồ ciki khỉ tháthamyủn dò bwai năn cwaỉ tangaudau prỉdau dồ khỉ ngă taỏ kồ. Mwaỉ yaủ khỉ ka ma htaủ khỉ tama dồ **Tadau YeSyủ** phỉlan khỉ cwaỉdò ka khandhá dồ tathanaòthasaủ rỉkaỉ bakyădò Bweca kyủnibwan.

²⁵ Dò khỉ lai daòhtulan hỏ **Bweca sủkăn** rỉkaỉ dồ nathủ klă. Dò kanaỉkhă mề, u ka, khỉ theingă dồ nathủ ka cồ usủba pề khỉ lakhan lakhan. ²⁶⁻²⁷ Dò mwaỉdồ khỉ cồ camucủ ta lamyannmyan dò taiba laỏ hỏ nathủ dồ Bweca takyănhtan akhaucă, ử ladaỏ khỉ khandhá dồ pra bă nathủ klă lapra pra atháthamyủ mwaỉ htumă mề, cồ bakyădò khỉ pề. ²⁸ Thanudò, uraò taỏ nathủ nănpica dò uraò thỏ mwaỉ Bweca Yaò Cănsủ daô-uraò ủaủ ka. Thỏ ủaủ mề mwaỉ Bweca ta-aòblonphao dồ ahtaicein dò aphaokhaủ thwỉ nề. ²⁹ Dò khỉ theingă dồ bă khỉ swaỉhtan dồ nathủ klă htaủ khă, pra lahan ka lai dồ nathủ àò cwaỉ htwỉmyủn haỉ dồ acồ cică thỏ dò ka ma caphrucaphrăn thỏ. ³⁰ Dò pra

dỗ nathũ klă lahan ka laòbli dò nicwî pracũhtanphao cwaïdò ka cũhtan anãnthũ. ³¹ Thanudò, àò khyàòthăn ka. Dò dỗ thyũn nein kaũ khĩ thwanlũ nathũ laõ pũpra dỗ mỗncă mỗnna àò dò tamaısũmainõn nu theinãnhtan ka.

³² Dò kanaĩkhă, thapũwaĩ thũ õn, khĩ ālan nathũ dỗ Bweca cudeĩn kaũ dò dỗ ahwãngaõ bakyădò akyũnibwan kaũ cwaïdò ka daòdauhtan nathũ dò phĩkrau nathũ blon dò prayũ YeSyũ. ³³ Khĩ cõ thayũ pra lapra lapra ahtũ, arwãn dò atakwãntakă kõ. ³⁴ Nathũ nãnpicataõ theingă dỗ khĩ mata dò khĩ cudeĩn dò leĩn-an leĩn-aõ taõ khĩ nãn dò pra àòblon dò khĩ. ³⁵ Cwaĩ thanu, khĩ daũlaõ hõ nathũ ta pũraũ dỗ nathũ kôn ma dò makũ pra khausyan-ăcă thamă thamă. Dò theinãnhtan pa **Tadau YeSyũ** tamangaõ dỗ atai, ‘Phĩ ta nu, ba taraõrĩ khlõndò naũba ta.’”

³⁶ Dò bã PõLu mangaõta htaũ khă, ahtukanwaĩlan dò kwĩthabă blon dò anãnthũ pũpra. ³⁷⁻³⁸ Dò mwaïdỗ PõLu tai dỗ anãnthũ ka cõ usũba pè nãn lakhan lakhan akhaucă, anãnthũ laõ pũpra tha-authaplă dau, ngaũ laõthau laõthá, nigu PõLu dò mangaõ raõrĩ nãn dỗ tabathá dau kaũ. Htaũdò anãnthũ laithon PõLu dỗ sũkhlaũ dau kaũ.

21

PõLu laitaũ Wein YeRuSyaLe

¹ Dò pa mangaõ raõrĩ Wein ĘPhěSu ta-aòblon pradau prapră htaũdò pa daòtau cõn sũkhlaũ dau dỗ khõnsũkhau Ko. Dò htũ naò ladaõ khă, pa laitaũ dỗ khõnsũkhau RoDe dò lai leĩn dỗ Wein PaTaRa. ² Dò pa usũ sũkhlaũ dau kalai dỗ Kãn PhoNĩSyă laba akhaucă, pa daòlai nãn.

³ Dò bã sũkhlaũ dau ỹ laitaũ phyûn khõnsũkhau KũPrũ khã, lailan dõ khõnsũkhau abalan lapá dò lai leĩn dõ Kãn SĩRĩYã . Dò lai àò sahtôn bã PhoNĩSyã Khayain, Wein HtaĩYa dò bwailankaĩ taraotara.

⁴ Bã Wein HtaĩYa ỹ, pa usũ pracũhtanphao dò pa àòblon dò anãnthũ nwaĩ daõ. Dò cwaĩ Bweca Yaò Cãnsũ daõtai anãnthũ nu, anãnthũ khran PõLu cwaĩdò ka cõ lai dõ Wein YeRuSyaLe. ⁵ Blãnmè nwaĩ daõ pwũn khã, pa lai leĩn. Dò prayũ YeSyũ pũpra dò aphao amã laithon pa taũdõ Wein kwan dò pa htukanwaĩlan dò kwĩthabã bã sũtawadau kaphrĩ. ⁶ Dò pa mangaõ raõrĩcũ htaũdò pa daòhtan leĩn sũkhlaũ dau ỹ dò mwaĩ anãnthũ nu ceinblan dõ ahyûn aphañ.

⁷ Dò pa swaĩhtan bã Wein HtaĩYa dò laitaũ dõ Wein PaToLeMi. Dò bãnu, pa usũ prayũ YeSyũ dò pa mangaõ raõrĩ anãnthũ htaũdò àòblon dò anãnthũ ladaõ. ⁸ Dò htũ naò ladaõ nu, pa swaĩhtan bãnu, dò laitaũ dõ Wein KèSãRĩYã. Dò pa lai àòhtôn bã PhĩLiPu hyûn. PhĩLiPu mè mwaĩ pradaòhtulan tathanaòthasaũ arĩkaĩ. Dò mwaĩ pra thanwaĩ aklã lapra dõ Wein YeRuSyaLe ta-aòblon rauhtan dõ ka macũ makũ pratadaôphao. ⁹ Dò anãn àò dò aphaomu baleĩ thalwĩ mwaĩ amangaõ Bweca hwãngaõ.

¹⁰⁻¹¹ Bã pa àò bãnu lacũ khã, pahwĩ myan AGaBu lapra lai dõ pa àò. Anãn àò dõ Kãn YũDa lai. Aphihtan PõLu akacõn dò cõncein taõ acudeĩn khandeĩn dò tai, “Bweca Yaò Cãnsũ tai tha-ỹ, ‘YũDaphao àò bã Wein YeRuSyaLe ka cõncein kacõn ỹbaõ abweca cwaĩ tha-ỹ dò ka phĩlankaĩ nãn dõ pra cõ mwaĩ YũDaphao cudeĩn kaũ nè.” ¹² Dò bã pa nahyũn ta-ỹ khã, pa dò pra àò bãnu kwĩcĩcã ywãn PõLu cwaĩdò ka cõ laihtan leĩn dõ Wein YeRuSyaLe.

¹³ Blãnmè PõLu taicein, “Nathũ ngaũ dò makã khĩ thau khĩ thá marã? Dõ Tadau YeSyũ angã mè, khĩ àò pranyaõ hõ khĩ nãn dõ ta ka cyan khĩ dò ta ka mathũ mõ khĩ bã Wein YeRuSyaLe nè.” ¹⁴ Pa nicwĩ

PǒLu cǒ da akhaucǎ, pa tai da sǐ, “Ta ka htũhtan cwaǐ Bweca tabathá ka.”¹⁵ Htaũdò pa nicaobao ta dò laihtan dǒ Wein YeRuSyaLe.¹⁶ Dò pracũhtanphao àò bã Wein KèSǎRǐYǎ lahan laiblon pa dò laithon pa dǒ MaNaSò hyûn cwaǐdò pa ka àò bãnu. MaNaSò mè mwaǐ khǒnsũkhau KũPrũphao dǒ ayũcein kaò ta lapra.

PǒLu lai dǒ YaKo àò

¹⁷ Bǎ pa laitaũ dǒ Wein YeRuSyaLe khǎ, prayũ YeSyũ paðkásaũ pa dò tathanaòthasaũ.¹⁸ Dò htũ naò ladaǒ nu, PǒLu dò pa tauklan YaKo. Dò ta-aòblon pradau praprǎ pũpra àò bǎnga.¹⁹ Dò PǒLu mangaǒ raǒrǐ anǎnthũ htaũdò taiba byan anǎnthũ ta pũraũ bakyǎdò Bweca icũ nǎn dǒ ka htũkyũ dǒ pra cǒ mwaǐ YũDaphao ngǎ thamǎ thamǎ.²⁰ Dò bã anǎnthũ nahyũn PǒLu atatai khǎ, anǎnthũ htònhtan Bweca. Dò tai PǒLu, “Thapũwaǐ òn, na theingǎ YũDaphao mwaǐ ayũ YeSyũ àò ǎpra dò anǎnthũ phicein raò MoSyě tamālan.²¹ Anǎnthũ nahyũn dǒ na thwanlũ YũDaphao àò bã pra cǒ mwaǐ YũDaphao klǎ dǒ ka lǎkaǐ MoSyě tamālan dò na tathwanlũ dò na tataiba anǎnthũ, ‘Cǒ dutũ nathũ phaokhaũ ataphei kanǎ dò cǒ macũ YũDaphao ahtǒn ka.’²² Akhaucǎ, pa kaba ma thamǎ? Anǎnthũ ka nahyũn dǒ na laitaũ bã-ũ nè.²³ Thanudò, ma cwaǐ pa tai na ka. Prakhaũ thalwǐ dǒ ama ta-ũlanyǎlan dò Bweca àò bã-ũ nè.²⁴ Kālai anǎnthũ dò mablǐ mablǎn na nǎnpica blon dò anǎnthũ dò blaiba anǎnthũ tamablǐ mablǎn angau cwaǐdò anǎnthũ ka rǐba kalu^p ka. Thanudò, pra pũpra ka theingǎ dǒ anǎnthũ nahyũn na rǐkaǐ ũ cǒ mwaǐ ywǎn kǒ. Dò ka theingǎ dǒ na phicein mǒ MoSyě tamālan.

p **21:24** *rǐba kalu* YũDaphao ahtǒn àò dǒ pra lapra pra ba ma ta-ũlanyǎlan dò Bweca dǒ ka bwai cǎnsũ anǎn khǎ nu, cǒ ba rǐkaǐ kalu dò kamaoswan. Dò ba htaũ mè, kaba rǐthalǎn laǒ.

²⁵ Mwaĩ pra cǔ mwaĩ YǔDaphao mwaĩ ayǔ YeSyǔ ngǎ nu, pa ciran dǔ tyanba hǔ anǎnthǔ li dǔ ka cǔ an ta-an dǔ ngòn luhtan tayòntakan, thwǐ dǔ taphaotayǔ mwaĩ tacaũthǔ nǎn. Dǔ kaba reĩ talankamā mukhaũ.

²⁶ Thanudǔ, htǔ naǔ ladaǔ nu, PǔLu kǎlai pra ǔ thalwǐ dǔ mablǐ mablǎn anǎn blon dǔ anǎnthǔ. Htaũdǔ anǎn laihtan dǔ taluhyǔn dǔ tai saũyaǔ tasaũkhǎ dǔ tamablǐ mablǎn ka htaũ bǎmǎkhǎ, dǔ pra thalwǐ ǔ ba luhtan ta dǔ lapra dǔ lapra angǎ bǎmǎkhǎ.

Tacyan PǔLu

²⁷ Bǎ ka bwaĩhtan nwaĩ daǔ ladaǔ khǎ, YǔDaphao aǔ bǎ Kǎn ASǐYǎ lai lahan usǔ PǔLu bǎ taluhyǔn akhaucǎ, anǎnthǔ swankamwai prakǔmaǔ dǔ cyan PǔLu. ²⁸ Dǔ anǎnthǔ kǎkrǐhtan, “ISaRǔLaphao ǔn, macǔ makǔ pa ka. Pra ǔpra lai dǔ kalǎn pǔkaũ dǔ thwanlǔ prakǔmaǔ dǔ ka htandidǔ pa pramyǔ, tamǎlan dǔ taluhyǔn ǔ. Cǔkǎmǔ anǎn kǎlai pra cǔ mwaĩ YǔDaphao bǎ taluhyǔn ǔ dǔ makarǎnkataǔ kalǎn cǎnsǔ ǔ nǔ.” ²⁹ Anǎnthǔ tai tha-ǔ mwaĩdǔ anǎnthǔ usǔ PǔLu aǔblon dǔ Wein ĘPhǔSuphao TroPhiMu bǎ wein kaũ dǔ ǐdǔ PǔLu kǎlai pra ǔ pra dǔ taluhyǔn kaũ akhaucǎ.

³⁰ Tatahtaǔ tahtwǎn aǔhtan laǔ lawein dau dǔ prakǔmaǔ waĩlai cǔn dǔ taluhyǔn htaũdǔ cwǐhtan PǔLu dǔ taluhyǔn kwan. Dǔ lablanhtein anǎnthǔ htaǔbǔ taluhyǔn khǎdǎn dau. ³¹ Dǔ bǎ anǎnthǔ rwǎn dǔ ka mathǔ PǔLu khǎ, RǔMe yǐkhau dau lapra nahyǔn tatahtaǔ tahtwǎn aǔ dǔ Wein YeRuSyaLe lawein dau kaũ akhaucǎ, ³² lablanhtein kǎ ayǐkhau dǔ yǐphao lahan dǔ waĩlai dǔ prakǔmaǔ aǔ. Dǔ mwaĩdǔ prakǔmaǔ usǔ yǐkhau dau dǔ ayǐphao akhaucǎ, cǔ teĩn pǔ PǔLu kǔ.

³³ Bǎnukhǎ, yǐkhau dau lai dǔ PǔLu nǎn hti dǔ daǔcǔncein PǔLu dǔ

pûhta nũ bõn. Dò htu anãnthũ, “Anãn mwaĩ hõpã dò ama takamã tarã?”

³⁴ Bã nukhã, prakũmaõ kãkrĩhtan lapra laraũ lapra laraũ akhaucã, yĩkhau dau cõ theingã da tarĩtakaĩ amwaĩ acõn kõ. Thanudò, yĩkhau dau mãlan yĩphao cwaĩdò ka kãcein PõLu dõ yĩphaohyũn dau kaũ.

³⁵ Dò bã PõLu laitaũ dõ yĩphao hyũn dau aca lòn khã, mwaĩdõ prakũmaõ taĩpon PõLu akhaucã, yĩphao ũkaũ ba yaõhtan nãn. ³⁶ Dò prakũmaõ cũhtan dò kãkrĩ kãkrĩ, “Mathũkaĩ nãn, mathũkaĩ nãn ka.”

PõLu mangaõta dò prakũmaõ

³⁷ Rĩdò PõLu ceinnaũ dõ yĩphaohyũn dau kaũ khã, anãn tai yĩkhau dau, “Khĩ mangaõ ta dò na laraũ raũ da ya?” Dò yĩkhau dau htu nãn, “Na mangaõ Grĩ tamangaõ cãn lò ya? ³⁸ Na cõ mwaĩ rãn IKyĩphao dõ ahtandidò thũ ta lapra dò kãswaĩ prahtandidò ta lwĩ rein dõ lõnmaiklaòkhau klã ya?” ³⁹ Dò PõLu taicein, “Khĩ mwaĩ YũDaphao dõ a-aòlan bã Wein TaSyu nè. Wein ũ dõ Kãn KiLiKĩYã nu, cõ mwaĩ wein klan kõ. Khĩ kwĩcicã na, daõmangaõ khĩ dò prakũmaõ ka.” ⁴⁰ Dò yĩkhau daõ mangaõ nãn. Thanudò, PõLu à sahtõn bã ca lòn dò wãnhtan acudeĩn dõ prakũmaõ à. Dò bã prakũmaõ àõthu khã, PõLu mangaõ ta dõ YũDaphao atamangaõ dò tai,

22

¹ “Maõphã pũwaĩ õn, nadeĩn khĩ tamangaõ htũkhi ka.” ² Bã prakũmaõ nahyũn PõLu mangaõ anãnthũ pramyõ tamangaõ khã, anãnthũ àõthu khlõnmõ. Dò PõLu tai, ³ “Khĩ mwaĩ YũDaphao lapra mwaĩ aòlan bã Kãn KiLiKĩYã, Wein TaSyu. Dò khĩ dauhtan bã Wein YeRuSyaLe dò khĩ malũba dõ tamãlan sara dau GaMaLëLa à. Dò anãn thwanlũ byanba raò khĩ tamãlan dõ phũphĩ lã niharu àomyũn

macũ. Dò khĩ thaukhyaò thakhyaò dõ Bweca tama cwaĩ nathũ thaukhyaò thákhyaò kanaĩkhã nè. ⁴⁻⁵ Lãrĩkhã, khĩ phyãn sãrai pracũhtan **Tadau YeSyũ** khlaikhlõn gaĩn. Dò khĩ cyan pramu, prakhaũ dò saulan dõ htòn kaũ taũdõ ba tamathũ anãnthũ lahan arĩkaĩ nu, praluta khau dau dò YũDa tathabã kònciphao mwaĩ khĩ prakhanthá nè. Dò khĩ manaũ li kxanthá dõ anãnthũ à dõ atyanba YũDaphao tathabãhyũn khauna à bã Wein DaMeCe. Htaũdò khĩ lai dõ Wein DaMeCe cwaĩdò ka cyan pracũhtan YeSyũ dò kãcein anãnthũ bã Wein YeRuSyale dõ ka ciran anãnthũ ngã.

⁶ Dò bã khĩ lai taũphyũn Wein DaMeCe dò kaba bã mõnhtũ khã, lablanhtein takhãsaiphraò dau dõ maokhau khãlan khweĩreĩn khĩ. ⁷ Akhaucã, khĩ lanklaõ dõ hankhau dò tamangaõ prailan, “SõLu, SõLu, na phyãn sãrai khĩ marã?” ⁸ Dò khĩ htucein, “**Tadau** õn, na mwaĩ hõpã?” Dò anãn taicein khĩ, “Khĩ mwaĩ NaZaRephao YeSyũ mwaĩ na phyãn sãrai lapra nè.” ⁹⁻¹⁰ Dò khĩ htu nãn, “**Tadau** õn, khĩ kaba ma thamã?” Dò **Tadau** taicein khĩ, “Sahtõn dò lai dõ DaMeCe ka. Bãngã, ta ka taiba na ta pũraũ dõ na kaba ma nè.” Dò pralai blon dò khĩ usũ takhãsaiphraò dau blãnmè anãnthũ cõ nathei tamangaõ mwaĩ ataiba khĩ kõ. ¹¹ Dò mwaĩdõ takhãsaiphraò dau lanba khĩ akhaucã, khĩ maĩphlon khũ dò pralai blon dò khĩ ũkaũ ba cwĩ lai khĩ taũdõ Wein DaMeCe.

¹² Bãnu, pra myan ANaNĩ à lapra. Anãn mwaĩ pra bwaidau Bweca cwaĩ tamãlan à. Dò YũDaphao dõ à bãnu lahan nu, yanba nãn. ¹³ A lai à sahtõn bã khĩ nãnhti dò tai, ‘Thapũwaĩ SõLu õn, maĩphlon khãcein ka.’ Bãnukhã, khĩ sõnhtan dò ulaõ anãn. ¹⁴ Dò anãn tai khĩ, ‘Pa phũphĩ aBweca, rauhtan na cwaĩdò na ka theingã atabathá dò adaõ usũ na dõ apracõn pracwan dò daõnahyũn na dõ atamangaõ.

¹⁵ Bweca rauhtan na cwaĩdò na kamwaĩ aprakhanthá dò daõhtulanba

pra pŭpra ta mwaĩ na usŭ dò nahyŭnba nè. ¹⁶ Kanaĩkhă, na cwĩ ngĩ tasaŭkhă mară? Sahtôn, blönsŭ dò khwĩthabă Bweca cwaĩdò ka blailŭkaĩ na takhòwè ka.'

PŏLu bă kònciphao langă

¹⁷ Bă khĩ ceintaŭ Wein YeRuSyaLe dò kwĩthabă Bweca bă taluhyŭn khă, khĩ àò dò ta-ulaŏ. ¹⁸ Dò đŏ ta-ulaŏ akaŭ nu, **Tadau** daôlaŏhtan anăn dò tai khĩ, 'Wein YeRuSyaLephao ka cŏ nadeĩn na takhanthá bakyădò khĩ rĩkaĩ. Ŭkhaucă swaĩhtankaĩ phraĩ phraĩ đŏ-ŭ ka.' ¹⁹ Dò khĩ taicein, '**Tadau** ōn, anănthŭ theingă đŏ khĩ lai đŏ YŭDaphao tathabăhyŭn pŭma kaŭ dò teĩnsă prayŭ na dò saulan anănthŭ đŏ htòn kaŭ. ²¹ Blănmè **Tadau** tai khĩ, 'Swaĩhtan đŏ Wein YeRuSyaLe ka. Khĩ ka daôlai na đŏ kănyŭ bă pra cŏ mwaĩ YŭDaphao àò nè.'"

²² Prakŭmaŏ nadeĩn blănmè bă anănthŭ nahyŭn PŏLu tamangaŏ ũ khă, kăkrĩhtan bloncŭ, "Acŏ kôn àomyŭn pè đŏ hankhau ũ kŏ. Mathŭ kaĩ năn ka." ²³ Bă anănthŭ blonkaĩ ahwăncein kwan dò heihtan hanphaŭ đŏ maokhau dò kăkrĩhtan lei khă, ²⁴ RŏMe yĩkhau dau daô ayĩphao đŏ ka kănaŭ PŏLu bă yĩphaohyŭn dau kaŭ. Dò mālān ayĩphao đŏ ka phlei dò htulwaĩ PŏLu cwaĩdò ka theingă prakŭmaŏ kăkrĩ dò htadidò năn tha-ŭ mară angă. ²⁵ Dò bă yĩphao cŏn năn htaŭ năi phlai dò pŭphei khă, PŏLu tai RŏMe yĩkhau đŏ a-à sahtôn bă anăn hti lapra, "Nathŭ cŏ htŭlwaĩ RŏMe sŭkănp hao lapra đŏ talamyān lamyān dò phlei năn mē, mwaĩ lò cwaĩ tamālān ya" ²⁶ Dò bă yĩkhau nahyŭn PŏLu tamangaŏ ũ khă, anăn tau đŏ yĩkhau dau àò dò tai, "Ta-adau kŏ, pra ũpra mwaĩ RŏMe sŭkănp hao akhaucă, na cŏ kôn ciran năn tha-ŭ kŏ." ²⁷ Thanudò yĩkhau dau lai đŏ PŏLu àò dò htŭ, "Taiba khĩ, na mwaĩ ywan răn RŏMe sŭkănp hao ya?" Dò PŏLu taicein, "Mwaĩ." ²⁸ Dò yĩkhau dau tai, "Cwaĩdò khĩ ka htŭba RŏMe

sũkãnp hao ngã mè khĩ ba phĩ dau rwãn.” Blãn mè PỗLu taicein nãn,
“Khĩ mè, khĩ àòpicãlan cwaĩ RỗMe sũkãnp hao lapra nè.”²⁹ Dò pra nãĩ
phlei dò htulwaĩ PỗLu ùkaũ thwaicein kakhyũn yũ dò nãn
lablanhtein. Dò bã yĩkhau dau theingã byan dỗ PỗLu mwaĩ RỗMe
sũkãnp hao khã, anãn tharõn dau mwaĩdỗ acõnba PỗLu akhaucã.

PỗLu bã kònciphao langã

³⁰ Dò htũ naò ladaỗ nu, yĩkhau dau thayũ theingã byan, YũDaphao
bwai takamã dỗ PỗLu nãn khau marã, akhaucã adaõkwãkaĩ PỗLu dò
kã àòrũblon YũDaphao *praluta dau* dò kònciphao pũpra htaũdò
daõlai àò sahtõn PỗLu bã anãnthũ langã.

23

¹ Dò PỗLu ubyan kònciphao dò tai, “Thapũwaĩ thũ õn, khĩ àòmyũn
dỗ Bweca langã àò dò tathauphu thãblĩ taũ kanaĩkhã nè.”² Dò
praluta khau dau ANaNĩ mãlan pra àò sahtõn phyũn PỗLu lahan dỗ
kaplãn PỗLu khaplõn.³ Dò PỗLu tai nãn, “Na thalyũn pòn mwaĩ ngòn
plaõbaũ nãn. Bweca ka ciran na. Na sanãn àò dỗ ka ciran khĩ cwaĩ
tamãlan blãn mè na ciran ta cõ mwaĩ cõ cõn dò na daõ ngòn dỗ ka
plãn khĩ khaplõn.”⁴ Dò pra àò sahtõn bãngã lahan tai nãn, “Na tai
ba-i basũ Bweca praluta khau dau marã?”⁵ Dò PỗLu taicein, “Kỗ
thapũwaĩ thũ, amwaĩ rãn praluta khau dau? Khĩ cõ thei kỗ. Li Cãnsũ
tai, ‘Cõ tai ba-i basũ prapain na pramyõ ka.’”

⁶ Dò PỗLu theingã bã kònciphao klã nu, pra àò nũ mau. Pra ù nũ
mau mè mwaĩ PhaRiSyẽphao dò SaDuKẽphao. Thanudò anãn
kãkrĩhtan, “Kỗ thapũwaĩ thũ, khĩ mwaĩ PhaRiSyẽphao lapra dò khĩ
àòmyũn macũ cwaĩ PhaRiSyẽphao nè. Dò mwaĩdỗ khĩ yũ dò cipõn
prathũ thamyũnhtancein akhaucã, khĩ ba àò sahtõn bã tahtulwaĩ

kalăn ù lò.”⁷ Bă anănthũ nahyũn PŏLu tamangaŏ ù khă,
PhaRiSyěphao dò SaDuKěphao cāhtan lanhteĩcũ dò kònciphao
lanphakaĩ nũ mau.⁸ Anănthũ lanphacũ mwaĩdŏ SaDuKěphao tai dŏ
tathamyũnhtancein dŏ tathũ cŏ àò, Bweca lanăn cŏ àò dò yaò cŏ àò.
Dò mwaĩ PhaRiSyěphao mề, yũ prathũ thamyũnhtancein àò, Bweca
lanăn àò dò yaò àò.⁹ Anănthũ lanhteĩncũ thakāhtan akhaucă,
tamālan sara lahan mwaĩ a-àò dŏ PhaRiSyě ladeĩn sahtôn dò tai, “Pa
cŏ usũ pra ũpra atakamā laraũ raũ kŏ. Bacŏba, yaò lapra pra mwaĩ
cŏ mwaĩ Bweca lanăn lapra pra ka daômangaŏ năn yaũ yă.”

¹⁰ Tamangaŏ ácũ thakāhtan dau akhaucă yĩkhau dau bayôn dŏ ngòn
ka teĩnmai teĩnpaũ PŏLu akhaucă, mālan yĩphao dŏ ka lai kăcein raò
PŏLu dŏ anănthũ klă dò thoncein raò bă yĩphaohyũn dau kaũ.

¹¹ Dò bă mŏnna khă nu, Tadau YeSyũ sahtôn àò dŏ PŏLu nănhti dò
tai, “Cŏ tharŏn ka. Cwaĩ na kxanthá dŏ khĩ rĩkaĩ bă Wein YeRuSyaLe
ũ nu, na kaba khăn htein mŏ na thá dŏ Wein RŏMe kaũ nè.”

Takyănhntan dŏ ka mathũ PŏLu

¹² Htũ naò la raò nu, YũDaphao lahan aòrũbloncũ dò ma ta-
ũlanyălan dŏ mwaĩ cŏ mathũba PŏLu mề, ka cŏ an cŏ aŏ ta laraũ raũ.

¹³ Dò pra-ũlanyălan bloncũ ũkaũ mề, àò pra lwĩsũ san.¹⁴ Anănthũ lai
dŏ **praluta dau** dò YũDa pradau prapră àò dò tai, “Pa àò dò ta-
ũlanyălan dŏ pa mwaĩ cŏ mathũba PŏLu mề, pa cŏ an cŏ aŏ ta laraũ
raũ kŏ.¹⁵ Akhaucă, nathũ dò kònciphao tai laò yĩkhau dau tha-ũ, ‘Pa
thayũ theingă byan PŏLu rĩkaĩ, akhaucă thonhtan năn dŏ pa àò ka.’
Dò pa mề, pa ka aòpaŏ mathũ saũ năn rĩdò alaitaũ bă-ũ nè.”

¹⁶ Blănmề PŏLu phaodau lapra nahyũn ta dŏ anănthũ kyănhntan
akhaucă, anăn lai dŏ yĩphao hyũndau dò taiba PŏLu tarĩtakaĩ ũ.¹⁷ Dò
PŏLu kă yĩkhau lapra dò tai, “Kxanthadŏn kălai prakhaũ balaòphao

ŭpra dŏ yĭkhau dau aò ka. Anăn aò dŏ tarĭtakaĭ laraŭ dŏ kataiba yĭkhau dau nè.”

¹⁸ Akhaucă, yĭkhau ŭ kălai PŏLu phaodau ŭ dŏ yĭkhau dau aò dŏ tai, “Pra htònphao PŏLu kă khĭ dŏ kwĭcică khĭ dŏ ka thonlai pra ŭpra bă na aò. Dŏ a-aò dŏ tarĭtakaĭ laraŭ dŏ kataiba na nè.”

¹⁹ Dŏ yĭkhau dau cwĭtau kanei prakhaŭ balaòphao ŭpra dŏ htu năn, “Na thayŭ taiba khĭ tară?” ²⁰ Dŏ anăn taicein, “YŭDaphao khauna ŭlan bathácŭ dŏ anănthŭ ka tăn ma anăn cwaĭ athayŭ htulwaĭ byan PŏLu dŏ ka daòthonhtan năn dŏ kònciphao langă băcaò mŏnraò nè.

²¹ Blănmè cŏ yŭ anănthŭ ka. YŭDaphao lwĭsŭ san aòpaŏ hu dŏ khlai lòn cwaĭdŏ ka mathŭ PŏLu nè. Dŏ anănthŭ ŭlancŭ dŏ mwaĭ cŏ mathŭba PŏLu mè, ka cŏ an cŏ aò ta laraŭ raŭ. Dŏ kanaĭkhă anănthŭ aòhaŭ na ta-ŭlan bathá nè.” ²² Dŏ yĭkhau dau taicein năn, “Ta mwaĭ na taiba khĭ ŭkaŭ mè cŏ taiba ngòn lapra lapra ka.” Htaŭdŏ daòcein prakhaŭ balaòphao ŭpra bănu.

Tathonhtan PŏLu bă prapainta PhĭLĭ aò

²³ Bănu htaŭdŏ, yĭkhau dau ŭ kă yĭkhau thanŭ dŏ mălan anănthŭ, “Bă pi mŏnna khwĭ nari mè lai dŏ Wein KèSăRĭYă ka. Dŏ talai angă nu, ryan yaŏ yĭphao nŭya, yĭphao daòthei pra nwaĭsŭ dŏ yĭphao cyan băn pra nŭya ka. ²⁴ Dŏ ryan yaŏ thei lahan dŏ PŏLu ka daò ngă ka. Dŏ thontaŭ năn dŏ prapainta PhĭLĭ aò raò raò da da ka.”

²⁵ Htaŭdŏ, yĭkhau dau tyanlan li laba dŏ atai, ²⁶ “Prapainta PhĭLĭ ōn, khĭ, KlòDĭYă LuSĭYă tyanba na li dŏ tataobayanba dau akaŭ lò. ²⁷ Pra ŭpra nu, YŭDaphao cyan năn dŏ bă naĭ mathŭ năn khă, khĭ theingă dŏ amwaĭ RŏMe sŭkănp hao lapra akhaucă, khĭ dŏ yĭphao lahan lai kăcein raò năn. ²⁸ Dŏ khĭ thayŭ theingă YŭDaphao bwai takamă dŏ anănkha dŏ ta tară, akhaucă khĭ kălai năn dŏ kònciphao aò. ²⁹ Dŏ

khĩ usũ dõ YũDaphao bwai takamā dõ anănkhou bakyădò anănthũ tamālan arĩkaĩ. Atakamā cõ àò laraũ raũ dõ ta ka ciran thũ năn bacõmwaĩ ta ka saulan năn dõ htòn kaũ angă kõ. ³⁰ Dò khĩ theingă dõ YũDaphao kyănhtan hu dõ ka mathũ năn akhaucă, khĩ thonlai năn dõ na àò lablanhtein. Dò khĩ mālān saô YũDaphao mwaĩ abwai năn takamā ũkaũ ka taiba na, anănthũ tabwai takamā dõ anănkhou thamă nè. Tarĩtaraò kaba na saôka.”

³¹ Dò yĩphao ũkaũ ma cwaĩ yĩkhau dau mālan anănthũ dò kāswaĩhtan PõLu bã ũ mõnna dò thonlai năn taũdõ Wein An-TiPaTri.

³² Dò htũ naò laraò khă, yĩphao dõ atau dò khandeĩn ũkaũ ceinblan dõ yĩphaohyũn dau. Mwaĩ yĩphao daòthei ũkaũ nu, laiblon leĩn dò PõLu dõ Wein KèSăRĩYă. ³³ Dò bã anănthũ laitaũ khă, anănthũ phĩ prapainta PhĩLĩ li dõ yĩkhau dau tyan ũba dò daôlai àò PõLu bã alangă.

³⁴ Prapainta PhĩLĩ pha li htaũdò htu PõLu, “Na àò dõmă kăn lai?” Dò PõLu taicein, “Khĩ àò dõ Kăn KiLiKĩYă lai nè.” ³⁵ Ataicein PõLu, “Prabwai takamā dõ na nănkhou ũkaũ ba laitaũ mè khĩ ka ciranba na.” Htaũdò mālan yĩphao dõ ka aòpaõcein PõLu bã cahwahyũn, dõ cahwa HeRo baòhtan lama akaũ.

24

Tabwaitakamā dõ PõLu nănkhou

¹ Bã ngai daõ pwũn khă, praluta khau dau ANaÑĩ blon dò YũDaphao tathabă pradau prapră lahan laihtan dõ Wein KèSăRĩYă. Dò anănthũ kălai TeTũLu mwaĩ prapaõ mangaõ tamaũ lapra cwaĩdò ka bwai takamā dõ PõLu nănkhou bã prapainta PhĩLĩ langă. ² Dò bã PõLu lainaũ khă, TeTũLu bwai takamā dõ PõLu nănkhou dò tai,

“*Tadau* PhĩLĩ ỏn, na mwaĩ khauna mwaĩ acăn aplan lapra akhaucă, pa naũba tapeĩn tadwăn, tamo takwĩ ngĩ hỏ. Dỏ mwaĩdỏ na ta-uraỏ akhaucă, pramyỏ ử naũba takyũnibwan. ³ Dỏ dỏ khlai pũbỏn kalăn pũkaũ mẻ, pa naũba dỏ na kyũ na nibwan dau. ⁴ Blănmẻ khĩ cỏ thayũ ma laỏ dau na tasaũkhă akhaucă, khandadỏn bwaithá dỏ nadeĩn tarĩtakaĩ prỏn mwăn dỏ khĩ ka taiba na ka.

⁵ Pa usũ pra ửpra mwaĩ pra madidao didăn dau sũkăn dỏ sankăn YũDaphao à dỏ sũkăn pũbei kaũ cwaĩdỏ ka matahtaỏ tahtwăn ta nẻ. Dỏ anăn mwaĩ NaZaRẻ găĩn khaun lapra. ⁶ Dỏ cỏkămỏ rwăn makarănkata taluhyũn akhaucă pa cyan năn. ⁷ (Blănmẻ yĩkhaun dau LuSĩYa dỏ ayĩphao laiphiswăĩ năn dỏ pa à.) ⁸ Dỏ pa bwai takamă dỏ anănkhaun mwaĩ tară mẻ htulwăĩ năn ka. Dỏ na ka theingă nẻ.” ⁹ Dỏ YũDaphao mwaĩ akălai năn htaỏ anăn dỏ tai, “Atai ũkaũ mẻ mwaĩ nẻ.”

PỏLu tataicein saũ

¹⁰ Bănukhă, prapainta PhĩLĩ daỏmangaỏ PỏLu. Dỏ PỏLu tai, “Prapainta ỏn, khĩ theingă dỏ na ciran pa pramyỏ à nein ngĩ lă ngĩ hỏ. Akhaucă, khĩ thanaỏthasaũ dỏ khĩ ka taiceinba ta. ¹¹ Khĩ laitaũ bă Wein YeRuSyaLe cwaĩdỏ khĩ ka thabăhtan Bweca angă nu à yaũ lasũnũ daỏ hỏ mỏ. Dỏ na mwaĩ kwan theingă nu, na ka theingăba. ¹² YũDaphao ũkaũ cỏ usũba dỏ khĩ lanhteĩn dỏ ngòn dỏ swankamwai ngòn cwaĩdỏ ka matahtaỏ tahtwăn ta bă taluhyũn, YũDaphao tathabăhyũn dỏ wein kaũ kỏ. ¹³ Anănthũ bwai takamă dỏ khĩ nănkhaun ũkaũ nu, atakhandá cỏ à kỏ. ¹⁴ Blănmẻ khĩ ũlan na ta laraũ. Khlaikhỉn dỏ anănthũ kă dỏ găĩn à lamau. Dỏ khĩ thabăhtan pa phũphĩ Bweca cwaĩ Khlaikhỉn ử dỏ yũ MoSyẻ tamălan dỏ pahwĩ tatan pũraũ nẻ. ¹⁵ Dỏ khĩ à dỏ tacipỏn cwaĩ anănthũ cipỏn dỏ

Bweca ka daôthamyŭnhtancein pra acôn dò pra cồ cồ pŭpra dồ tathŭ. ¹⁶ Akhaucă, khĩ ma ywăn lathăhtein cwaïdò khĩ ka àò dò tathauphu tháblĩ dồ Bweca dò pralau langă nè.

¹⁷ Dò khĩ swaĩpă dò Wein YeRuSyaLe àò nein ngĩ lă ngĩ hỏ. Dò khĩ ceinblan bă-ŭ cwaïdò ka philai rwăn dồ ka makŭ khĩ pramyỏ taỏ ngă dò ta dồ ka luhtan Bweca ngă. ¹⁸ Dò bă khĩ àò maphu mablĩ khĩ năn dò thabăhtan bă taluhyŭn khă, prakŭmaỏ cồ matahtaô tahtwăn ta mề, YŭDaphao àò dồ Kăn ASŶYă lai lahan usŭ nè. ¹⁹ Anănthŭ ba àò dò tabwai takamă dồ khĩ nănkhou laraŭ raŭ mề, kôn lai dồ na àò, dò daŭlaỏ khĩ takamă. ²⁰ Ba cồ mwaĩ mề daô pra àò bă-ŭ kaŭ dồ ka tailaỏhtan khĩ takamă bă khĩ àò sahtôn dồ kònciphao langă khă ka. ²¹ Cwaĩ anănthŭ cồ bathá nu, khĩ ma hỏ ta laraŭ. Dò ta laraŭ dồ khĩ ma ũ mwaĩ khĩ kăkrĩhtan dồ anănthŭ langă, ‘Mwaïdồ khĩ yŭ prathŭ thamyŭnhtancein akhaucă, ũ ladaỏ ũ nathŭ htulwaĩ khĩ.’”

²² Prapainta PhĩLĩ mwaĩ pra theingă byan Khlaikhlỏn akhaucă, bwai àòhtôn tahtulwaĩ dò tai, “Khĩ ka ciranba nathŭ tarĩtakaĩ ũ bă yĩkhou dau LuSĩYă laitaŭ khă nè.” ²³ Dò mălan yĩkhou lapra cwaïdò ka àòpaỏ PỏLu cồ àò dò tanidaỏcein năn dò bwai aswĩ angòn dồ ka lai phĩ-an phĩ-aỏ dò àòraỏ năn angă lò.

PỏLu bă prapainta PhĩLĩ dò amă langă

²⁴ Cỏyŭ cồngĩ dò prapainta PhĩLĩ dò amă daôkălai PỏLu cwaïdò ka nadeĩn tayŭ bakyădò *YeSyŭ Khrĩ* arĩkaĩ. Amă mề mwaĩ YŭDa maỏ lapra dò amyan mề DruThĩLe. ²⁵ Blănmề bă prapainta PhĩLĩ nahyŭn PỏLu tai tamwaĩ tacôn, ta paỏthau paỏthá dò taciran mỏnnŭ ka laitaŭ arĩkaĩ khă, anăn tharỏn dau. Dò tai PỏLu, “Na cein da hỏ. Khĩ ba lă mề, khĩ ka kă mỏ na.” ²⁶ Dò anăn cipỏn dồ PỏLu ka phĩ năn

rwǎn dǒ ka pwǔnblu ngǎ akhaucǎ, mālan PǒLu laplǒn lablan dǒ ka mangaǒ nǎn.

²⁷ Dò bǎ nǚ nein bwaǐ khǎ, PheTu htǔhtan plǔ prapainta bǎ PhǐLī kalǎn. Blǎnmè PhǐLī thayǔ marī maraò YǔDaphao dò saulan leǐn PǒLu dǒ htòn kaǔ.

25

PǒLu kwǐhtan RǒMe cahwa dau ataciran

¹ Bǎ PheTu htǔhtan prapainta bǎ Wein KèSǎRǐYǎ bwaǐhtan thyǔn daǒ khǎ, alaihtan dǒ Wein YeRuSyaLe. ² Dò *praluta dau* dò YǔDaphao khauna bwai takamā ǎraǔ dǒ PǒLu anǎnkhou bǎ prapainta PheTu langǎ. ³ Dò mwaǐdǒ anǎnthǔ kyǎnhtan hu cwaǐdò ka mathǔkaǐ PǒLu bǎ alai khilailòn khǎ akhaucǎ, kwǐcǐcǎ prapainta PheTu dǒ ka thonhtan PǒLu bǎ Wein YeRuSyaLe. ⁴ Dò prapainta PheTu tai, “Yǐphao lahan paǒcein PǒLu bǎ Wein KèSǎRǐYǎ dò cǒ ngǐ pè khǐ ka ceinblan bǎ wein ǔ. ⁵ Akhaucǎ, daǒlai nathǔ khauna lahan dò lailan blon dò khǐ dǒ Wein KèSǎRǐYǎ ǔ dò pra ǔpra atakamā mwaǐ àò laraǔ raǔ mè, tailaǒhtan bǎnu ka.”

⁶ Prapainta PheTu àò htein bǎ Wein YeRuSyaLe sǒ daǒ taǔ daǒ lasǔ htaǔdò, ceinblan dǒ Wein KèSǎRǐYǎ. Dò htǔ naò ladaǒ khǎ, asanǎn àò bǎ praciranta kalǎn dò mālan ngòn ka thonhtan PǒLu bǎ alangǎ. ⁷ Dò bǎ PǒLu laitaǔ khǎ, YǔDaphao àò bǎ Wein YeRuSyaLe lailan lahan àòkwaǐreǐn PǒLu dò bwai takamā dau dǒ PǒLu anǎnkhou. Blǎnmè ka daǔlaǒ takhanthá ngǎ laraǔ cǒ àò kǒ. ⁸ Dò PǒLu taicein, “Khǐ cǒ ma kamā YǔDaphao tamālan, taluhyûn dò RǒMe cahwa dau laraǔ raǔ kǒ.”

⁹ Blănmè prapainta PheTu thayŭ marî maraò YŭDaphao, akhaucă anăh htu PŏLu, “Na laihtan đŏ Wein YeRuSyaLe dò taicein saŭ tabwai takamā đŏ na nănkhou đŏ khŭ langă ka da ya?” ¹⁰ Dò PŏLu taicein, “Kanaŭ mè, khŭ aòsahtôn bă RŏMe cahwa dau taciran kală đŏ amwai takôn ciran khŭ kalăn nè. Dò cwaŭ na theingă byan nu, khŭ cŏ makamāba YŭDaphao laraŭ raŭ kŏ. ¹¹ Khŭ bamakamā tamālan mwaŭ akôn dò tathŭ mè, khŭ cŏ rwăn cwaïdò khŭ ka pwŭnblu đŏ tathŭ ngă kŏ. Blănmè takamā đŏ anănthŭ bwai đŏ khŭ nănkhou mwaŭ cŏ tŭ laraŭ raŭ mè, ta phîlan khŭ đŏ anănthŭ cudein kaŭ cŏ da lapra lapra kŏ. Akhaucă khŭ kwŭlaihtan đŏ RŏMe cahwa dau aò.” ¹² Thanudò, prapainta PheTu kâ aòrŭblon apraphîkyănta lahan htaŭdò tai PŏLu, “Cwaŭ na kwŭ nu, na ka laihtanba đŏ RŏMe cahwa dau aò.”

Prapainta PheTu taiba cahwa AGrĭPa đŏ PŏLu arĭkaŭ

¹³ Cŏyŭ cŏngĭ dò Cahwa AGrĭPa dò BeNĭKe laitaŭ đŏ Wein KèSăRĭYă cwaïdò ka mangaŏ raŏrĭ prapainta PheTu. ¹⁴ Dò anănthŭ aò bănu lacŭ htaŭdò cahwa PheTu taiba năn đŏ PŏLu arĭkaŭ tha-ŭ, “Bă-ŭ nu, prapainta PhĭLĭ saulankaŭ năn đŏ htòn kaŭ aò lapra. ¹⁵ Dò bă khŭ laitaŭ Wein YeRuSyaLe khă, *praluta dau* dò YŭDaphao pradau prapră bwai takamā đŏ pra ŭpra anănkhou cwaïdò khŭ ka ciran năn. ¹⁶ Dò khŭ taiba anănthŭ, ‘RŏMe taciran ahtôn aò đŏ pra mwaŭ ngòn mamaŭ năn lapra ba cŏ taiceinta bă pramamaŭ năn langă mè, ciran năn cŏ da kŏ.’

¹⁷ Akhaucă, bă anănthŭ laitaŭ đŏ wein ŭ khă, khŭ cŏ htônŭ htônthŭ dò naò ladaŏ nu, khŭ sanăn aò bă taciran kalăn dò mālan đŏ ka thonhtan pra ŭ pra. ¹⁸ Dò pramamaŭta ŭkaŭ bwai takamā đŏ anănkhou. Blănmè anănthŭ tabwai takamā ŭkaŭ nu cŏ mwaŭ takamā đŏ khŭ nithŭ yaŏ kŏ. ¹⁹ Anănthŭ lanhteĩncŭ yaŭ bakyădò anănthŭ

tathabă dò YeSyũ arĩkaĩ nè. YeSyũ ũpra mè thũ hũ blănmè PŏLu tai dŏ amyũn. ²⁰ Tarĩtakaĩ lahan ũ khĩ kaba ciran thamă khĩ cŏ theingă akhaucă, khĩ htu PŏLu, ‘Na ka laihtan dŏ Wein YeRuSyaLe dò taiceinsaũ tabwai takamā dŏ na nănkhou ũkaũ gă?’ ²¹ Blănmè ataicein khĩ dŏ athayũ laihtan dŏ RŏMe cahwa dau à cwaĩdò ka ciran năn akhaucă, rĩdò khĩ thonlai năn dŏ RŏMe cahwa à nu, khĩ mālān dŏ aka à mŏ dŏ htòn kaũ lò.” ²² Dò Cahwa AGrĩPa tai, “Khĩ thayũ nahyũn saô pra ũpra tamangaŏ.” Thanudò, prapainta PheTu tai, “Băcaòdaŏ mè, na ka nahyũnba nè.”

PŏLu bă Cahwa AGrĩPa langă

²³ Dò htũ naò ladaŏ nu, Cahwa AGrĩPa dò BeNĩKe krŏnbaŏ năn phu kră dò naũlan bă kalăn àrũbloncũ. Dò yĩkhau dau dò wein apradāu naũlan blon dò anănthũ. Dò bănukhă, prapainta PheTu mālān ngòn dŏ ka kālāinaũ PŏLu bănu. ²⁴ Htaũdò tai, “Phă cahwa dò pra à bă-ũ pũpra ŏn, pra ũpra mè YũDaphao pũpra kwĩhtan khĩ dŏ ka ciran anăn. YũDaphao à bă Wein YeRuSyaLe kākrihtan dŏ acŏ kŏn àomyũn pè. Dò YũDaphao à bă-ũ kākrihtan saô cwaĩ tha-ũ nè. ²⁵ Blănmè khĩ cŏ usũ atakamā laraũ raũ dŏ kŏn ciran thũ năn kŏ. Dò anănpica kwĩ khĩ dŏ aka laihtan dŏ RŏMe cahwa dau à. Akhaucă, khĩ bwaithá dŏ ka thonlai năn dŏ RŏMe cahwa dau à. ²⁶⁻²⁷ Blănmè khĩ cŏ à dò arĩkaĩ lanklan laraũ raũ dŏ ka tyanba RŏMe cahwa dau kŏ. Dò khĩ nithũ dŏ ngòn mamaũ htònphao lapra blănmè tamaũ rĩkaĩ ba cŏ à mè, ta cŏ kŏn thonlai năn dŏ RŏMe Cahwan dau à. Akhaucă khĩ kālāi pra ũpra bă nathũ pũpra langă, daukhlŏn dŏ Cahwa AGrĩPa langă nè. Marătaimè, cwaĩdò khĩ ka manaũ arĩkaĩ laraũ raũ dŏ ka tyanba RŏMe cahwa dau angă bă pa htulwaĩ năn htaũ khă nè.

26

¹ Dò cahwa AGRİPa tai PŏLu, “Na taicein da hŏ.” Dò PŏLu yaũhtan acudeĩn dò tai, ² “Phă cahwa ōn, ũ ladaŏ, khĩ taiceinba dŏ na langă bakyădò YũDaphao bwai takamā dŏ khĩ nănkhou akhaucă, mwaĩ taraŏrĩ dau dŏ khĩ ngă nè. ³ Dò na mwaĩ cahwa dŏ atheingă byan raò YũDaphao tahtŏn dò talanhteĩncũ bakyădò tabă rĩkaĩ akhaucă, khandhadŏn nadeĩn saô khĩ tataicein ka. ⁴ Că lă khĩ pică khă, khĩ aòmyũn dŏ khĩ pramyŏ aklă thamă dò khĩ aòmyũn bă Wein YeRuSyaLe thamă thamă mề, YũDaphao pũpra theingă raò nè. ⁵ Dò anănthũ theingă khĩ ngĩ hŏ akhaucă, aba thayũ khan răn thá dŏ khĩ mwaĩ pra aòmyũn macũ YũDaphao tabă ahtŏn grĩ grĩ cwaĩ PhaRiSyě gaĩn lapra mề da. ⁶ Blănmề kanaĩkhă, mwaĩdŏ khĩ cipŏn ta-ũlan dŏ Bweca ũlan dò pa phũphĩ lăniharu akhaucă, anănthũ mamaũ khĩ nè. ⁷ YũDaphao lasũnũ maŏ thabăhtan Bweca dŏ mŏncă mŏnna dò pa cipŏn ta-ũlanyălan ũ ka báhtan bwaĩhtan. Phă cahwa ōn, mwaĩdŏ khĩ cipŏn ta-ũlanyălan ũ akhaucă, YũDaphao mamaũ khĩ. ⁸ Pra aò bă-ũ cŏ yũ Bweca daôthamyũnhtancein prathũ mară? ⁹ Lă rĩkhă, khĩ nănpica taŏ yũ ywăn dŏ tahtandidò NaZaRephao YeSyũ mề mwaĩ taraò. ¹⁰ Dò mwaĩdŏ *praluta dau* lahan phĩ khĩ takrautayaò akhaucă, khĩ ma ta-ũ bă Wein YeRuSyaLe dò saulan prayũ *YeSyũ* ăpra dŏ htòn kaũ. Dò ũlan bathácũ saô dŏ ka ciran thũkaĩ anănthũ. ¹¹ Dò khĩ ciran anănthũ bă YũDaphao tathabăhyũn kaũ ăblan dò phyăn sărai anănthũ cwaĩdò ka tai dŏ cŏ yũ YeSyũ. Dò mwaĩdŏ khĩ tháheĩ anănthũ akhaucă, khĩ lai phyăn sărai anănthũ taũdŏ wein aò dŏ sũkăn karu kaũ.”

PŏLu tailaŏhtan ayũ YeSyũ

¹² “Ba lablan, cwaï *praluta dau* phíkrauphîyaò dò phíkhwai khĩ nu, khĩ lai dõ Wein DaMeCe. ¹³ Dò phã cahwa õn, bã khĩ dò pralai blon dò khĩ lai khã dò bã mõncã nu, takhã mwaï akhã khlõndò lamõn aò dõ maokhau khãsaiphraò khweĩreĩn lanba pa. ¹⁴ Dò bãnukhã, pa lanklaõ dõ hankhau pũpra htaũdò khĩ nahyũn tamangaõ dõ amangaõta dò khĩ atamangaõ^q, ‘SõLu, SõLu, na phyãn sãrai khĩ marã? Na ba caka khĩ mề, na mataõ na nãn nề.’ ¹⁵ Dò bãnukhã, khĩ htucein nãn, ‘*Tadau* õn, na mwaï hõpã?’ Dò *Tadau* taicein khĩ, ‘Khĩ mwaï YeSyũ mwaï na phyãn sãrai nãn lapra nề. ¹⁶ Blãnme kanaĩkhã, sahtõn ka. Khĩ daũlaõ khĩ nãn dõ na cwaĩdò ka rauhtan na dõ ka ma khĩ tama ngã. Dò na kaba taiba ngòn ta mwaï na usũba kanaĩkhã dò ta mwaï khĩ ka daũlaõ mõ na lò. ¹⁷ Dò khĩ daõlai na dõ YũDaphao dò pra cõ mwaï YũDaphao aò dò khĩ ka mapwũnblu na dõ anãnthũ cudeĩn kaũ nề. ¹⁸ Dò na kaba daõ-usũ anãnthũ maĩphlon bã takhũ dõ takhã. Dò blancein anãnthũ ta-aòmỹũn bã tasũtaná khaudau krauyaò dõ Bweca krauyaò. Dò mwaĩdõ anãnthũ yũ khĩ akhaucã, Bweca ka blailũkaĩ atakhòwè. Dò anãnthũ kahtũhtanba Bweca apralau.’

¹⁹ Thanudò, phã cahwa õn, khĩ nadeĩn cwaï taprei dõ maokhau taiba khĩ ²⁰ dò daõhtulan tarĩtakaĩ ù arĩkaõ bã Wein DaMeCe dò Wein YeRuSyaLe taũlan dõ Kãn YũDa kalãn pũkaũ dò dõ pra cõ mwaï YũDaphao aklã cwaĩdò anãnthũ ka sanlanceinthá dò blancein dõ Bweca aò, dò kaba daõlaõ ata-aòmỹũn dõ sanlanceinthá angã. ²¹ Dò dõ tarĩtakaĩ ù akhaucã, bã khĩ aò dõ taluhyũn khã, YũDaphao cyan khĩ dò ma ywãn cwaĩdò ka mathũ khĩ. ²² Blãnme mwaĩdõ Bweca makũ khĩ akhaucã, khĩ aòmỹũnba mõ taũ kanaĩ dò khĩ khan khĩ thá dõ pra adau taũdõ pra asyan pũpra bakyãdò tarĩtakaĩ ù. Dò khĩ

q **26:14** *khĩ tamangaõ* dõ Li Cãnsũ tatyán kahti mề tyán dò ‘HeBrĩ tamangaõ’.

daòhtulan yaũ ta cwaĩ MoSyě dò pahwĩ tai yaõ. ²³ Dò anãnthũ tai yaõ dõ *Khrĩ, prakahtũtadau* ka konba tasãrai dò tathũ dò ka mwaĩ pra arĩkaõ lapra dõ athamyũntancein dõ tathũ. Dò aka daòhtulan tahtaicein arĩkaĩ dõ YũDaphao dò pra cõ mwaĩ YũDaphao à.”

²⁴ Dò bã PõLu mangaõta tha-ũ khã, prapainta PheTu kãkrĩhtan, “Kõ PõLu, na plũ hõ. Na tamalũ adau ahtaũ maplũ na hõ.” ²⁵ Dò PõLu taicein, “*Tadau* õn, khĩ cõ plũ kõ. Khĩ taiba na ta amwaĩ acõn adau ayaõ nè. ²⁶ Tarĩtakaĩ ù Cahwa AGrĩPa theingã hõ akhaucã, khĩ tailaõhtan dõ alangã khaũhaĩ. Dò tarĩtakaĩ ũkaũ cõ htũhtan hu dõ kãnaõkãnkai akhaucã khĩ yũ dõ cahwa dau ka theingã hõ laõlãn.

²⁷ Cahwa AGrĩPa õn, na yũ lò pahwĩ atatyã ya? Khĩ theingã dõ na yũ.” ²⁸ Dò Cahwa AGrĩPa taicein, “Dõ tasaũkhã laplõn kaũ nu, na nithũ dõ na ka daòhtũhtan khĩ dõ Khrĩphao gã?” ²⁹ Dò PõLu taicein, “Tasaũkhã laplõn mề htaũ ngĩ mề htaũ, cõ mwaĩ ta arĩdau kõ.

Bacõmwaĩ dõ tacõncein mề, khĩ kwĩthabã Bweca dõ cahwa blon dò pra nadeĩn khĩ tamangaõ dõ ũdaõ kaũ ka thalyũndò khĩ.” ³⁰ Dò bãnukhã, prapainta PheTu, Cahwa AGrĩPa dò BeNĩKe dò prasanãn blon dò anãnthũ lahan ³¹ swaĩhtan bãnu dò taicũ, “Pra ũpra akalãn cõ

aò dõ ta ka ciran thũ nãn cõmwaĩmề ta ka bwailan nãn dõ htòn kaũ kõ.” ³² Dò Cahwa AGrĩPa tai prapainta PheTu, “Pra ũpra ba cõ kwĩhtan leĩn dõ RõMe cahwa dau aò mề, blailũ nãn da nè.”

27

PõLu talai dõ Wein RõMe

¹ Bã prapainta PheTu ciran dõ pa kaba daò sũkhlaũ dau dò lai dõ Kãn ITaLiYã, Wein RõMe htaũ khã nu, aphĩlan PõLu dò htònphao karu dõ yĩkhau lapra cũdeĩn kaũ. Yĩkhau ũpra amyan mề mwaĩ YũLi

dò abakyădò ÖKuStu ayitā. ² Dò bänukhă, Kăn MaKeDöNĩYăphao ARĩStaHu lai blon saô dò pa. Anăn mè mwaĩ Wein TheSaLaNĩphao. Dò pa ca daòhtan sũkhlaũ dau dõ bã Kăn ASĩYă, Wein ADraMuTi lai laba. Sũkhlaũ dau ỹ anaĩ ceinblan dõ Kăn ASĩYă sũtawadaw kaphrĩ. ³ Dò htũ naò ladaõ khă, pa laitaũ dõ Wein SĩDo. Bänukhă, yĩkhau YũLi maraò PõLu dò bwailai năn dõ ka lai-u angònraũ cwaĩdò ka manaũba tamakũ. ⁴ Dò bã pa swaĩhtankaĩ bã Wein SĩDo khă, taghũ san akhaucă, pa lai dõ khõnsũkhau KũPrũ abahtaõ bã taghũ cõ san dau ladeĩn ⁵ dò pa laikā Kăn KiLiKĩYă dò Kăn PaPhuLĩ asũtawadaw dò pa laitaũ dõ Wein MũRa aò bã Kăn LuCĩ. ⁶ Dò bã wein ỹ akaũ nu, yĩkhau YũLi usũ sũkhlaũ dau aò bã Kăn IKyĩ, Wein ALèSănDĩYă lai laba. Sũkhlaũ dau ỹ aka lai dõ Kăn ITaLiYă akhaucă, anăn daòdaòhtan pa.

⁷ Dò pa daòlai thadõn thadõn leĩn sũkhlaũ dau pãnyă pãnsă dõ ănu ăthũ akaũ dò pa laitaũ cõn dõ Wein KaNĩDu. Blănmè taghũ san akhaucă, pa ba lai dõ khõnsũkhau KreTe abalan dõ taghũ cõ san dau ladeĩ dò laikā khõnsũkhau SaLaMo akacaò nă. ⁸ Htaũdò pa laiphyũn dõ sũtawadaw teĩ dò dõ tapãnyă pãnsă akaũ nu, pa laitaũ bã kalăn lakhlao. Kalăn ỹkhlaò nu aòphyũn dò Wein LaSě dò amyan mwaĩ Sũteĩ Mo. ⁹ Pa talaikhlai ỹ ngĩ hõ dò kănkhlau saũkhă^r phyũnhtan hè, akhaucă tabayôn aò dõ ka lai leĩn ngă dò PõLu phĩkyăn anănthũ, ¹⁰ “Kõ ngònraũ thũ, khĩ theingă pa mwaĩ lai leĩn mè sũkhlaũ dau dò r **27:9** Dõ Li Cănsũ tatyán kahti kaũ nu tyan dò ‘Tablailũ takhòwè mõnnũ pwũn,’ dò asaũkhă mè mwaĩ bã ‘kănkhlũ asaũkhă phyũnhtan,’ dò tasaũkhă ỹ, kamwaĩ bã Lă SěPaTinBa dò ÒTõBa kacôn. Dò sũkhlai mè mwaĩ taũ Lă NoWĩnBa thũ 10 taũdõ Lă MaSya thũ 10 nu, tau cõ da pè. Mwaĩdõ tapăn tasă aò dõ talai tacein dõ sũkhlai ngă akhaucă.

taraotarā ka cabya cakaĩ dò cǔkǎmǔ pa tháthamyǔn ka htǔmǎkaĩ da nè.” ¹¹ Blǎnmè yǐkhau cǔ nadeĩn PǒLu tamangaǔ kǔ. Anǎn nadeĩn sǔkhlaǔ dau khau dò sǔkhlaǔ dau abweca tamangaǔ. ¹² Dò pra ǎpra phǐkyǎn dǔ bǎ kǎnkhlaũ saǔkhǎ nu, sǔkhlaǔ cǔ kǔn aòhtǔn ngǐ bǎ-ũ akhaucǎ, bada bacǎn mè, kaba swaĩhtan dǔ kalǎn bǎ-ũ dò laitaǔ phraĩ dǔ Wein PhiNǐKe asǔkhlaǔ dau kalǎn aòhtǔn. Dò sǔkhlaǔ dau kalǎn aòhtǔn ǔ aòblan tǔ dǔ khǔnsǔkhau KreTe banaǔ balan dò banaǔ bahtaǔ.

Taghǔdau lan bǎ sǔtawadau kaǔ

¹³ Htaǔdò dǔ balan lapá nu, taghǔ thahtan yaǔ yaǔ dò anǎnthǔ nithǔ dǔ sǔkhlaǔ dau lai leĩn ka da. Thanudò, htǔnhtankaĩ htacǔkwai dò rwǎn ywǎn cwaĩdò sǔkhlaǔ dau ka laisaǔ khǔnsǔkhau KreTe teĩ.

¹⁴ Blǎnmè cǔ ngǐ dò ‘Bahtan bahtaǔ’ taghǔ dau aò dǔ khǔnkhau lanba sǔkhlaǔ dau ¹⁵ dò alai khlai cǔ thaò pè. Dò pa ma laraǔ cǔ da pè akhaucǎ, pa bwai lai taǔ nǎn cwaĩ taghǔ htau tau.

¹⁶ Dò bǎ pa laikā taǔ khǔnsǔkhau KlòDa abá, dǔ taghǔ cǔ san dau pè lapá khǎ, pa maywǎn cwaĩdò sǔkhlaǔ myǔn ka cǔ lanyaukaĩ angǎ.

¹⁷ Dò bǎ anǎnthǔ htǔnhtan sǔkhlaǔmyǔnphao dò bwailan dǔ sǔkhlaǔ dau khau htaǔ khǎ, byǎncein sǔkhlaǔ dau dò pǔ. Dò anǎnthǔ tharǔn dǔ sǔkhlaǔ dau ka aòtǎn dǔ balan lapá bǎ lǔnmaikhau aò bǎ Kǎn AFaRiKa sǔtawadau phrǐ akhaucǎ, anǎnthǔ bwailankaĩ sǔkhlaǔ dau la htaǔdò bwai laitaǔ sǔkhlaǔ dau cwaĩ taghǔ htau lai nǎn.

¹⁸ Dò naò ladaǔ khǎ, mwaĩdǔ taghǔ dau lan khlǔnmǔ akhaucǎ, anǎnthǔ hweĩlanteĩnkaĩ taraotara lahan. ¹⁹ Dò thyǔn daǔ ladaǔ khǎ, anǎnthǔ hweĩlanteĩnkaĩ thǎ sǔkhlaǔ dau krǔn lahan. ²⁰ Dò pa cǔ usǔ lamaǔ, lǎ dò sa aò ǎdaǔ hǔ. Dò taghǔ dau lan leĩn mǔ akhaucǎ, naòdwankhǎ, pa cǔ maô dǔ pa ka aòmyǔnba pè kǔ.

²¹ Dò anǎnthũ cồ an cồ aỏ ta aỏ ảdaỏ hỏ akhaucǎ, PỏLu sahtỏn đỏ anǎnthũ langǎ dỏ tai, “Tahpủwai thũ ỏn, nathũ mwaỉ nadeỉn khỉ tamangaỏ dỏ mwaỉ cồ swaỉhtankaỉ bả khỏnsủkhau KreTe mề, pa cồ nikǎba tacakaỉ cabya dỏ talancaủ lanpron tha-ủ kỏ. ²² Dỏ kanaỉkhả, khỉ sankǎn nathũ, bwaisaỏ nathũ thá ka. Nathũ tháthamyủn cồ htumǎkaỉ lapra lapra tỏn. Ka htumǎkaỉ sĩ sủkhlaủ dau hỏ nề. ²³ Lả mỏnna khả, Bweca mwaỉ khỉ thabả dỏ ma ata lapra alanǎn lai đỏ khỉ aỏ dỏ taiba khỉ, ²⁴ ‘PỏLu, cồ tharỏn ka. Na kaba laitaủ đỏ RỏMe cahwa dau langǎ mỏ. Thanudỏ, Bweca ka ma pwủnblu na dỏ pra aỏ đỏ sủkhlaủ dau kaủ pủpra atháthamyủn nề.’ ²⁵ Akhaucǎ, thapủwai thũ ỏn, bwaisaỏ nathũ thá ka. Khỉ yủ đỏ Bweca ka ma cwaỉ alanǎn taiba khỉ. ²⁶ Bảnmề taghủ ka sanhtan pa đỏ khỏnsủkhau lakhlao dỏ sủkhlaủ dau ka cabyakaỉ nề.”

²⁷ Dỏ htủ lasủ lwỉ na lana khả, mwaỉđỏ taghủ san dau akhaucǎ, pa sủkhlaủ dau lanyau đỏ sủtawadau MeDiHtaRẻNỉYả^s kaủ. Dỏ bả mỏnna khả, pracủ sủkhlaủ lahan ỉdỏ sủkhlaủ dau laitaủ phyủn bả khỏnkhau akhaucǎ, ²⁸ anǎnthũ teỉ-u sủyaỏ dỏ theingả đỏ ayaỏ akhlyǎn nủsủ. Tau leỉn lathá dỏ anǎnthũ teỉ-u thả dỏ theingả đỏ ayaỏ aỏ mỏ lasủngai khlyǎn. ²⁹ Bảnukhả, anǎnthũ tharỏn sủkhlaủ dau ka seinnba lỏn akhaucǎ, bwailan htacủkwai lwỉ bỏn bả sủkhlaủ kǎnmeỉ dỏ kwỉthabả đỏ mỏn ka lỉ phraỉ.

³⁰ Dỏ pracủ sủkhlaủ bwaitha đỏ ka swaỉpǎkaỉ dỏ sủkhlaủ dau akhaucǎ, tau đỏ sủkhlaủ dau khauklao lapá dỏ tǎnma nǎn cwaỉ ka bwailan htacủkwai bảnmề bwailan đỏ sủkhlaủ maủ. ³¹ Bảnukhả, PỏLu tai yỉkhau ủpra dỏ yỉphao lahan, “Pracủ sủkhlaủ ủaủ ba cồ aỏ

s **27:27** Sủtawadau MeDiHtaRẻNỉYả ủ lảỉkhả, ngỏn kǎ nǎn dỏ ‘Sủtawadau ADrỉ.’

bă sŭkhlaŭ kaŭ mề, cồ maô đố nathŭ ka àomyŭnba ka.”³² Thanudò, yŭphao lahan peitŭkaŭ sŭkhlaŭmyŭnphao pŭ dò bwai lanyau kaŭ.

³³ Rŭdò mỗn lŭ khă, cwaŭdò anănthŭ ka an aố ta ngă nu, PồLu sankăn anănthŭ, “Nathŭ àò cipỗn ta dò cồ an cồ aố ta àò lasŭlwŭ daố hố. ³⁴ Akhaucă, khŭ kwŭcică nathŭ đố nathŭ ka an ka aố ta laraŭ raŭ đố nathŭ ka àomyŭn angă nề. Nathŭ swăn labỗn cồ lanru kố.”

³⁵ Bănukhă, PồLu phi takao dò htònhtan Bweca đố anănthŭ langă htaŭdò bìphá takao dò an. ³⁶ Akhaucă, pra pŭpra athámohtan dò anta aốta. ³⁷ Dò đố sŭkhlaŭ dau kaŭ mề, pra àò laőlăn nŭya nwaŭsŭ sŭ pra.

³⁸ Anănthŭ ankaô aốbwaŭ htaŭdò hweŭnlankaŭ baŭhŭ laőlăn đố sŭ klă cwaŭdò sŭkhlaŭ dau ka phwŭhtan angă.

Sŭkhlaŭ dau cabyakaŭ

³⁹ Dò bă mỗnlŭ khă, anănthŭ taŭ kalăn bămă mề, cồ theingă blănmề usŭ sŭtawadau teŭ akhaucă, bwaithá đố ka bwaihtôn sŭkhlaŭ dau bănu. ⁴⁰ Dò anănthŭ paŭtŭkaŭ htacŭkwai pŭ dò bwailankaŭ bă sŭtawadau kaŭ dò lablanhtein, anănthŭ kwăkaŭ pŭ mwaŭ acỗncein kalăn wăn sŭkhlaŭ dau htaŭdò phraốhtan sŭkhlaŭ dau la dò bwaitau sŭkhlaŭ dau bă sŭtawadau teŭ. ⁴¹ Blănmề sŭkhlaŭ dau ũ tau aốtăn bă lổnmai khau dò akhauklao aốtăn bă lổnmai klă akhaucă kakhyaô cồ da dò mwaŭđố sŭthakaố seinba akănmeŭn lapá akhaucă, cabya kaŭ.

⁴² Dò yŭphao bayôn đố htònphao ka wănsŭ dò pheiswaŭ akhaucă, kyănhtan đố ka mathŭkaŭ laố htònphao. ⁴³ Blănmề mwaŭđố yŭkhau thayŭ mapwŭnblu PồLu akhaucă, khrankaŭ anănthŭ atakyănhtan. Dò anăn daôseinlan rŭ pracăn wănsŭ lahan cwaŭdò ka wăn tau đố khổn khau. ⁴⁴ Dò mwaŭ pra aốkaŭ ũkaŭ nu, daôdaò tau thônpain dò sŭkhlaŭ dau krổn. Thanudò, pa pŭpra pwŭnblu dò tapăn tasă dò htantaŭ ba raò đố khổn khau.

PỖLu bả khỗnsủkhau MeLĩTe

¹ Bả pa htantaủ raò đỗ khỗn khau khả, pa theingãba đỗ kalăn ử mwaỉ khỗnsủkhau MeLĩTe. ² Dò khỗnsủkhauphao ửkaủ paỗsaũkã pa dò marỉ maraò pa. Dò mwaỉđỗ kãnswaỉ dò kãnkhlau akhaucã, anãnthủ makaỉba pa mỉ.

³ Dò bả PỖLu phi còn cau dò cữhtan khả, raủthủ labỗn mwaỉđỗ mỉkaủ nãn akhaucã, htan kaỗ PỖLu cudeỉn. ⁴ Dò bả khỗnsủkhauphao ửkaủ usủ raủthủ htan kaỗ PỖLu cudeỉn khả, anãnthủ taicủ, “Pra ửpra ka mwaỉ rãn pra mathủ pralau nè. Dò amwaỉ pwủnblu đỗ sủtawadau blãnme, Bweca mwaỉ aciran tacỗn lapra cỗ bwai myủn leỉn nãn kỗ.”

⁵ Dò PỖLu karaủ lanteỉnkaỉ raủthủ ử đỗ mỉ khau dò acỗ ma laraủ raủ kỗ. ⁶ Anãnthủ nithủ đỗ PỖLu ka yaỗhtan thapra dau mwaỉ cỗ mwaỉ ka lanklaỗ thủ khyaò dò aòpaỗ ngỉ blãnme cỗ usủ tahtủhtan dò PỖLu laraủ raủ akhaucã, nilai atanithủ dò taicủ, “Anãn ka mwaỉ rãn bweca lapra ya.”

⁷ Dò bả khỗnsủkhau ử nu, khỗnsủkhau pradau aò lapra. Amyan mwaỉ PòPli. Ahankhau aòphyủn bả pa kalăn aò. Anãn paỗkãsaủ raò pa dò đỗ thỹủn daỗ akaủ nu, phỉ-an phỉ-aỗ pa. ⁸ Dò apha mề sả nãnkaủ dò sả phủwỉ akhaucã, aò đỗ lamỉ kaủ. Dò PỖLu lai đỗ a-aò dò kwỉthabả htaủdò bwaihtan cudeỉn đỗ anãn khau dò mahaicein nãn bảnu. ⁹ Akhaucã, praswỉ prasả aò bả khỗnsủkhau lai đỗ PỖLu aò dò PỖLu mahaicein anãnthủ. ¹⁰ Dò anãnthủ phỉ pa taphỉ ảraủ dò cỗkãmỗ bả pa swaỉhtan khả, lai phỉ pa ta đỗ pa loba lahan.

PỖLu laitaủ đỗ Wein RỗMe

¹¹ Pa àò bã khõnsũkhau thyũn læ pwũn dò pa daòhtan sũkhlaũ dau àò sahtõn bã kãnkhlau asaũkhã laba dò pa swaĩhtan bãnu. Sũkhlaũ dau ũba nu àò đõ Wein ALèSãnDĩYã lai. Dò đõ alòn nu, ‘bweca thakaũ,’ yòn àò. ¹² Dò sũkhlaũ dau ũ lai aòhtõn bã Wein SuRaKũ dò pa àò bãnu thyũn daõ. ¹³ Htaũdò pa swaĩhtan bãnu dò laitaũ đõ Wein RěGi. Dò htũ naò laraò khã, mwaĩdõ taghũ san bahtaõ akhaucã, nũ daõ pwũn khã, pa laitaũ bã Kãn ITaLiYã Wein PòTiLu. ¹⁴ Dò bãnu pa usũ prayũ YeSyũ dò anãnthũ kãmo pa đõ ka aòblon dò anãnthũ nwaĩ daõ. Dò pa laileĩ đõ Wein RõMe. ¹⁵ Dò prayũ YeSyũ àò bã Wein RõMe nahyũn đõ pa lai akhaucã, lahan mè, lai aòpaõsaũ pa bã Wein APĩ klã dò lahan mè, aòpaõsaũ pa bã Thamwaĩhyũn Thyũnma. Dò bã PõLu usũ anãnthũ khã, taikyũ Bweca dò manaũ takhau ta-ã.

PõLu bã Wein RõMe

¹⁶ Bã pa laitaũ Wein RõMe khã, ngòn bwai aòtaõ PõLu dò yĩphao mwaĩ aòpaõ nãn lapra.

¹⁷ Dò thyũn daõ pwũn khã, PõLu kã aòrũcòn YũDaphao khauna àò bã Wein RõMe dò tai, “Thapũwaĩ thũ õn, khĩ cõ htandidò khĩ pramyõ dò phũphĩ atahtõn laraũ raũ kõ. Blãnmè YũDaphao khauna bã Wein YeRuSyaLe cyan khĩ dò phĩlankaĩ khĩ đõ RõMe khauna cudeĩn kaũ. ¹⁸ Dò RõMe khauna htulwaĩ khĩ blãnmè cõ usũ takamã laraũ raũ đõ kaba ciran thũ khĩ akhaucã, thayũ blailũ khĩ. ¹⁹ Blãnmè YũDaphao khrankaĩ dò naòdwankhã khĩ kwĩ laihtan đõ RõMe cahwa dau àò. Blãnmè cõ mwaĩ đõ khĩ ka mamaũ saũ khĩ pramyõ taõ ngã kõ. ²⁰ Dò mwaĩdõ khĩ yũ ISaRěLaphao tacipõn htũhtan hõ akhaucã, ba tacõncein khĩ dò pũhta nè. Thanudò, khĩ kwĩ đõ ka usũ dò mangaõta dò nathũ.”

²¹ Dò anǎnthǔ taicein PǒLu, “Bakyǎdò na ríkaǐ nu, pa cǒ naǔba li dǒ Kǎn YǔDa lai laba laba kǒ. Pa thapǔwaǐ YǔDaphao mwaǐ alai bǎ-ǔ ǔkaǔ, cǒ taikaǐ na ríkaǐ laraǔ raǔ kǒ. ²² Blǎnmè pa thayǔ nahyǔn bakyǎdò gaǐn athǔ ǔmau aríkaǐ. Pra ǔmau nu, ngòn htandidò nǎn dǒ kalǎn pǔkaǔ dò na tabwaithá àò thamǎ?”

²³ Dò anǎnthǔ khǐcǔ mǒnnǔ mǒnthǔ dò pra ǎpra lai bloncǔ dǒ PǒLu hyûn. Dò cǎ lǎ mǒnraò taǔ mǒnha nu, PǒLu taiprwaǐba anǎnthǔ dǒ MoSyě tamālan dò pahwǐ tayan cwaǐdò anǎnthǔ ka napau **Bweca sǔkǎn** ríkaǐ dò yǔ YeSyǔ angǎ.

²⁴ Dò pra lahan mè yǔ PǒLu tamangaǒ dò lahan mè cǒ yǔ kǒ.
²⁵ Thanudò, anǎnthǔ thá cǒ lanrǎcǔ pè dò swaǐhtankaǐ hè. Dò bǎnukhǎ, PǒLu tai, “Bweca Yaò Cǎnsǔ daôtai pahwǐ YaSyǎYa dǒ nathǔ phǔphǐ lǎnihǎru nu tǔ raò. ²⁶⁻²⁷

‘Lai dǒ pra ǔ maǒ àò dò tai anǎnthǔ,
‘Nathǔ mwaǐ pra dǒ akhauklao saò.
Nathǔ nikǔ àò blǎnmè cǒ napau nathei,
nathǔ maiplon àò blǎnmè cǒ usû ta.
Akhaucǎ nathǔ nadeǐn htaǔ nadeǐn blǎnmè cǒ napau ta,
u htaǔ dò u blǎnmè cǒ usû ta.
Blǎnmè nathǔ mwaǐ usû,
mwaǐ nahyǔn, mwaǐ napau nathei
dò mwaǐ laǐceinthá nu,
Bweca ka mahaicein nathǔ.’

²⁸ Thanudò, theingǎ ka. Bweca tahtaicein pralau aríkaǐ ǔ ta ka daòhtulanba dǒ pra cǒ mwaǐ YǔDaphao àò dò anǎnthǔ ka nadeǐn.”

²⁹ (Bǎ PǒLu tai tha-ǔ khǎ, YǔDaphao lanhteǐncǔ ywǎn htaǔdò swaǐhtankaǐ bǎnu.)

³⁰ Dò PồLu nikhā àò hyûn bã Wein RồMe kaũ nử nein dò paồkāsâu raò pralai bã a-à pủpra. ³¹ Dò taiba anănthủ đố ***Bweca sủkăn*** rîkaĩ dò thwanlủ anănthủ đố ***Tadau YeSyũ*** Khrī arîkaĩ khaũhaĩ. Dò tamadidaò didăn năn laraũ cồ àò pè kồ.